

मत्तीइ

फ्हिबै येशू खीष्ट उँडले खबै सैं तोंबै ताँ

फ्हिबै म्हिः च्युसे इहं कुल्मिंबै चेला चिबैं न्होंबैं मत्ती ।

फ्हिबै त्हेः ई. सं. ७० साल जरे, अथवा बि. सं. १२७ साल जरे ।

फ्हिबै ताँः परमेश्वरजी खीजी त्हाँबै यहूदी हेंमैंने स्योम्बै ठिमर बाछा फैइ । च बाछामें येशू उँडले क्होंसेन्लेन् तइमुँ बिसि मत्तीइ चु कितबर फ्हिइमुँ । येशू यहूदी हेंबैं म्हि तलेया खी उँडले च बाछामें यहूदीमैंए ल्हागिर मत्त्रे आडिं, ताँन् ह्युलबैं म्हिमैंए ल्हागिर ग ।

येशू छयाँबै ताँ लोमिंबै म्हि ग बिसि मत्तीइ खीए बारेर त्हेँ ताँमैं फ्हिथेंइमुँः

क. मत्ती ५:१ उँडले ७:२७ समा येशूजी खैबै म्हिमैंइ आशिक योंसि स्वर्ग ग्याल्सर होल् योंमुँ धै खैबै म्हिमैं स्वर्गबैं ग्याल्सर होल् आयों बिबै ताँ फ्हिइमुँ ।

ख. मत्ती १० र येशूजी खीए कुल्मिंबै चेला चिबैं च्युसे इहंने सैं तोंबै ताँ बिमिंबै बारेर फ्हिइमुँ ।

ग. मत्ती १३ र येशूजी स्वर्गबैं ग्याल्सए बारेबैं ताँमैं अहान उँडले फ्हिइमुँ ।

घ. मत्ती १८ र येशूए चेला तदा इहाँबैंइ खैबै के लल् त्हुम् बिबै ताँ फ्हिइमुँ ।

ड. मत्ती २४ नेरो २५ चु जुगए लि उँडबै त्हे नेरो स्वर्गबैं ग्याल्स तखबै त्हेए बारेर येशूजी बिबै ताँमैं फ्हिइमुँ ।

चु कितबर मुँबै ताँमैं

येशूए खेमैं नेरो फिबै त्हे १:१—२:२३

बप्तिस्मा पिंबै यूहन्नाइ लबै के ३:१-१२
 येशूजी बप्तिस्मा किंबै लिउई दुष्टइ जाँच लब ३:१३—४:११
 गालील ह्युलर येशूजी लबै के ४:१२—१८:३५
 येशू गालीलउईले यरूशलेमउई ह्याब १९:१—२०:३४
 यरूशलेम सहरर येशूजी सिबै त्हे समा पोबै ताँमें नेरो लबै केमें
 २१:१—२७:६६
 सिसि सोगों तबै लिउई येशू धबै चेलामेंने त्होब २८:१-२०

22222 222222 222
 (2222 2:22-22)

- 1 चु येशूए खलकबै ताँ ग। येशू खीए खे, दाऊद मुँए हाँगउईले
 फिब् ग। दाऊद स्योम्बै खे अब्राहामए हाँगउईले फिब् ग। च
 हाँगबै खेमैए मिं छाब् मुँल:
- 2 अब्राहामए च्हए मिं इसहाक मुँल।
 इसहाकए च्ह याकूब मुँल।
 याकूबए च्हमै यहूदा नेरो चए आघे-अलिमै मुँल।
- 3 यहूदाए च्ह डिहंए मिं फारेस नेरो जाहेर मुँल। (चमैए आमाए
 मिं तामार मुँल।)
 फारेसए च्ह हेस्रोन मुँल।
 हेस्रोनए च्ह आराम मुँल।
- 4 आरामए च्ह अम्मीनादाब मुँल।
 अम्मीनादाबए च्ह नहशोन मुँल।
 नहशोनए च्ह सल्मोन मुँल।
- 5 सल्मोनए च्ह बोअज मुँल। बोअजए आमा राहाब मुँल।
 बोअजए च्ह ओबेद मुँल। (ओबेदए आमा रूथ मुँल।)
 ओबेदए च्ह यिशै मुँल।
- 6 यिशैए च्ह दाऊद मुँ मुँल।

दाऊद भूँए च्ह सोलोमन मुँल । सोलोमनए आमा बतसेबा मुँल ।

बतसेबाए ब्ह्या ओसों उरियाहने तल ।

7 सोलोमनए च्ह रहबाम मुँल ।

रहबामए च्ह अबिया मुँल ।

अबियाए च्ह आसा मुँल ।

8 आसाए च्ह यहोशापात मुँल ।

यहोशापातए च्ह यहोराम मुँल ।

यहोरामए च्ह उज्जियाह मुँल ।

9 उज्जियाहए च्ह योताम मुँल ।

योतामए च्ह आहाज मुँल ।

आहाजए च्ह हिजकिया मुँल ।

10 हिजकियाए च्ह मनश्शे मुँल ।

मनश्शेए च्ह आमोन मुँल ।

आमोनए च्ह योसिया मुँल ।

11 योशियाहए च्हमैं यकोनियास नेरो चए अलिमैं मुँल ।

चमैं शत्तुरमैंइ टहोवासि बेबिलोन ह्युलउँई बोयाबै त्हे भन्दा
ओसोंन् फिबै म्हिमैं मुँल ।☆

12 कहाइ बोयाबै लिउँई फिबमैं यकोनियासए च्ह शालतिएल मुँल ।

शालतिएलए च्ह यरुबाबेल मुँल ।

13 यरुबाबेलए च्ह अबिउद मुँल ।

अबिउदए च्ह एल्याकीम मुँल ।

एल्याकीमए च्ह आजोर मुँल ।

14 आजोरए च्ह सादोक मुँल ।

सादोकए च्ह आखिम मुँल ।

आखिमए च्ह एलिउद मुँल ।

15 एलिउदए च्ह एलाजार मुँल ।

एलाजारए च्ह मत्तान मुँल ।

☆ 1:11 1:11 □ 00000 00:१४,१५; २ इति ३६:१०; यर २७:२०

मत्तानए च्ह याकूब मुँल ।

16 याकूबए च्ह योसेफ मुँल ।

योसेफए फ्हेंस्यो मरियम मुँल । मरियम परमेश्वरजी कुल्मिंबै मुँ ख्रीष्ट येशूए आमा मुँल ।

17 छले खे अब्राहामए पलोसेरो दाऊद मुँए पलो समा च्युसे प्लि पुस्ता तल । दाऊद मुँए पलोसेरो यहूदीमैलाइ बेबिलोन ह्युलउँइ बोयाबै त्हे समा अर्को च्युसे प्लि पुस्ता तल । झाइले च त्हेसेरो परमेश्वरजी कुलबै मुँ ख्रीष्ट फिबै त्हे समा च्योमा अर्को च्युसे प्लि पुस्ता तल ।

2222 22222222 222
(2222 2-2-2)

18 येशू ख्रीष्ट छले फिइ । खीए आमा मरियम योसेफ बिबै म्हिने ब्ह्या लब् बिसि ह्थिथेंल । चमै ब्ह्या लब् भन्दा ओंसों मरियमइ परमेश्वरए पबित्र प्न्हए शक्तिउँइले फ्हेसे नोन बिसि योसेफइ था सेइ ।☆

19 दिलेया योसेफ धर्मि म्हि मुँल । छतसि चइ मरियम फा पिन् आलल्ले खाबज्यै था आसेन्ले वाबै सैं लइ ।

20 दिलेया योसेफइ सैं न्हों-न्हों चु ताँ मैरिमा परमेश्वरउँइले युबै स्वर्गदूतजी चए म्होंडर म्त्रोंयुसि चने बिइ, “ओ दाऊदए खलकर्बै योसेफ, किहए फ्हेंस्यो मरियमलाइ तोइ आइह्हांन्ले ब्ह्या लद । तलेबिस्याँ चइ पबित्र प्न्हउँइले फ्हेसे नोइमुँ ।

21 चइ च्ह घ्रि फिब्मुँ । किहइ खीए मिं येशू थेंब्मुँ । तलेबिस्याँ खीजी ह्त्तोंसए म्हिमैलाइ चमैए पापउँइले जोगेमिंब्मुँ ।”☆

22 अगमबक्ताइ* बिबै ताँ पूरा तबै ल्हागिर्न छले तब् गः

23 “इह्योद! कन्ये घ्रिइ फ्हेसे नोसि च्ह घ्रि फिब्मुँ ।

धै म्हिमैइ खीए मिं इम्मानुएल थेंब्मुँ”☆

☆ 1:18 1:18 ॐ २:२७

ॐ ॐ ॐ ॐ ॐ ॐ ॐ ॐ

☆ 1:21 1:21 ॐ ३:३१

☆ 1:23 1:23 ॐ ३:४

* 1:22 1:22 ॐ ॐ ॐ ॐ ॐ ॐ ॐ ॐ

खीजीन् डए म्हिमैं अथवा इस्राएलीमैंए छैं लब्भुं।' "☆

7 चहमा हेरोद मुँइ च स्यार उँइले खबै इह्योब लिभ्मै खाबज्यै
आसेल्ले हुइसि मुसारा खोंयो म्रोल बिसि चमै उँइले था सेइ ।

8 झाइले चमैने बिइ, “वहेमैं बेथलेहेम नाँसर ह्यासि च कोलो छेन्ले म्हैद, धै योंबै लिउँई कोलो खनिर मुँ बिसि डने या बिद्। डै-या खीलाइ फ्योबर ह्याम्।”

9 मुँइ बिब् डिसि चमैं ह्लोंसए घ्याँ कहासि ह्याइ । छले ह्याम
चमैंइ स्यारउँइ प्रोंबै मुसार खेंमैंए ओंसों-ओंसों ह्याइ । धै कोलो
मुँबै क्तह्योर फेसि च मुसारा चर्न टिइ ।

10 छुले चमैइ च सारा म्रोंमा चमै बेल्ले सैं तोइ ।

11 झाइले चमैं च धिं न्होंर हौंमा कोलो खीए आमा मरियमए
क्वेंदर मोड़। धै पत्वु तसि खीलाइ फ्योसि ह्वांसए नंदो फैसि
मारा, छ्याँबै थाँ खबै धुप नेरो मूर बिबै लिंबै थाँ खबै छ्युगु भेटिमैं
पिंड।

¹² झाइले एह्याबै त्हेर परमेश्वरजी “हेरोद मुँ डार्र आह्याद,” बिसि चमैने म्होंडर बिइ। छतसि चमै स्योबै घ्याँउईले ह्वांसए ह्युलर एह्याइ।

????? ???? ???

13 च इह्योब् लिब्मै ह्यावै लिउँई स्वर्गदूत थ्रिड योसेफने म्होंडर बिइ, “रेद, कोलो नेरो खीए आमा बोसि मिश्र ह्युलउँई ह्याद। डइ च ह्युलउँईले आहुइन् समा चर्न टिरिद, तलेबिस्यां हेरोदइ चु कोलो सैबर म्है प्रइमुं।”

14 झाइले योसेफ रेसि आमा नेरो च्ह बोसि च म्हुँईसर्न मिश्र
ह्युलउँई त्हांयाइ ।

15 झाइले हेरोद आसिन् समा चमैं मिश्र ह्युलर्न टिरिइ ।
 “डइ ह्हांसए च्ह मिश्र ह्युल उँइले हइमुँ ।”✠

बिसि अगमबक्ता उँइले याहवेहजी ओंसोन् बिबै ताँ छले पूरा तइ।

222222222222 2222222 222

16 इह्योब् लिब्मैइ खीने स्योर तेना बिब् सेसि हेरोद बेल्ले हिस खइ। चइ मुसारा मोबै त्हे च इह्योब् लिब्मैने ड्योएसि ओंसोन् था सेल् खाँल। छतमा चमैइ बिबै त्हे मैसि हेरोदइ बेथलेहेम नेरो च खागुबै नाँसजरेबै इहंदि न्होंबै मुँयुँ कोलोमें ताँन् सैबर ल्हैदिइ।

17 छले यर्मिया अगमबक्ताइ बिबै ताँ पूरा तइ। चइ स्योमन् छले फ्हियेंलः

18 “रामा नाँसर क्रोब्-म्होब् तसि दुःखए कै म्हिमैइ थेइ।

स्योम्बै राहेलए खलकबै आमामै ह्रोंसए कोलोमैए ल्हागिर क्रोसेन् मुँ।

चमैए सैं खैलसे कहोल् आडिं।

तलेबिस्याँ चमैए कोलोमै ताँन् सियाल।”☆

22222 222222222222 222

19 हेरोद मुँ सियाबै लिउँइ याहवेहए स्वर्गदूत घि मिश्र ह्युलरि योसेफए म्होंडर धबै बिइ।

20 “ओ योसेफ, रेद, कोलो नेरो आमा बोसि इस्राएल ह्युलर एह्याद। तलेबिस्याँ कोलो सैल् म्हैबै म्हिमै सिल् खाँइमुँ।”

21 छबिमा योसेफ रेसि कोलो नेरो आमा बोसि इस्राएल ह्युलर एखइ।

22 दिलेया यहूदीयार अर्खिलाउस ह्रोंसए आबा हेरोदए क्तह्योरि मुँ तइमुँ बिबै ताँ योसेफइ थेइ। चु ताँ थेसि योसेफ छाइ

7 दिलेया फरिसीमें नेरो सदुकीमें न्होंबै ल्हें म्हि या खीने बप्तिस्मा किंवर खब् म्रोसि यूहन्नइ चमैने बिइ, “ओ फुरि धों तबै म्हिमें, परमेश्वरए हिसउँइले स्योल् खाँम् बिसि खाबइ क्हेमैने बिइ?☆

8 बरु परमेश्वरउँइ सैं एसि छ्याँबै केमें लसि उँइन् ।

9 ‘डि यूहदीमें परमेश्वरजी त्हांबै म्हि अब्राहमाए खलकबै तसेरो डि परमेश्वरए सजैँउँइले स्योल् योंब्मु,’ बिसि ह्नों-ह्नोंसन् बिआप्रद् । तलेबिस्याँ ड क्हेमैने बिमुँ, परमेश्वरजी अब्राहमाए ल्हागिर चु यूँमाउँइले या सन्तान् लमिल् खाँम् ।☆

10 तोगोंन् सिं धूर त फेल् खाँइमुँ । छतसि छ्याँबै रो आरोबै ताँन् सिंधुँ परमेश्वरजी थोवाब्मुँ, धै मिर खोंवाब्मुँ ।☆

11 “क्हेमैए सैं परमेश्वरउँइ एइ बिब् उँइबर डइ क्युर प्ल्हुंमिसि बप्तिस्मा पिंम् । दिलेया डए लिलि युबै म्हि ड भन्दा बेल्ले शक्ति मुँब मुँ । खीजी क्हेमै परमेश्वरए पबित्र प्ल्ह नेरो मिइ बप्तिस्मा पिंब्मुँ । डम् खीए जुत्ता नोबै लायगबै आरे ।

12 सोंग्या टाबै नउलि खीए योर्न मुँ ।† खीजी ताँन् खालबै सोंग्या छेन्ले टाब्मुँ, धै खीए गहुँ धन्सारर खागु लब्मुँ, धै ताँन् पुइ खागु लसि खोंयोँइ आसिबै मिर खोंवाब्मुँ ।”

0000000 000000000000000 0000000000 00000
(0000000 0:0-00; 00000 0:00-00)

13 झाइले येशू यूहन्नाने बप्तिस्मा किंवर गालील ह्युलउँइले यर्दन स्योर युइ ।

14 दिलेया यूहन्नाइ येशूने “क्हिजी डलाइ बप्तिस्मा पिंल् त्हुब् ग । क्हिजी डने बप्तिस्मा किब् आ?” बिसि बप्तिस्मा किंवर क्वेबर होइ ।

☆ 3:7 3:7 00000 00:३४; २३:३३ ☆ 3:9 3:9 000 0:३३ ☆ 3:10 3:10 00000
0:१९ † 3:12 3:12 0000 000 000000 000 000000 0000 000000 0000 00000000
0000 0000-स्यो लब्मुँ ।

15 दिलेया येशूजी यूहन्नाने बिइ, “तोगो छान् तरिगे। छले डचोइ परमेश्वरजी बिब् धोले लब् छ्याँब मुँ।” छबिमा यूहन्नाइ येशूलाइ बप्तिस्मा पिंड।

16 बप्तिस्मा किल् खाँवै तोदोंन् येशू क्युउँले बैरु त्हांखमा
स्वर्ग थोंसि परमेश्वरए प्न्ह तोंगु धोंले ह्नोंसए फिर युरिब खीजी
म्रोङ् ।

17 झाइले “चु डइ खोवै च्ह ग, चु म्रोसि ड बेल्ले सैं तोंइमुँ बिबै
कै घ्रि स्वर्ग उँडैले यइ।”☆

4

(##### ?-??-??; ##### ?-?-??)

1 झाइले दुष्टउँइले* येशूए जाँच लबर परमेश्वरए पबित्र
 प्लहजी येशलाइ क्यु आयोंबै क्ल्हयोरि बोयाइ।✠

2 चर प्लिच्यु त्तिहंइ प्लिच्यु म्हुइस समा बर्त टिमा येशूलाइ फो
स्वेंड ।

³छतमा दुष्टइ येशु डाँर खसि बिइ, “क्हि क्होसैन परमेश्वरए
क्ह ग बिस्याँ चु युँमामै ‘क्हे तयाद,’ बिद।”

4 छबिमा येशूजी बिइ, “परमेश्वरए छवेर छले फ़्लिइमुँ,
‘चबै सैइ मत्त्रे म्हि सोल् आखाँ,
परमेश्वरए सँउँइले त्हांबै ताँमैउँइले म्हि सोल् खाँम।’”✠

5 छलेन दुष्टइ येथूलाइ यरूशलेम सहरर बोसि मन्दिरए धाँसे
नबै चोर राल पिसि

☆ 3:17 3:17 ॥ ॥:२; भज २:७; यशै ४२:१; मत्ती १२:१८; १७:५; मर्क १:११; लूक

* 4:1 4:1 〰〰〰〰 〰〰〰〰 〰〰〰〰〰〰 〰〰〰〰〰〰〰〰 〰〰〰〰〰〰 〰〰〰〰 〰〰 〰〰 〰

♫ 4:1 ♪ 4:1

6 खीने बिइ, “क्हि क्होंसेन परमेश्वरए च्हा ग बिस्याँ छुइले क्युरु फाल् झोन् ।

तलेबिस्याँ ‘परमेश्वरजी क्हिलाइ जोगेमिंवर ह्हांसए स्वर्गदूतमें कुलब्भुं ।☆

धै क्हिए फ़ले युँमार आथुरिगे बिसि
चमैए योइ क्हि तोब्भुँ, बिसि छ्वेर फ़्हिइमुँ ।”

7 येशूजी चने “क्हिइ याहवेह ह्हांसए परमेश्वरए जाँच आलद !” बिसि छ्वेर फ़्हिइमुँ, बिइ ।☆

8 धवै दुष्टइ येशू नुबै कौर बोसि ह्युलबै ताँन् ग्याल्स नेरो चबै ताँन् छ्याँबै सैमै खीने उँईसि

9 खीने बिइ, “क्हिजी पदखु तसि डलाइ फ़्योइ बिस्याँ डइ चु ताँन् सैमै क्हिलाइ पिंस्यो ।”

10 छबिमा येशूजी चने बिइ, “दुष्ट, क्हि ड डाँइले हेंगो तयाद ! तलेबिस्याँ

‘क्हिइ याहवेह ह्हांसए परमेश्वरलाइ फ़्योदु,

धै खीए सेवा मत्त्रे लद,’ बिसि परमेश्वरए छ्वेर फ़्हिइमुँ ।”☆

11 येशूजी छ बिबै तोदोन् दुष्ट खीलाइ वाथेंसि ह्याइ । धै स्वर्गदूतमें युसि येशूए सेवा लइ ।

000000 000000 000000 0000000 000 000000 000
0000000

(0000000 0:00-00; 0000 0:00-00)

12 हेरोद मुँइ यूहन्ना झेलर च्युवाइमुँ बिबै ताँ थेसि येशू गालील ह्युलर्न एइ ।☆

13 येशूजी ह्हांसए नासरत बिबै नाँस पिसि कफर्नहुम बिबै नाँसर युसि टिबर होइ । चु सहर जबूलून नेरो नप्ताली ह्युलए चेंदो मा डचुए छेउर मुँ ।☆

- 14 स्योमन् यशैया अगमबक्ताइ बिबै ताँ छले पूरा तइः
- 15 “ओ यर्दन स्योए क्योँजा मा डचुउँइले ह्याबै घ्याँर मुँबै
जबूलून नेरो नप्तालीथेँमें
नेरो अरू हेंमें टिबै गालील ह्युल ।
- 16 मिछु खैबर टिबै म्हिमेंइ थेबै चारबै ह्वे मोइमुँ ।
सिल त्हुबै मिछु खैबै ह्युलर टिबैए फिर ह्वे घि चारइमुँ ।”
- यशैयाइ बिबै ताँ क्होँसेन तबर छ तइ ।☆
- 17 येशू कफर्नहुम नाँसर टिबै त्हे ओनोंन् म्हिमेंने “पाप केँमें लब्
पिसि परमेश्वरउँइँ सैं एद, तलेबिस्याँ स्वर्गबै ग्याल्स† (राज्य)
चेंदोन् खइमुँ बिबर होइ ।”☆

00000000 00000 00000000 00000 00000 00000
(00000000 0:00-00; 00000 0:0-00)

- 18 तिगें येशू गालील बिबै मा डचुँइए छेउजरे प्ररिमा सिमोन
पत्रुस नेरो चए अलि अन्द्रियास इहंन-इहंन् मा डचुँइर जाल
प्रिरिब मोइ । तलेबिस्याँ चमें ताँग क्हाबैं मुँल ।
- 19 येशूजी चमेंने बिइ, “डए लिलि प्रद । ताँग खुब् धोले अरू
म्हिमें ड डार खुपखबैं डइ क्हेमें लमिंम्मुँ ।”
- 20 येशूजी छ बिबै तोदोन् चमेंइ खेंमेंए जालमें वाथेंसि खीए
लिलि ल्हैदिइ ।
- 21 येशू छाइले ह्यारिमा अर्को त्येमें इहं, जब्दियाए च्हेमें
याकूब नेरो यूहन्ना खेंमेंए आबाने डुँङ्गार क्हुँसि ह्वाँसए जाल
टुरिब मोँसि खीजी चमें या हुइ ।
- 22 हुइबै तोदोन् चमेंज्यै या खेंमेंए डुँङ्गा नेरो आबा वाथेंसि
येशूए लिलि ल्हैदिइ ।

☆ 4:16 4:15-16 000 0:१-२ † 4:17 4:17 000000000 0000000 0000000000 0000000
000 0000 ☆ 4:17 4:17 00000 0:२

000000 0000000 0000 0000000 00000
(00000 0:00-00)

23 येशू गालील ह्युल तिगोंन् स्युरदै चमैए च्हों धिंजरेबै म्हिमैने परमेश्वरए ताँमै लोमिंदै स्वर्गबै ग्याल्सए बारेर सैं तोंबै ताँमै‡ बिप्रमल । धै ताँन् खालबै नब् छब्मै नेरो मोंइ स्याबै म्हिमै या सल् लमिमल ।☆

24 छले सिरिया ह्युल तिगोंन् येशूजी लबै औदिबै केमैए बयन थेनेइ । छतमा म्हिमैइ ननाओलिबै नब्मै, मोंइ स्याब्मै, र बेथाइ स्याब्मै, स्याले बेथाइ स्याब्मै ताँन् म्हिमैइ खी डॉर पखइ, धै खीजी चमै ताँन् सल् लमिमल ।

25 छतमा गालील ह्युलउँइले, डिकापोलिस ह्युलउँइले, यरूशलेम सहरउँइले, यहूदीया ह्युलउँइले नेरो यर्दन स्यों क्योंजाउँइले ल्हें म्हि खसि खीए लिलि ल्हैदिइ ।

5

00000 000000000 0000
(0:0—0:00)

1 (म्हिमैए हुल भ्रोंसि येशू कोउँइ क्रेयाइ । चर ह्यासि क्हुँरिमा खीए चेलांमै खी डॉर खइ ।

2 झाइले खीजी चमैने छ बिंसी लोमिंवर होंइ:

0000000000000000 00000 00000000000
(00000 0:00-00)

3 “परमेश्वरजी शक्ति आपिंइ बिस्याँ डइ तोइ लल् आखाँ बिबै म्हिमैइ आशिक योंब्मुँ,
तलेबिस्याँ स्वर्गबै ग्याल्स चमैल् ग ।

‡ 4:23 4:23 0000000000 000000000 00000 000 000000 000000 0000 000, “परमेश्वरजी ग्याल्स ओलेबर होंइमुँ । खीलाइ म्हाँदिदु, धै खीजी क्हेमै आशिक पिंब्मुँ ।” ☆ 4:23 4:23 00000 0:३५; मकं १:३९

- 4 शोक लब्धैइ आशिक योंब्मु,
तलेबिस्याँ परमेश्वरजी चमैए सैं कहोल् लमिंब्मु।☆
- 5 थेब् आफ्ठैब्मैइ आशिक योंब्मु,
तलेबिस्याँ चमैइ परमेश्वरउँडैले ह्युलबै हग योंब्मु।☆
- 6 फो खेंबर कै, क्यु पिबर क्यु म्हैब् धोले परमेश्वर म्हैब्मैइ आशिक
योंब्मु,
तलेबिस्याँ चमैए सैर मैब योंब्मु।☆
- 7 अरूए फिर ल्हयो खब्मैइ आशिक योंब्मु,
तलेबिस्याँ परमेश्वरजी चमैए फिर ल्हयो खब्मु।
- 8 छयाँवै सैं प्हाब्मैइ आशिक योंब्मु,
तलेबिस्याँ चमैइ परमेश्वर म्रोंल् योंब्मु।☆
- 9 आक्हिबै म्हिमै क्हिमिंब्मैइ आशिक योंब्मु,
तलेबिस्याँ परमेश्वरजी चमैने खीए सन्तान बिब्मु।
- 10 परमेश्वरए मिर के लमा दुःख योंब्मैइ आशिक योंब्मु,
तलेबिस्याँ स्वर्गबै ग्याल्स चमैलन् ग।☆
- 11 “कहेमैं डए लिलि प्रबइले म्हिमैइ कहेमैं स्यारब, हुगुदिब,
कहेमैंए बिरोधर स्योलिबै ताँमैं पोंइ बिस्याँ कहेमैंइ आशिक
योंब्मु।☆
- 12 च त्हेर कहेमैं बेल्ले सैं तोंन्, तलेबिस्याँ स्वर्गर कहेमैंए
इनाम थेब तब्मु। छलेन स्योम्बै अगमबक्तामैलाज्यै या
म्हिमैइ हुगुदिल।☆

२२ २२२२ २२२२२ २२२२२ २२२२२२२२ २२२२२
(२२२२२२२ २:२२; २२२२ २२:२२-२२)

- 13 “कहेमैं ह्युलबै चज ग, दिलेया चजए स्वाद् म्हायाइ बिस्याँ च
धबै तोइ स्वाद् खल् लब? छाबै चज तो ललेया धबै स्वाद् आखा,

धै तो केरै आत्हुब तयाम् । छाबै चज बैरु भ्योंवासि म्हिमैए फ्लेइ प्लेवाब्मुं ।☆

14 “झाइले अर्को ताँ, कहेमै ह्युलबै चारबै हवे ग । कोंर बनेबै सहर लोलु आखाँ ।☆

15 म्हिमैइ पानस मोसि पथि न्होंर आथें । बरु धिं न्होंर मुँब्मैइ मि मोरिगे बिसि पानस नुबै क्त्ह्योर थेंम् ।☆

16 छलेन कहेमैए छयाँबै बाँनि अरू म्हिमैइ मोरिगे । छले कहेमैइ लबै छयाँबै के म्हिमैए उँइर चाररिगे । धै चमैइ स्वर्गर मुँबै कहेमैए परमेश्वर आबाए मान लरिगे ।☆

22222222 2222 22222222 222 2222222222
222222

17 “ड मोशाइ फ्ह्रिबै ठिमबै ताँमै नेरो अगमबक्तामैए ताँमै थोबर युब बिसि कहेमैइ आमैन् । च ताँमै पूरा लबर ड युब ग ।

18 तलेबिस्याँ क्त्होंसेन ड कहेमैने बिमुँ, स्वर्ग नेरो पृथ्वी नास आतन् समा ठिमर फ्ह्रिबै च्योंब भन्दा च्योंबै ताँ या पूरा आतन्ले म्हरिब आरे ।☆

19 छतसि ठिमर फ्ह्रिबै च्योंब भन्दा च्योंबै ताँ या आम्हाँदिसि अरूमैने या ‘च ताँ डिंल् आत्हु’ बिसि लोमिंबै म्हि स्वर्गए ग्याल्सरि च्योंब भन्दा च्योंब तब्मुँ । दिलेया ठिमबै ताँ ह्त्तोंसज्यै डिंब धै अरूमैने या डिंल् त्हुम् बिसि लोमिंबै म्हि स्वर्गए ग्याल्सरि थेब तब्मुँ ।

20 “तलेबिस्याँ ड कहेमैने बिमुँ, शास्त्रिमैइ नेरो फरिसीमैइ लबै केमै भन्दा कहेमैइ लबै केमै छयाँब आतइ बिस्याँ कहेमै खैलसेया स्वर्गबै ग्याल्सरि होल् योंरिब आरे ।

2. 000000 0000 000000000 0000

21 “‘किहइ म्हि आसैद्! म्हि सैबै म्हिइ दण्ड योल् त्हुम्,’ बिसि स्योम्बै म्हिमैने छ बिब क्हेमैइ थेइमुँ।☆

22 दिलेया ड क्हेमैने बिमुँ, ह्त्रोंसए अलिने ह्त्रिस खबै म्हिइ दण्ड योम्, धै ह्त्रोंसए अलिने म्हि आच्छिल्ले पोबै म्हिइ थेबै म्हि च्हांए उँइर रामा ज्वाफ पिल् त्हुम्। छलेन ह्त्रोंसए अलिने ‘किह आमादु’ ग बिबै म्हि नर्गबै मिर फेल् त्हुम्।

23 छतसि किहइ भेटि पिबै क्त्ह्योर ह्यासि परमेश्वरए मिर भेटि पिबर होमा किहए अलिने आक्लिबै ताँ किहए सैर मैस्याँ

24 किहए भेटि चर्न वाथेंसि ह्याद्। ओंसाँ ह्त्रोंसए अलिने क्त्ह्रदु, धै खसि ह्त्रोंसए भेटि झोन्।

25 “झाइले किहए शत्तुरने अदालतर ह्यामा घ्याँन चने क्त्ह्रयाद्। छ आलस्याँ चइ किह नियाधिशए योर पिवाब्मुँ। न्यायाधिशइ किह सिपाइमैए योर पिवाब्मुँ, धै सिपाइमैइ किह झेलर च्युवाब्मुँ।

26 क्त्ह्रोंसेन ड क्हेमैने बिमुँ, किहइ फोल् त्हुबै मुइ ताँन् आफोन् समा झेलउँइले किह त्हांल् योरिब् आरे।

2. 000000000 0000 00 00000 0000

27 “व्यभिचार आलद् बिबै ताँ क्हेमैइ थेइमुँ।☆

28 दिलेया ड क्हेमैने बिमुँ, च्छमिरि घ्रि म्त्रोंसि चने आछ्याँबै सैले इह्योबै म्हिइ ह्त्रोंसए सैर चने व्यभिचार लल् खाँइमुँ!

29 छतसि किहए क्योलोउँइबै मिइ किहलाइ पाप लबर ल्हेदिम् बिस्याँ च मि ट्हुइसि भ्योंवाँन्। तलेबिस्याँ मि घ्रिइ लबउँइले ताँन् ज्यु नर्गर फेब् भन्दा पाप लबर ल्हेदिबै मि घ्रि भ्योंवाँब छ्याँब तम्।☆

30 छलेन क्हिए क्योलो योइ क्हिलाइ पाप लबर ल्हैदिम् बिस्साँ च क्यौंसि भ्योवाँन्। तलेबिस्साँ ताँन् ज्यु नर्गर फेब् भन्दा पाप लबर ल्हैदिबै यो घि भ्योवाँब छ्याँब तम्।☆

2. 222 222 22222222 222
(22222 22:2; 222222 22:22-22; 2222 22:22)

31 “‘फ्हेंस्यो वाबै म्हिइ पार लबै काउद फ्हिसि फ्हेंस्योने पिल्लुम्,’ बिबै ताँ या स्योम्बै म्हिमैने बिल।☆

32 दिलेया डइ क्हेमैने तो बिम् बिस्साँ खाबइ ह्रांसए फ्हेंस्यो अरू म्हिने फ्रें आक्ल्योलेया च फ्हेंस्यो पार लम् बिस्साँ च फ्हेंस्योइ धबै ब्या लमा च म्हिइ ह्रांसए फ्हेंस्यो व्यभिचार लल् पिम्।* धै च वाबै फ्हेंस्योने ब्या लबै मुयुँज्यै या व्यभिचार लम्।☆

2. 222 222 22222222 222

33 “‘क्हेमैइ स्योलिबै कसम आचद्। बरु याहवेहने लबै भकल पूरा लद्,’ बिसि स्योम्बै म्हिमैने बिबै ताँ या क्हेमैइ थेइमुँ।☆

34 दिलेया ड क्हेमैने बिमुँ, क्हेमैइ खोंयोन् बिलै तोइ सैलै या कसम आचद्। स्वर्गए मिं किसि कसम आचद्, तलेबिस्साँ स्वर्ग परमेश्वरए टिबै क्तह्यो ग।☆

☆ 5:30 5:30 0000 00:5; मर्क ९:४३ ☆ 5:31 5:31 000 24:1-4; मत्ती १९:७;

मर्क १०:४ * 5:32 5:32 0 0000 000000 000000000 000000 000 0000 00000 0000 00 000000 00000000 000000000 0000 00! धै ब्या लबै च्मिरि रक्षा लल् लुम्। तलेबिस्साँ चमैए रोस अनुसार च त्हेरि च्मिरि घि ब्या आलल्ले टिल् आयोंबइले वाबै फ्हेंस्योइ धबै ब्या लल् लुमल। छतसि येशूजी लोमिसि बिइ, “फ्हेंस्यो फाक्कन वाइबिस्साँ ओसोंबै ब्या पार क्हाँसेन्ले आलइमुँ।” ☆ 5:32 5:32 0000 00:९; मर्क १०:११-१२; लूक १६:१८; १ कोर ७:१०-११ ☆ 5:33 5:33 0000 00:१२; गन्ती ३०:२; व्य २३:२१ ☆ 5:34 5:34 000 0:१२; यशै ६६:१; मत्ती २३:२२

35 पृथ्वीए मिं किसि कसम आचद, तलेबिस्याँ च परमेश्वरए
पहले न्हेवै कल्ह्यो ग। झाइले यरूशलेमए मि किसि कसम आचद,
तलेबिस्याँ च धाँसे थेवै मुँए सहर ग।☆

36 किहइ ह्रोंसए क छुइसि कसम आचद, तलेबिस्याँ किहइ
कफ्हो घि या तागर्याउँइले म्लोंग्या, म्लोंग्याउँइले तागर्या लल्
आखाँ।

37 कहेमैंइ पोबै ताँमैर 'डिंब् मुँस्याँ डिंबन् बिदु, आडिंब् मुँस्याँ
आडिंबन् बिद्।' चु भन्दा ल्हें दुष्टउँइले खम्।

2. 22222 222222 222222222 2222
(22222 2:22-222)

38 “झाइले अर्को ताँ, ‘मिए साटोरि मि, सए साटोरि स किल्
तहुम्’☆ बिसि शास्त्रिमैंइ लोमिंब कहेमैंइ थेइमुँ।

39 दिलेया ड कहेमैंने बिमुँ, किहए न्होह्रों लब्मैंने खि आफोद।
खाबज्यै किहए क्योलोउँइबै क्हाँबोर ल्हिस्याँ किहइ त्हेब्रेउँइबै
क्हाँबो या चउँइ तोमिन्।

40 छुलेन खाबज्यै किहए कमिजए ल्हागिर अड्डार मुद्दा झोंसि
किल् म्हेस्याँ चलाइ किहए बक्खु या पिवाँन्।

41 खाबज्यै किहने ‘घण्टा घिदे डए ति नोबिन् बिस्याँ’ घण्टा
डिहंदेन् चए ति नोबिन्।

42 म्हिमैंइ किहने तोइ हिसियाँ पिन्, धै किहने छे ह्निब्मैलाइ
‘आपिं!’ आबिद्।

2. 222222222222 222222222 2222 2222
(22222 2:22-22,22-222)

43 “झाइले अर्को ताँ, ‘किहए इहेब्-टहुब्मैंने म्हाँया लदु, धै
शचुरमैं हेल् लद्’ बिसि शास्त्रिमैंइ लोमिंब कहेमैंइ थेइमुँ।☆

44 दिलेया डः कहेमैने बिमुँ, कहेमैइ ह्रोंसए शत्तुरमैँ म्हाँया लद, धै कहेमैँलाइ ह्रुगुदिबै म्हिमैँए ल्हागिर प्राथना लसि परमेश्वरने आशिक ह्रिमिन् ।

45 छ लस्याँ मत्त्रे कहेमैँ स्वर्गर टिबै आबाए सन्तान तब्मुँ । तलेबिस्याँ परमेश्वरजी दुष्ट म्हिमैँ नेरो छयाँब् लब्मैँ इहंन-इहंनए फिर त्हिंयाँ प्रेमिंमुँ, धै धर्मि नेरो पापिमैँ इहंन-इहंनए ल्हागिर नाँ युमिंइमुँ ।

46 ह्रोंसने म्हाँया लब्मैँने मत्त्रे कहेमैँइ म्हाँया लइ बिस्याँ कहेमैँइ तो इनाम योमुँ? रोमी मुँए ल्हागिर बालि रेब्मैँज्यै† छान् आल रो वा?

47 कहेमैँइ ह्रोंसए म्हिमैँलाइ मत्त्रे छयाँब् लइ बिस्याँ अरूइ भन्दा थेबै के तो लइ रो? परमेश्वर आम्हाँदिब्मैँज्यै या छान् आल रो वा?

48 छतसि कहेमैँए स्वर्गर टिबै आबा पक्का के लब् धोले कहेमैँ या छलेन् पक्का के लल् त्हुमुँ ।”☆

6

0000000000 000000 00000000 0000000000

1. 00000 000000

1 “छेनाले मैन्, कहेमैँइ धर्मए केमैँ लमा म्हिमैँइ म्रोरिगे बिसि चमैँए उँइर आलद् । छ लस्याँ स्वर्गर मुँबै कहेमैँए परमेश्वर आबाउँइले कहेमैँइ तोइ इनाम योरिब् ओरे ।☆

2 “छतसि कहेमैँइ दान पिंमा च्हां धिंजरे नेरो घ्याँजरे ‘डइ छ लइ छु लइ’ बिदै आप्रद् । छलेम् फिब्लो पार्दिब्मैँइ खेमैँइ लबै छयाँबै केमैँ म्हिमैँइ म्रोरिगे बिसि छयाँब् फ़ैँदा इह्ाँब्मैँइ घ्याँजरे

† 5:46 5:46 00000 00000000 000000 00000000 000000 00000000 0000 00000000 0000 000, म्हि आचि, धै “पापिमैँ ग” बिइ । ☆ 5:48 5:48 0000 00:२; व्य१८:१३ ☆ 6:1 6:1 00000 00:५

उँइ प्रम् । ड क्होंसेन कहेमैने बिमुँ चमैइ योल् त्हुबै इनाम योल् खाँइमुँ ।*

³ छतसि क्हइ दान पिंमा क्हिए क्योलो योइ पिंभ त्हेब्रे योइ आसेरिगे ।

⁴ क्हइ दान पिंमा खाबज्यै या आसेल्ले पिन् । आम्रोँल्ले पिंभ म्रोँबै क्हिए आबाजी क्हिलाइ इनाम पिंभुँ ।

2. 22222222 222
(22222 22:2-2)

⁵ “झाइले कहेमैइ प्राथना लमा फिब्लो पार्दिब्मैइ धोले सुँइ स्यो सैइ स्योले आलद् । चमैइ अरू म्हिमैइ म्रोँरिगे बिसि च्हों धिंजरे नेरो घ्याँए रेजरे रासि प्राथना लम् । ड क्होंसेन कहेमैने बिमुँ, चमैइ योल् त्हुबै इनाम योल् खाँइमुँ ।☆

⁶ छतसि कहेमैइ प्राथना लमा ह्रोंसए कोठा न्होर होंनु, धै म्रा तोरसि आम्रोँल्ले मुँबै परमेश्वर आबाने प्राथना लद् । आम्रोँल्ले लबै केमै म्रोँबै परमेश्वर आबाजी कहेमैलाइ इनाम पिंभुँ ।

⁷ “झाइले कहेमैइ प्राथना लमा परमेश्वर आम्हाँदिब्मैइ लब् धोले केर आफेबै ताँफुँमै फाक्कर्न ल्हेंन् आलद् । ल्हें ताँफुँमै च्योसि प्राथना लस्याँ परमेश्वरजी खेमैइ लबै प्राथना थेम् बिसि चमैइ मैम् ।

⁸ छतसि कहेमै चमै धों आतद्, तलेबिस्याँ कहेमै चैदिबै सैमै कहेमैइ ह्निब् भन्दा ओंसोन् कहेमैए परमेश्वर आबाजी सेम् ।

⁹ कहेमैइ प्राथना लमा छले लद्:
ओ स्वर्गर मुँबै डिँए परमेश्वर आबा,
क्हिए मिं पबित्र तरिगे ।

¹⁰ क्हिए ग्याल्स युगिगे,
स्वर्गर धोले क्हिए सैर मैबै के पृथ्वीरै पूरा तरिगे ।

* 6:2 6:2 0000 00000 0000 0000000000000000 00000 00000 000 0000000000000000 0000 000000

☆ 6:5 6:5 000 00:१०-१४

- 11 डिंलाइ तियाँ त्हिंइ ह्रोंसेबै चबै सै पिंनु।
 12 डिंए फिर आछ्याँब् लब्मैलाइ डिंइ क्षमा पिल् खाँब् धोले
 डिंइ लबै आछ्याँबै केमैं उँइले डिं क्षमा पिंनु।
 13 डिंलाइ पापर च्छोल् आपिंनु,
 दुष्ट उँइले जोगेमिंनु।
 [तलेबिस्याँ ग्याल्स, शक्ति नेरो थेबै मान
 खोंयोँइ बिले किहलन् ग। आमेन।]†
 14 “तलेबिस्याँ कहेमैंए फिर आछ्याँब् लब्मैलाइ कहेमैंइ क्षमा
 लइ बिस्याँ स्वर्गर मुँबै कहेमैंए परमेश्वर आबाज्यै या कहेमैं क्षमा
 लमिंब्मुँ।
 15 दिलेया कहेमैंए फिर आछ्याँब् लब्मैलाइ कहेमैंइ क्षमा
 आपिस्याँ कहेमैंए परमेश्वर आबाज्यै कहेमैंइ लबै आछ्याँबै केमैं
 क्षमा लरिब् आरे।☆

2. 2222 2222

- 16 “झाइले कहेमैं बर्त टिमा फिब्नो पार्दिब्मैइ धोले लि छुले
 आटिद्। तलेबिस्याँ म्हिमैंने ‘बर्त टिइमुँ’ बिसि उँइबर चमैंइ लि
 छु लम्। क्ह्रोंसेन ड कहेमैंने बिमुँ चमैंइ योल् त्हुबै इनाम योल्
 खाँइमुँ।
 17 दिलेया कहेमैं बर्त टिमा लि खुसि कर छ्युगु फोसि सैं तोन्ले
 टिद्।
 18 ‘क्हिइ बर्त टिमा’ म्हिमैंइ म्रोंरिगे बिसि आडिं। दिलेया
 कहेमैंए परमेश्वर आबाजी म्रोंरिगे। आम्रोंन्ले लबै के म्रोंबै
 परमेश्वर आबाजी कहेमैं इनाम पिंब्मुँ।

2222222222 22222222
(2222 22:22-22)

† 6:13 6:13 00 000000 00000 00000 0 00000 00:११ पदर मुँ। ☆ 6:15
 6:14-15 0000 00:२५-२६

19 “कहेमैइ ह्रोंसए ल्हागिर चु पृथ्वीर सै न्होर ल्हें खागु आलद, तलेबिस्याँ चुबै सै न्होरम् फुलुँइ चवाम्, खै खम्, धै ह्योमैइ धिं फोर्दिसि ह्योवाम्।☆

20 छतसि कहेमैइ ह्रोंसए ल्हागिर स्वर्गर सै न्होर खागु लद। स्वर्गरि फुलुँज्यै आच, खै या आख धै ह्योज्यै या ह्योल् आखाँ।

21 तलेबिस्याँ खनिर क्हिए सै न्होर थेंमुँ, चर्न क्हिए सैं या तम्।

22 “ज्युबै बत्ति मि ग। छतसि क्हिए मि चारब मुँ बिस्याँ क्हिए ताँन् ज्यु या छ्याँब तसि चारब तम्।

23 दिलेया क्हिए मिइ म्रोंल् आखाँ बिस्याँ क्हिए ज्यु ताँन् मिछु तब्मुँ। छतसि क्हिए खाँ न्होर मुँबै बत्ति मिछु तयाइ बिस्याँ क्हिए छ्ह या मिछु खैबन् तयाब्मुँ।

24 “खाबज्यै या क्त्हे डिहंए सेवा लल् आखाँ। तलेबिस्याँ सेवा लबै म्हिइ क्त्हे घ्रिलाइ हेल लब्मुँ, क्त्हे घ्रिलाइ मान लब्मुँ, अथवा घ्रिलाइ छेन्ले म्हाँदिमुँ, अर्कोलाइ आम्हाँदि। छलेन कहेमैज्यै या परमेश्वर नेरो मुइ डिहंना डिहंनाए सेवा लल् आखाँ।

22222 22222
(22222 22:22-22)

25 “छतसि ड कहेमैने बिमुँ, ‘सोबै ल्हागिर डि तो चब, तो थुँब, तो खिब?’ बिसि न्हुँ आलद। चबै सै भन्दा जीवन थेब आडिं वा? धै क्वें भन्दा ज्यु थेब आडिं वा?

26 मुर फुरबै नेमामै इह्योद। चमैइ खेति या आल, रोमै या आखु, चमैला धन्सारमै या आरे। दिलिया कहेमैए स्वर्गबै परमेश्वर आबाजी चमै चल् पिम्। च नेमामै भन्दा कहेमै झन् थेब आडिं वा?

27 कहेमैए न्होरि खाबइ न्हुँ लसि ह्रोंसए छ्ह क्हाँदे या ह्रिंग्यो लल् खाँम्मा?

28 “झाड़ले तो खिब् इहे बिसि कहेमैं तले न्हूँ लमुँ? बारिबैं टमैं इह्योत्ति! चमैं खैले फारम्। चमैंइ के आल, क्वें या आरो।

29 दिलेया ड कहेमैंने बिमुँ, स्योम्बै सोलोमन मुँ बेल्ले फ्होसि छयाब् छयाबै क्वें खिनाबिलेया चु टमैं फ्हारब् धोले छयाब् आरेल।☆

30 तिरो डिहरोदे फ्हारबै ट या परमेश्वरजी छले पैरिदिमिम् बिस्याँ ओ बिश्वास आरेबै म्हिमैं, खीजी झन् कहेमैंलाइ चमैं भन्दा ल्हें आपैरिदिमिं रो वा?

31 छतसि तो चब? तो थुँब? तो खिब? बिसि न्हूँ आलद्।

32 तलेबिस्याँ परमेश्वर डो आसेब्मैंइ खोयोंन् बिलै छलेन् न्हूँ लम्, कहेमैं बिस्याँ छले न्हूँ लरिल् आत्हु। कहेमैंलाइ तो-तो सैमैंए खाँचो मुँ बिसि कहेमैंए स्वर्गर मुँबै परमेश्वर आबाजी सेम्।

33 बरु ओसों कहेमैंए सैं परमेश्वरए ग्यात्सउँइ ल्हैदिद्, खीजी बिब् धोले ताँन् लद्। धै खीजी चु ताँन् सैमैं कहेमैंलाइ थप्दिमिंम्मुँ।

34 छतसि फ्हँन्हाँबै ल्हागिर न्हूँ आलद्, तलेबिस्याँ फ्हँन्हाँबै न्हूँ फ्हँन्हाँबै त्हिंइन लम्। तियाँबै दुःख तियाँबै ल्हागिर योम्।”

7

00000 0000 00000000 0000000000
(00000 0:00-00,00-00)

1 “कहेमैंलाइ छयाब् आल्हैदिरिगे बिसि आगुए फिर छयाब् आल्हैदिद्।

2 तलेबिस्याँ खैले कहेमैंइ आगुए फिर छयाब् ल्हैदिमुँ। छलेन परमेश्वरजी कहेमैंए फिर छयाब् ल्हैदिम्मुँ। कहेमैंइ खैले क्हाँँम्मुँ, छलेन कहेमैंलाज्यै या क्हाँँम्मुँ।☆

3 “किहइ तले ह्मोंसए अलिऐ मि न्होंबैं कसिं भोंमुं दिलेया
ह्मोंसए मि न्होंबैं म्हुंडा आभों?

4 ह्रोंसए मिर्न म्हुंडा मुँ बिस्याँ क्हिए अलिने खोइ, क्हिए मिर्वै कसिं तेवाले, बिसि खैले बिल् खाँमुँ।

⁵ ओ फिब्लो पादिब्मै, ओंसां ह्रोंसए मिबै म्हुंडा तेद, झाइले बल्ल किहए अलिहए मिबै कसिं तेबर म्रोंल् खांम्।

6 “पबित्र सैमै नगिमैं आपिन् । छले पिंस्याँ चमैइ क्हेमैलाइ
 च्हिवाब्भुं ।* छलेन ह्रांसने मुँबै मोतिमैं तिलिए उँइर आभ्योन्,
 चमैइ च मोतिमैं हिलर फ्लेइ प्लेवाम् ।

██████████, ██████████, ?? ██████ ██████████ ██████████
(██████ ██████-████)

12 “म्हिमैइ कहेमैलाइ छयाँब् लरिगे इहाँब् धोले कहेमैज्यै या चमैलाइ छान् लद्। स्योम्बै मोशा नेरो अगमबक्तामैइ बिल् म्हेबै ताँ चुन् ग।”☆

०००० ०००००० ००००० ००००००००० ००००००
(००००० ००:००)

13 “कहेमै रुबै म्माउँइले न्होर होंन्, तलेबिस्याँ नर्गर बोबै म्मा प्त्हाब नेरो कर योब घ्याँ तमुँ, च घ्याँर प्रबमै ल्हे तम्।

14 खोंयोइ आखाँबै छह योबै म्मा रुब तमुँ, चु घ्याँर प्रब बेल्ले गारो तमुँ, च्युगुदे म्हिमैइ मत्त्रे चु खोंयोइ आखाँबै छह योबै घ्याँ स्याम्!

००० ०००० ०० ००००००
(०००० ०:००-००)

15 “झाइले परमेश्वरए ताँमै स्योर ताँ पोंब्मैउँइले न्हक्रों मि क्रोले टिद्। चमै कहेमैए उँइर क्यु धोले खमुँ, दिलेया सैं न्होंनों बिस्याँ बनबै डिहंन् इहाँबै प्याँगु धों तम्।

16 चमैइ लबै केमै म्मोंसि कहेमैइ चमै डो सेब्मुँ। पुजुए धुँउँइले अँगुर टोंम् रो वा? छलेन क्हुए धुँउँइले तुँबुए रो टोंम् रो वा?

17 सोबर्दिबै धुरि रोमै या छयाँबन् रोमुँ, आसोबर्दिबै धुरि रोमै या आछयाँबन् रोमुँ।

18 सोबर्दिबै धुरि आछयाँबै रोमै रोल् आखाँ। छलेन आसोबर्दिबै धुरि छयाँबै रोमै रोल् आखाँ।

19 छतसि म्हिमैइ छयाँब् रो आरोबै ताँन् धुमै थोवासि मिर भ्योवाम्।☆

20 छले परमेश्वरए तार स्योर ताँ कोसि पोंब्मैइ लबै केमै म्मोंसि कहेमैइ चमैलाइ डो सेब्मुँ।☆

“22222, 22222” 22222222
(2222 22:22-22)

21 “सुँइ मत्त्रे डने ‘प्रभु, प्रभु,’ बिसि डए मिं किंभैं स्वर्गबैं ग्याल्सर होंल् योरिब् आरे। स्वर्गर मुँबै डए परमेश्वर आबाजी बिब् धोंले के लब्भैं मत्त्रे होंल् योंब्मुँ।

22 परमेश्वरजी निसाफ लबै त्हिंङर ल्हें म्हि ड डाँर खसि ‘प्रभु, प्रभु! डिङ् कहिए मिंर म्हिमैने सैं तोंबै ताँ आबिमिं वा? धै कहिए मिंर मोमैं आल्हाल् वा, कहिए मिंर औदिबै शक्तिए केमैं या ल्हेंन् आलल् रो वा?’ बिसि बिब्मुँ।

23 दिलेया च त्हेर डङ् चमैने डङ् क्हेमैं आसे ओ आछ्याँबै के लब्भैं ड डाँङ्ले हेंगो स्योह्याद,’ बिसि बिब्मुँ।”☆

222 222 2222 22222
(2222 2:22-22)

24 “छतमा डङ् बिबै ताँ थेब्भैं नेरो डिंभैं धिं लबै बुद्धि मुँबै म्हि धों तबन् ग। च म्हिङ् गैरु जग तासि पारा फिर धिं बनेङ्।

25 झाङ्ले थेबै नाँ खैं तसि फ्लें युसि च धिंए फिर उँयाँलेया च धिं आफु। तलेबिस्याँ च धिं गैरु जग तासि पारा फिर बनेल।

26 “दिलेया खाबङ् डए ताँ थेसेया आङिं, च म्हि बालुवाए फिर धिं लबै बुद्धि आरेबै म्हि धों तबन् ग।

27 थेबै नाँ खैं तसि फ्लें युसि धिंए फिर उँयामा च धिं फुयाङ् झाङ्ले चला थेबै नोक्सान तयाङ्।”

22222 22

28 येशूजी लोमिंबै चु ताँमैं थेबै लिउँङ् म्हिए हुल प्लेटोयाङ्।

29 तलेबिस्याँ येशूजी चमैए शास्त्रिमैङ् लोब् धोंले आलोमिंल, बरु खीजी हग मुँबै म्हिङ् धोंले लोमिमल।”☆

8

00000000 0000 0000 000000 0000 0000000
(00000000 0:00-00; 00000 0:00-00)

- 1 येशू को उईले क्युरु युमा म्हिए हुल खीए लिलि ल्हैदिइ ।
- 2 च त्हेर कोर खबै म्हि घि येशू डार खसि खीए ओंसें च्हि तुंसि बिइ, “ओ प्रभु, किहजी ड सल् लमिंबै सैं मुँस्याँ ड सल् लमिंल् खाँम् ।”
- 3 छबिमा येशूजी यो स्योसि च म्हिलाइ छुइदै बिइ, “डइ किह सरिगे इहाँइमुँ । सयाद् ।” छ बिबै तोदोंन् च म्हिए कोर सयाइ ।
- 4 झाइले येशूजी चने, “चु ताँ खाबलाज्यै या आबिद् । ह्यासि खो पिंबै खेगिने किहए ज्यु उईन्, ‘किह सयना’ बिब म्हिमैंइ सेरिगे बिसि मोशाइ बिब धोले भेटि पिंन् ।”☆

00000000 00000 0000000000 00 0000 000000 0000 0000000
(000000 0:0-00)

- 5 येशू कफर्नहुम बिबै नाँसर ह्यामा रोमी फौजीबै कप्तान घि खी डार खसि यो छयुँ लसि बिइ,
- 6 “ओ प्रभु, डए के लबै म्हि स्याले बेथाइ बेल्ले नसि धिंर रोरिइमुँ ।”
- 7 खीजी चने बिइ, “ड खसि चलाइ सल् लमिंस्यो ।”
- 8 दिलेया च कप्तानइ बिइ, “प्रभु, किहलाइ डए धिंर बोसि मान लबै लायगबै ड आरे । किहजी सुँइ मत्त्रे सयाद् बिसि पोंमिंनु, धै डए के लबै म्हि सयाम् ।
- 9 डज्यै चु ताँ छेन्ले सेम्, तलेबिस्याँ ड या क्रथेए न्होरि मुँ, धै डए न्होरि सिपाइमैं मुँ । डइ घिने ‘ह्याद्’ बिस्याँ च ह्याम्, अर्कोने

येशैयाइ स्योमन् बिबै ताँ पूरा तबर येशूजी छाबै सल् लबै के लइ।✠

22222 2222 22222 2222 222222 222
 (2222 2:22-22)

18 झाइले येशूजी खीए खागु म्हिए हुल तब् ग्रोंसि खीए
चेलामैने “भा डचंइए क्योंजा ह्याले,” बिइ।

19 च त्हेर्न शास्त्रि घ्नि येशू डाँर खसि “ओ गुरु, किह खनिर ह्यामूँ ड या किहए लिलिन ह्याम,” बिइ।

20 छबिमा येशूजी चने बिइ, “स्येलमैला टिबै रो मुँ, नमेमैला
 च्हाँ मुँ, दिलेया ‘म्हिए चलम’† क्र क्हयबै क्हयो या आरे।”

21 चु ताँ थेसि खीए चेला मै न्हों बै अर्को म्हि घिइ बिइ, “ओ प्रभु, ओं सों डए आबाए सिनु पावर ह्याल पिन।”

22 छविमा येशूजी चने बिइ, “किहू डाए लिलि खो । सिनुमैलाइ
सिनुमैन पारिगे ।”‡

222222 2222 222 222 22222 22222
 (222222 2:22-22; 2222 2:22-22)

23 झाइले येशू मा डचुइए क्योँजा ह्याब् बिसि डुँइगार केमा
खीए चेलामें या खीए लिलि ह्याइ ।

24 तिस्यांदे लिउईं मा डचुईर थेवै नाँ खें तसि क्युए भेलगाइ
डुङगा प्न्हंयावि छेइ । येशू बिस्याँ न्हरु च्हाइरिल ।

25 छतमा “ओ प्रभु, डि सिबर होंइ डि लाइ जोगेमिन् बिदै
चेलामैइ येशलाइ छोखाइ।”

☆ **8:17 8:17** ॐ नमः शिवाय † **8:20 8:20** ॐ नमो भगवते वासुदेवाय ॐ नमो भगवते वासुदेवाय ॐ नमो भगवते वासुदेवाय ॐ नमो भगवते वासुदेवाय
 ॐ नमो भगवते वासुदेवाय ॐ नमो भगवते वासुदेवाय ॐ नमो भगवते वासुदेवाय ॐ नमो भगवते वासुदेवाय ॐ नमो भगवते वासुदेवाय
 ॐ नमो भगवते वासुदेवाय ॐ नमो भगवते वासुदेवाय ॐ नमो भगवते वासुदेवाय ॐ नमो भगवते वासुदेवाय ॐ नमो भगवते वासुदेवाय
 मिण्हे च प्रभु येनूजी ह्योसनेन बिबै खीए मिंग। धै हिब्रू क्यूडरि मिण्हे च बिब
 ह्योस कुसि च्योंत तसि पोंबै मिंग मुँल (इजकियल २:१; भजनसंग्रह ८:४)। दिलिया चु
 मिंग अर्को अर्थ वेल्ले थेव मुँ तलेबिस्यां परमेश्वरजी मिण्हे च्छजी खोंयोई बिलै ग्याल्स
 लरिगे विसि कुल्मिंबै मुँग (दानियल ७:१३,१४)। ‡ **8:22 8:22** ॐ नमो भगवते वासुदेवाय ॐ नमो भगवते वासुदेवाय
 ॐ नमो भगवते वासुदेवाय ॐ नमो भगवते वासुदेवाय ॐ नमो भगवते वासुदेवाय ॐ नमो भगवते वासुदेवाय
 ॐ नमो भगवते वासुदेवाय ॐ नमो भगवते वासुदेवाय ॐ नमो भगवते वासुदेवाय ॐ नमो भगवते वासुदेवाय ॐ नमो भगवते वासुदेवाय

26 येशूजी चमैने बिइ, “ओ बिश्वास आरेबै म्हिमें, कहेमें तले छले डिहंल?” च्हौ बिसि खी रेसि खैं नेरो मा डचुँडबै भेल्गालाइ हौदिमा नाँ खैं च्याँ तयाइ ।

27 छतब् म्रोसि चर मुँबै म्हिमेंड, “चुम् खैबै म्हि मुँगे नाँ, खैं नेरो भेल्गाज्यै या खीजी बिबै ताँ डिमना बिसि प्लेटोयाइ ।”

*(222222 2222 222222 2222 222222 222 222222
(2222222 2:2-22; 2222 2:22-22))*

28 झाइले येशू मा डचुँडए क्योँजा गदरिनिमेंए ह्युलर फेनेमा चर मोँइ स्याबै म्हि डिहं छगोँउँले खरिमा खीने त्होइ । चमैं बेल्ले डिहंदा इहाँन् ब्योब मुँल । छतसि खाबै या च घ्याँ ह्याब खब लल् आखाम्ल ।

29 चमैंड येशूने त्होबै तोदोन् “ओ परमेश्वरए च्ह, किहला डिने तो के मुँ? डिलाइ सजैं पिबै त्हे आतबर्न सजैं पिबर किह चुर खल् वा?” बिसि चिरइ ।

30 चमैंए क्याइदने तिलिए बगाल रेंरिल ।

31 च मोमैंड खीने “किहजी चु म्हिमेंउँले डि ल्हावाम् बिस्याँ च तिलिमैंए बगाल न्होर होल् पिन्,” बिसि यो छर्युँ लइ ।

32 येशूजी चमैने “ह्याद!” बिबै तोदोन् मोमैं च म्हिमेंउँले त्होसि तिलिमैंए बगाल न्होर होयाँइ । धै तिलिए ताँन् बगाल प्रोउँले तेयासि क्युर प्लहुँसि सियाइ ।

33 छतब् म्रोसि तिलि छब्मैं नाँसउँडै नेह्याइ, धै नाँसर फेनेसि खेमैंड मोबै ताँमें नेरो मोँइ स्याबै म्हि डिहं सबै ताँ नाँसथेंमैंने बिइ ।

34 तिलि छब्मैंए ताँ थेसि नाँसबैं ताँन् म्हिमें येशूने त्होबर खइ, धै खीलाइ मोमा “डिए ह्युलउँले ह्यामिन्,” बिसि म्हिमेंड खीने यो छर्युँ लइ ।

9

██████████ ███████████████████ ███████████████████ ███████████████████
(██████████████████ █:█-██; ███████████████████ █:██-██)

¹ च लिउँई येशू डुँङ्गार क्रेसि तालए चोंजा ह्रोंसए नाँसउँई*
एखइ ।

2 चर म्हिमेंइ स्याले तसि नबै म्हि घि खाटनेन् बालु नोसि खी डाँर पखइ। च म्हिमेंइ खीए फिर च्हाँ थेबै बिश्वास लब् म्रोसि येजूजी च स्याले म्हिने बिइ, “ओ बाबु, सैं थेब् लद। क्हिए पाप क्षमा तइ।”

3 येशूजी च म्हिने बिबै ताँ थेसि को-कोइ शास्त्रिमैंइ खें-खेंमैन्
 “चु म्हिइमि परमेश्वरए कल्ह्योर खी तइ ग पोंइमुं दि!” बिबर
 होइ।†

4 चमैँए सैँवैँ ताँ सेसि येशूजी चमैँने बिइ, “कहेमैँए सैँ न्होर छाबैँ आछयाँबैँ ताँमैँ तले मैँल?

5 चु ओलेल् आखाँबै म्हिने 'क्हिण् पाप क्षमा तइ' बिब सजिल् मुँ उ 'रेसि प्रद्' बिब सजिल् मुँ?

6 दिलेया चु पृथ्वीर पाप क्षमा पिवै हग ड परमेश्वर उडँले
कुल्मिंबै म्हिए च्हेने मुँ बिसि क्हेमैइ सेद ।” च्हाँ बिसि खीजी च
स्याले म्हिने “रेद, क्हीए कल्ह्यो नोसि धिर ह्याद,” बिइ ।

7 छ, बिबै तोदोंन् च म्हि रेसि ह्नोंसए धिंउँई ह्याइ ।

8 छले खीजी लबै औदिवै के ग्रॉसि चर्वै म्हिमै ड्हंयाँइ, धै
म्हिमैलाइ च्हाँ थेवै शक्ति पिंबै परमेश्वरए मिं क्वेइ।

(2022-2023; 2022-2023)

* **9:1 9:1** तपासताना तपासताना (मत्ती ४:३३) † **9:3 9:3** तू तपासताना तपासताना तपासताना तू तू तू तपासताना तू तपासताना तू तू तपासताना, “परमेश्वर बाहेक अरू खावड पाप क्षमा लमिल खाँम्?”

9 येशू च कल्हयोउँडले ह्यारिमा मत्ती बिबै म्हि घि बालि रेबै कल्हयोर क्हुँरिब म्रोँड, धै चने या “डए लिलि प्रद!” बिइ। छबिमा मत्ती रेसि येशूए लिलि प्रइ।

10 च लिउँड येशू मत्तीए धिर चब् चरिमा रोमी मुँए ल्हागिर बालि रेबै नेरो पापिमै खसि येशू नेरो खीए चेलाभैने बालुन् चब् चबर टिइ।

11 छाब् म्रोँसि फरिसीमैँड खीए चेलाभैने “कहेमैँए गुरु तले बालि रेबै नेरो पापिमैने बालुन् चब् जा?” बिसि डचोएइ।✧

12 चमैँए ताँ थेसि खीजी बिइ, “आनभैँए ल्हागिर बैद आचैदि, दिलेया नभैँए ल्हागिर चैदिम्।

13 कहेमैँ ह्यासि चु ताँए अर्थ तो मुँगे खेसि कहोद, ‘ड खो आम्है, ल्हयो खभैँ म्रोँसि ड सैँ तोम्।’ धर्मि फ़ैँभैँलाइ हुइबर ड युब् आडिं, पापिमैँ हुइबर युब् ग।”✧

ॐॐॐ ॐॐॐ ॐॐॐॐॐॐ ॐॐॐ
(ॐॐॐॐॐ ॐ:ॐॐ-ॐॐ; ॐॐॐ ॐ:ॐॐ-ॐॐ)

14 च लिउँड बप्तिस्मा पिबै यूहन्नाए चेलाभैँ येशू डार खसि “डि नेरो फरिसीमैँ बर्त टिब्रें लम्, दिलेया किहए चेलाभैँ बिस्याँ बर्त आटि, तले जा?” बिसि खीने डचोएमा

15 येशूजी चमैँने बिइ, “फ़ेँरो जन्तिमैँने बालु मुँमा चमैँड शोक लम्मा? दिलेया च त्हे खब्मुँ, फ़ेँरो चमैँउँडले बोयाब्मुँ।‡ चमैँ सैँ आतोँसि बर्त टिब्मुँ।”

16 “खाबज्यै स्योब क्वेंर छारा क्वेंए टालोइ आखे। तलेबिस्याँ छारा टालोइ क्वें दहोवाम्। धै स्योब क्वें झन् ल्हें दहोह्याम्।

25 च म्हिए हुल बैरु तेवाबै लिउँई येणू कोलो मुँबै कोठार होंसि
कोलोए योर कहामा च कोलो सोगों तसि रेयाइ ।

26 झाइले येशूजी लबै औदिवै केए बारेर च ह्युल तिगौन्
थेनेइ।

?????? ?? ?????? ??? ??????

27 येशू च कल्हयो उड्डले ह्यामा कनमैं डिहंइ “ओ दाऊदए च्ह,*
डिए फिर ल्हयो खमिन्,” बिसि ओरदैं येशूए लिलि ल्हैदिइ।

28 खी धिं न्होर होंबै लिउई च कनमैं डिहं येजू डाँन खइ। धै
येजूजी चमैंने “डइ कहेमैंए मि मोल् लमिल् खाम् बिसि कहेमैंइ
क्वेम्मा?”

चमैंइ “ओं, गुरु, डिःइ क्वेंम्,” बिइ।

29 झाइले येशूजी चमैए मि छुइसि बिइ, “छ बिस्‍याँ कहेमैइ
क्वेब धोलेन् कहेमैलाइ तरिगे।”

30 च्हौ बिमा चमेंए मि म्रोंयाइ। धै येशूजी चमेंने “चु ताँ
खाबज्यै आसेरिगे,” बिइ।

31 दिलेया चमैं ह्यासि खीजी लवै औदिवै केमैंए बारेर च ह्युल
तिगोंन बिप्रइ।

?????? ???? ???? ???? ???? ?

32 झाइले खेमैं च कल्ह्योउँइले त्होंसि ह्यारिमा मोंइ स्यासि
लडा तबै म्हि घ्रि म्हिमैंइ येशू डार पखइ।

33 येशूजी माँ ल्हावाबै लिउँई च लडा पोंइ । छतमा “इस्राएल
ह्युलरि छ तब खोंयोंइ आम्रोंल,” बिसि म्हिमें प्लेटोयाइ ।

* **9:27 9:27** ॐ नमो भगवते वासुदेवाय “ॐ नमो भगवते वासुदेवाय” ॐ नमो भगवते वासुदेवाय ॐ नमो भगवते वासुदेवाय, श्रीष्ट”
बिमल। परमेश्वरजी छ बिंसि वाछ्छा लइ, “डए म्हिमैं जोगेवर डइ च मुँ कुल्मिंभुँ।” धै
येश्च च मूँन ग। छतसि खी यसेरो कनमैं मि म्रोल लमिबै ते तइमँ (यशैया ३५:५)।

34 दिलेया “मोंमेंए चिबइ मों ल्हाबै शक्ति पिसि चइ मों ल्हाम्,” बिसि फरिसीमेंइ बिबर होंइ।☆

22222222 22222222 222222 22222 222222 22

35 येशू तौन् सहरजरे नौ-नौसजरे स्युरसि चमैए च्हों धिंजरे परमेश्वरए ग्याल्सबै सैं तोंबै तौमें म्हिमेंने बिमिंदै तौन् खालबै नब छब्बैं सल् लमिंदै प्रइ।☆

36 छले प्रमा म्हिए हुल म्रोसि येशूए सैर ल्हयो खइ। तलेबिस्याँ चमै फ्होंछें आरेबै क्युमैं धोंले आशा आयोंसि प्ररिब् म्रोइ।☆

37 छतमा खीजी ह्रोंसए चेलामैंने बिइ, “इह्योत्ति! रा-रोमें ल्हेंन् मुँ, दिलेया रा-रोमें खुबै म्रोमें बिस्याँ च्युगुदे मुँ।

38 छतसि रा-रोमें खुबै म्रोमें कुल्मिन् बिसि रोमेंए कल्हेने प्राथना लद्।”☆

10

22222222 2222222 222222222222 22222 2222222222
(22222222 2:22-22; 22222 2:22-22)

1 खीजी ह्रोंसए च्युसे इहं चेलामैं हुइसि मोंमें ल्हाब नेरो तौन् खालबै नब छब्बैं सल् लमिबै हग पिंइ।

2 च्युसे इहं कुल्मिन्बै चेला चिब्बैंए मिं चुमैन् गः ओसों पत्रुस बिबै सिमोन, चए अलि अन्द्रियास, जब्दियाए च्ह याकूब नेरो चए अलि यूहन्ना,

3 झाइले फिलिप नेरो बारथोलोमाइ, थोमा, रोमी मुँए ल्हागिर बालि रेबै मत्ती, अल्फयसए च्ह याकूब, थेदियस,

☆ 9:34 9:34 00000 00:२५; १२:२४; मर्क ३:२२; लूक ११:१५ ☆ 9:35 9:35 00000
00:२३; मर्क १:३९; लूक ४:४४ ☆ 9:36 9:36 00000 00:१७; १ मुँ २२:१७; २ इति
१८:१६; इज ३४:५; मर्क ६:३४ ☆ 9:38 9:38 000 00:२

15 कह्योसेन ड कहेमैने बिमुँ, लिउँइ परमेश्वरजी निसाफ लवै
 ल्हिंडर स्योम्बै पाप लवै सदोमथेमें नेरो गमोराथेमेंइ भन्दा च
 सहरवै म्हिमैइ ल्हें सजै योम्बुँ ।”✠

16 “इह्योद! डइ कहेमैं प्याँगुमैंए म्हांजोर क्यु धोले
कुलरिइमुँ। छतसि कहेमैं प्हरि धोले बाढो, तोंगु धोले सोजो तसि
टिल् त्हुम्। ☆

17 म्हिमें उड़ले न्हक्रों मि क्रोले टिद तलेबिस्य़ाँ चमैइ क्हेमै
क्हासि अडूर उजूर लब्भूँ, धै च्हाँ धिंजगोर बोसि कोराइ प्रब्भूँ ।

18 कहेमैं डए चेलामैं तबइले म्हिमैंइ कहेमैं कहासि कथेमैं नेरो
मुँमैं उँडर राल् पिंभु। च त्हेर कहेमैंइन चमैं नेरो अरू हेंमैंने डए
ताँमैं बिमिंल् त्हभु।

19 दिलेया चमेंइ कहेमैलाइ कहामा कहेमैइ खैले पोब् इहे तो बिल् त्हुब् इहे बिसि ओसोन् न्हुं आलद्। कहेमैइ तो पॉल् त्हुम् बिसि च त्हेर्न परमेश्वरजी कहेमैने बिमिब्मं।

20 तलेबिस्‍याँ पोंब क्हेमैं आङिं, दिलेया क्हेमैंए आबाए प्न्ह
क्हेमैंए सुँउँले पोम्बुँ।☆

21 “ह्रों-ह्रोंसए त्येमैं न्होंन घ्रिइ-घ्रि सैबर पिंवाब्मुं। छलेन आबाइ च्ह-च्हमिमैं सैबर पिंवाब्मुं, धै च्ह-च्हमिमैंइ आबा-आमामैंए बिरोधर रेसि सैबर त्हाँदिब्मुं। ☆

22 कहेमैइ डाए मिं किंबइले तांन् म्हिमैइ कहेमैं हेल लब्भुं।
दिलेया सैदिसि लिउँइ समा बिश्वासर भोंब् तेरिब्मैं परमेश्वरजी
जोगेमिंब्भुं ।☆

23 छतसि म्हिमैँइ क्हेमैँलाइ क्त्हयो घिर हुगुदिइ विस्याँ च
क्त्हयोउँडले अर्को क्त्हयोउँडँ भौदिह्याद । क्त्होंसेन ड क्हेमैँने

☆ 10:15 10:15 ॐॐॐॐ ॐ:२४; उत्त ११:२४-२८ ☆ 10:16 10:16 ॐॐ ॐ:३

☆ 10:20 10:17-20 □□□□ □□:१-११; लूक १२:११-१२; २१:१२-१५ ☆ 10:21 10:21

☞ १०:२२ १०:२२ ☛ १०:२३; मर्क १३:१३; लूक २१:१७; मत्ती
२४:१३; मर्क १३:१३

बिम्बु, परमेश्वर उड्डले कुल्मिंबै म्हिए च्ह युब् भन्दा ओंसों कहेमैइ इस्राएलबै ताँन् कल्ह्योर खैलसेया स्युरल् खाँरिब् आरे।

24 “चेला ह्त्रोंसए गुरु भन्दा थेब आत धै कल्हे भन्दा केब्छें थेब आत।☆

25 दिलेया चेला ह्त्रोंसए गुरु धोंब धै केब्छें ह्त्रोंसए कल्हे धोंब तल् खाँस्याँ सैं तोंल् त्हुम्। म्हिमैइ धिबै कल्हेनेन् बालजिबुल† बिसि मिं थेंम् बिस्याँ खीए परवामैने झन् खै बिलै?☆

2222222222 2222222222 222 222222222222
2222222222
(22222 22:2-2)

26 “छतसि म्हिमैने आडिहंन्। तलेबिस्याँ तोगो तो सै लोथेंलेया लिउडँ था सेब्मुँ। धै तोगो लोथेंबै ताँ लिउडँ खन्तोदोंन् थेनेम्।☆

27 छतसि डइ कहेमैने मिछ्छु खैबर बिबै ताँ त्हिंइर बिमिन्। धै डइ कहेमैने खाबज्यै आथेल्ले बिबै ताँ कहेमैइ ताँनइ थेल्ले धिंए फ्हेँउडँले बिमिन्।

28 “क्हिए ज्यु सैल् खाँब्मैने आडिहंन्, तलेबिस्याँ चमैइ क्हिए प्ल्ह सैल् आखाँ। बरु प्ल्ह नेरो ज्यु डिहंन्-डिहंन् नर्गर भ्योंवासि नास लल् खाँबै परमेश्वर म्रोंसि डिहंन्।

29 “मुइ घ्रिर कोर्मे डिहं आलों वा? चमै च्युगुथिरि मुँनबिलेया परमेश्वर आबाए इच्छा आरेस्याँ घ्रि या सर तेरिब् आरे।

30 परमेश्वरजी कहेमैए ऋ फ्हो या ताँन् घ्रि-घ्रिले च्योइमुँ।

31 छतसि कहेमै आडिहंन्, परमेश्वरए उडँरि ल्हें कोर्मे भन्दा कहेमै झन् बेल्ले थेब् मुँ।

☆ 10:24 10:24 000 6:40; यूह 13:16; 15:20 † 10:25 10:25 00000000

000000-म्हुगिमैए मुँ ☆ 10:25 10:25 00000 0:३४; १२:२४; मर्क ३:२२; लूक ११:१५

☆ 10:26 10:26 0000 0:२२; लूक ८:१७

2222 2222
(222222 2:22)

40 “कहेमैलाइ मान लब्मैइ डलाज्यै या मान लमुं, धै डलाइ मान लब्मैइ ड कुल्मिंबै परमेश्वरलाज्यै या मान लम्।”

41 खाबइ ‘चु म्हि अगमबक्ता ग,’ बिसि अगमबक्तालाइ मान लमुं, चज्यै या अगमबक्ताइ योंबै इनाम योंबुं। छलेन ठिक के लबै म्हिलाइ ठिक के लबै म्हिन् मैसि मान लब्मैइ ठिक के लबै म्हिइ योंबै इनाम योंबुं।

42 ‘चु म्हि येशूए म्हि ग,’ बिसि खाबज्यै डए धाँसे च्योंबै चेलालाइ गिलाँस म्नि डचुँबै क्यु मत्त्रे पिनाबिले या चइ योंल् त्हुबै इनाम योंबुं।”

11

2222 2222 2222222222 222222 22222222
(2222 2:22-22)

1 येशूजी ह्नोंसए च्युसे डिहं चेलाभैने लोदा सैदा लल् खाँबै लिउँइ चमैए सहरजरे म्हिमैलाइ लोमिंबर नेरो परमेश्वरउँइले खबै सैं तोँबै ताँ बिबर ह्याइ।

2 बप्तिस्मा पिंबै यूहन्नाइ येशू स्त्रीष्टजी लबै केमैए बारेर थेसि ह्नोंसए चेलाभै येशू डाँर ताँमैं डचोएबर कुल्मिंड।

3 चमै ह्यासि “डिए गुरु यूहन्नाइ बिब् धोले युबै म्हि किहन् उ, डिइ अकों म्हि अझै प्रेंल् त्हुमुं?” बिसि येशूने डचोएइ।

4 येशूजी चमैने बिइ, “कहेमैइ थेबै ताँमैं नेरो म्नाँबै केमैं यूहन्ना डाँर ह्यासि बिइ।

5 कनमैइ मि म्रोइमुँ, डुँडमै प्रइमुँ, कोर खब्मै सइमुँ, न्ह आथेब्मैइ न्ह थेइमुँ, सियाब्मै सोइमुँ धै इहाँदुमैने परमेश्वर उँइले खबै सैं तोंबै ताँ बिमिंइमुँ।☆

6 चु ताँ या बिद, डए ताँ क्वेंसि तोइ संका आलबै म्हिइ आशिक योँब्मुँ।”

7 झाइले यूहन्नाए चेलामै ह्याबै लिउँइ येशूजी यूहन्नाए बारेर चर खबै म्हिए हुलने बिइ, “क्हेमै क्यु आयोबै क्ह्योर तो इह्योबर ह्याल? खैइ लारिबै म्वो इह्योबर ह्याल वा?

8 आडिं बिस्याँ, तो इह्योबर ह्याल? छयाँबै क्वें खिबै म्हि इह्योबर ह्याल वा? छयाँबै क्वें खिबै म्हिम् मुँमैए दरबारर टिम्।

9 बित्ति, कहेमै क्ह्रोसेन् तो इह्योबर ह्याल? अगमबक्ता इह्योबर ह्याल वा? ओं, ड क्ह्रोसेन कहेमैने बिमुँ, अगमबक्ता भन्दा थेबै म्हि घि कहेमैइ म्रोइमुँ,

10 तलेबिस्याँ चु यूहन्नाए बारेर परमेश्वरए छ्वेर छले फ्हिइमुँ,

‘इह्योद, क्हिए घ्याँ तयार लमिंरिगे बिसि

क्हि भन्दा ओंसों डइ डए स्याबोँ कुल्मिंम्।’☆

11 क्ह्रोसेन ड कहेमैने बिमुँ, क्हमिरिउँइले फिब्मै न्होंर बप्तिस्मा पिबै यूहन्ना भन्दा थेबै म्हि अरू खाबै आतइमुँ। दिलेया स्वर्गबै ग्याल्सर ताँन् भन्दा च्योब तब्मै यूहन्ना भन्दा थेब तमुँ।

12 यूहन्नाइ सैं तोंबै ताँ बिमिंबै त्हेउँइले तोगो समा स्वर्गबै ग्याल्स युन्ले ओंसों ह्यारिइमुँ। बिरोध लब्मै बिस्याँ खैच्हिजिले च ग्याल्स ट्होल् म्हैम्।

13 तलेबिस्याँ बप्तिस्मा पिबै यूहन्नाए पलो समा स्योँम्बै अगमबक्तामै नेरो मोशाइ फ्हिबै ठिमेर स्वर्गबै ग्याल्सए बारेर बिल।☆

14 कहेमैँइ क्वेम् बिस्याँ, युल् त्हुबै एलिया यूहन्नान् ग ।☆

15 न्ह मुँब्मैँइ थेरिगे ।”

16 “डइ चु पुस्ताबैँ म्हिमें तो सैने च्हेँले? चुमैँम् बजारर क्ल्योँबै कोलोमैँ धोँ तब् ग । चमैँइ थुमें हुइसि छ बिंसी ताँ लम्,

17 डिइ कहेमैँए ल्हागिर मुरलि ह्तामिँइ, दिलेया कहेमैँ आसे ।

डि न्हुँ लसि क्रोमा कहेमैँ खाबै या न्हुँ आल ।’

18 छलेन बत्तिस्मा पिँबै यूहन्नाइ परमेश्वरए मिंर बर्त टिब्रेँ लमल, चइ फ्हा या आथुँमल । दिलेया म्हिमैँइ ‘चलाइ मोँइ स्याइमुँ!’ बिमल ।

19 म्हिए च्ह युसि चब् थुँब् लमा ‘इह्योत्ति, च चब्लाँ, फ्हा को, बालि रेब्मैँ नेरो अरू पापिमैँए थु!’ बिंसी म्हिमैँइ बिमल । दिलेया परमेश्वरए बुद्धिए केमैँ मोँसिन् क्त्होसेँन्ले बुद्धि छयाँब् मुँन बिबै ताँ कहेमैँइ सेल् खाँम् ।”

□□□□□ □□□ □□□□□□□□ □□□□ □□□□□□□□□□
(□□□□ □□:□□-□□)

20 येशूजी त्हेँ औदिबै केमैँ लबै नाँसजरेबै म्हिमैँइ खेँमैँइ लबै पाप पिसि परमेश्वरउँइ सैँ आए । छतसि खीजी चमैँने धिक्कार कहेमैँ बिदै ।

21 “ओ खोराजीनथेँमैँ नेरो बेथसेदाथेँमैँ! धिक्कार मुँ कहेमैँ, तलेबिस्याँ कहेमैँ डाँर लब् धोँबै औदिबै केमैँ दुरोस नेरो सिदोन सहरजरे लस्याँ चमैँइ स्योँमन् हेंगा खिसि मेब्ब्रो फोसि खेँमैँइ लबै आछयाँबै केमैँ पिसि परमेश्वरउँइ सैँ एमल ।☆

22 ड कहेमैँने बिमुँ, परमेश्वरजी निसाफ लबै त्हिंइर च दुरोस नेरो सिदोनथेँमैँइ भन्दा कहेमैँइ थेबै सजैँ योँब्मुँ

☆ 11:14 11:14 □□□ □:५; मत्ती १७:१०-१३; मर्क ९:११-१३ ☆ 11:21 11:21 □□□
□□:१-१८; इज २६:१—२८:२६; ३:४-८; आमी १:९-१०; जक ९:२-४

23 ओ कफर्नहुमथेंमें, कहेमैं स्वर्गर्न फेनेम् बिल् वा? आडिं! कहेमैं नर्गर्न भ्योवाब्मुं। तलेबिस्याँ कहेमैं डाँर लब् धोंबै औदिबै केमैं सदोम सहरर लस्याँ च सहर नास आतल्ले तोगो समा तरिमल।☆

24 छतसि ड कहेमैंने बिमुं, परमेश्वरजी निसाफ लबै त्हिंइर सदोमथेंमेंइ भन्दा कहेमैंइ त्हेँ सजें योब्मुं।”☆

222222222222 222 222222 22222
(22222 22:22-22)

25 च त्हेँने येशूजी प्राथना लसि “ओ आबा, स्वर्ग नेरो पृथ्वीबै कल्हे, ड क्हिंलाइ धन्यबाद पिंम्, तलेबिस्याँ ज्ञान बुद्धि मुं बिसि ह्दब-सेब् फ्हेँब्मैउँइले क्हिंजी चु ताँमें लोथेंइ। दिलेया कोलोमें धों तबै तोइ आसेबै म्हिमैंलाइ क्हिंजी चु ताँ कहोल् लमिंइ।

26 ओ आबा, क्हिंजी छान् लब छ्याँव इहाँइ।”

27 येशूजी धबै बिइ, “डए आबाजी तोन्दोंरि सै डने पिंइमुं। परमेश्वर आबाजी बाहेक अरू खाबज्यै परमेश्वरए च्हालाइ डो आसे। छलेन च्हा बाहेक खाबज्यै परमेश्वर आबालाइ डो आसे। ‘परमेश्वर आबा डो सेरिगे’ बिसि च्हाजी तेंमिंब्मैइ मत्त्रे परमेश्वर आबा डो सेमुं।☆

28 “ओ ताँन् त्हिबै ते नोसि नारब्मै, ड डाँर खो, डइ कहेमैंलाइ भों न्हल् पिंब्मुं।

29 डए खर्गु नोद, धै डने बालु लोद, तलेबिस्याँ ड ताँनए फिर त्हयो खम्, धै ड थेब् आप्हेँ। छतसि कहेमैंए सैर छिं इहाँल् योब्मुं।

30 तलेबिस्याँ डइ नोल् पिंबै खर्गु कर योंब नेरो डइ नोल् पिंबै ते योब्मुं।”☆

12

0000000 00000000 0000000
(0000000 0:00-00; 00000 0:0-0)

1 येशू प्रिबै त्हिंइर गहुँ बारिए घ्याँउँइले ह्यारिल । खीए चेलामें फो खेंसि गहुँए नाँ थुसि चबर होंइ ।☆

2 छले चब् म्रोसि फरिसीमैंइ खीने बिइ, “इह्योत्ति, क्हिए चेलामैंइ प्रिबै त्हिंइर तो लल् आत चन् लइमुँ ।”

3 दिलेया खीजी चमैंने बिइ, “क्हेमैंइ परमेश्वरए छवे खोंयोइ आखेइमुँ वा? डचोए खे दाऊद मुँ नेरो खीने मुँभैं फो खेंमा खै लल?”

4 खी मन्दिर न्होंर होंसि परमेश्वरए मिरं थेंबै क्हें चवाल । छवेर फ्हिब् धोले च क्हें खेगिमैंइ बाहेक खाबज्यै या चल आतमल ।☆☆

5 झाइले कहेमैंइ मोशाइ फ्हिबै ठिमबैं ताँ आखेइमुँ वा? प्रिबै त्हिंइर मन्दिरर के लबै खेगिमैंइ के लब्रें लमा ठिमइ बिब् धोले आल । दिलेया चमैं परमेश्वरए उँइर छ्याब् आरेबन् ठदिम् ।☆

6 ड कहेमैंने बिमुँ, मन्दिर भन्दा झन् थेबै सै चुर मुँ ।

7 ‘खो पिंभैं म्रोसि ड सैं आतों बरुल्हयो खभैं म्रोसि ड सैं तोंम्,’ बिसि छले छवेर फ्हिइमुँ । चु ताँ क्ह्रोंसेन छेनाले क्होइबिस्याँ कहेमैंइ चु छ्याब् आरेबै म्हिमैं छ्याब् आल्हैदिमल ।☆

8 तलेबिस्याँ ‘म्हिए क्ह’ प्रिबै त्हिंइबैं या कल्हे ग ।”

0000000 0000000 00000000 00000000 00 0000
000000
(00000000 0:0-0; 00000 0:0-00)

9 येशू च कल्हयोउँइले त्होंसि चमैंए क्हों थिंर ह्याइ ।

10 चर यो कारयाबै म्हि घ्रि मुँल । चमैंइ येशूलाइ छ्याब् ल्हैदिबै सैं लसि खीने “प्रिबै त्हिंइर म्हि सल् लब तम्मा?” बिसि डचोएइ ।

11 येशूजी चमैने बिइ, “क्हेमैं न्होंरि म्हि घ्रिए क्यु घ्रि प्रिबै त्हिंइर होंल्दोंर होंयास्याँ चैंसि बैरु आते रो वा?☆

12 क्यु भन्दा म्हि झन् बेल्ले थेब मुँ! छतसि प्रिबै त्हिंइर के लब ठिक मुँ।”

13 झाइले खीजी यो कारयाबै म्हिने “यो स्योन् बिइ।” च म्हिइ यो स्योमा च यो सयासि अर्को यो धोंबन् तयाइ।

14 दिलेया फरिसीमें बैरु त्हांसि येशूलाइ खैले सैब् इहे बिसि खीए बिरोधर मत लइ।

000000000000 00000000 00 0000 00000

15 खीलाइ सैबै मत लबै ताँ था सेसि येशू च कल्ह्योउँइले ह्याइ। छले ह्यामा ल्हें म्हिमैं खीए लिलि ल्हौदिइ, धै खीजी ताँन् नबै म्हिमैं सल् लमिंइ।

16 दिलेया खीजी चमैने “ड खाब् जा बिसि खाबलसज्यै आबिद्,” बिइ।

17 यशैया अगमबक्ताइ बिबै ताँ पूरा तबर छ तब् गः

18 “इह्योत्ति, डए के लबै म्हि, खीलाइ डइ त्हांइमुँ।

डइ खीलाइ खोम्, खी म्हांसि ड बेल्ले सैं तोंइमुँ।

खीए फिर डए प्ल्ह कुल्मिंब्मुँ।

छतसि खीजी ताँन् हें-हेंमैंए फिर निसाफ लब्मुँ।

19 खी खाब्ने या फ्हांरिब् आरे, धै खोंयोइ थेबै कैले ओररिब् आरे।

खीए कै घ्याँजरे खाबज्यै थेरिब् आरे।

20 तियाबै म्वो खीजी चोरिब् आरे*

सिबि छेबै मेंदों सिल् पिंरिब् आरे।

छेनाले निसाफ तरिगे बिसि खीजी खोंयोइ भों आन्हल्ले के लब्मुँ।

21 छतसि खीए मिर्न ताँन् हेंमैंइ आशा थेंब्मुँ।”☆

☆ 12:11 12:11 000 00:५ * 12:20 12:20 000000 0000 0000 000000 000 0000 0000

000000 00000000 000 000 ☆ 12:21 12:21 000 00:३-४

००००० ००००० ००००००००० ००००० ०००००००० ०००००००
(००००००० ०:००-००; ००००० ००:००-००)

22 झाइले मोंइ स्यासि कन तबै लडा म्हिमैइ येशूए डाँर पखइ ।
येशूजी च म्हि सल् लमिमा च म्हि मोल् खाँव, पोल् खाँव तयाइ ।

23 छले सल् लमिम् मोंसि चबै म्हिमै प्लेटोयासि “चु म्हि
डचोए खे दाऊद मुँए च्ह† मुइ उ?” बिबर होइ ।

24 चु ताँ थेसि फरिसीमैइ बिइ, “चु म्हिइ मोँए मुँ बालजिबुलए‡
शक्तिउँइले मोमै ल्हाम् ।”☆

25 येशूजी चमैए सैबै ताँ था सेसि फरिसीमैने बिइ, “ह्नों-ह्नोंसए
न्होंन आक्हिसि फ्हांब्-नेब् लस्याँ च ह्युल् नास तयाब्मुँ । छलेन
खाब् मुँले सहर अथवा धिं ग्निबै परवामै फ्हांब् नेब् लस्याँ चमै या
नास तयाम् ।”

26 छलेन दुष्टइ दुष्टलाइन ल्हाइबिस्याँ चमै या खें-खेंमैए
न्होंन आक्हिस्याँ चमैए ग्याल्स खैले टिकिदल् खाँमुँ?

27 डइ बालजिबुलए शक्तिउँइले मोमै ल्हाम् बिसि क्हेमैइ बिम्
बिस्याँ, क्हेमैए चेलांमैइ खाबै शक्ति योंसि मों ल्हाम्? छतसि
क्हेमैए चेलांमैइन क्हेमैए ताँ क्ह्नोंसेन् आङिं बिसि क्हेमैए फिर
निसाफ लब्मुँ ।

28 डइ परमेश्वरए पवित्र फ्ल्हए शक्तिउँइले मों ल्हाब् ग बिस्याँ
परमेश्वरए ग्याल्स क्हेमैए डाँर युल् खाँइमुँ ।

29 “भोंबै म्हिलाइS आफैन् समा खाबइ चए धिं न्होर होंसि
चए सै न्होर ह्योल् खाँमुँ? च भोंबै म्हि फैबै लिउँइ मत्त्रे चए धिर
ह्योल् खाम् ।

30 “डए लिलि आप्रबै म्हि डए बिरोधी ग, डने बालु रोमै
आखुबै म्हिइ ताँन् हिनामिना लवाम् ।”☆

† 12:23 12:23 ०००० ०००००० ०००००००, मसीह, परमेश्वरजी कुल्मिंबै मुँ ‡ 12:24
12:24 ०००००००० ०० ०००० ०००००० ०००००० ००० ००००००००० ०००० ☆ 12:24 12:24 ०००००
०:३४; १०:२५ § 12:29 12:29 ००००० ०००० ०० ००००० ००००० ०००० ००००० ०० ☆ 12:30
12:30 ०००० ०:४०

31 छतसि ड कहेमैने बिमुँ, म्हिमैँइ लबै पाप केमैँ नेरो परमेश्वर स्यारबै ताँमैँ क्षमा यॉल् खाँम्, दिलेया पबित्र प्ल्हए बिरोधर पोंबै ताँमैँ नेरो आछ्याँबै केमैँए क्षमा यॉरिब आरे।

32 ‘म्हिए च्हए’ बिरोधर पोंब्मैँइ क्षमा यॉल् खाँम्। दिलेया पबित्र प्ल्हए बिरोधर पोंबै म्हिमैँइ चु छहर मत्त्रे आङिं लिउँइबै छहरै या क्षमा यॉरिब आरे।☆

२२२२२२ २२२२ २२ २२२२२२
(२२२२ २:२२-२२)

33 “छ्याँबै रोमैँ रोबै ल्हागिर धुँ या छ्याँबन् तल् त्हुम्, धुँ आसोबदिस्याँ रोमैँ या छ्याँब आरो। रोउँइलेन् धुँ छ्याँब नेरो आछ्याँब फेलम्।☆

34 ओ फुरिए सन्तानमैँ! कहेमैँन् दुष्ट मुँसेरो खेले छ्याँबै ताँ पॉल् खाँमुँ? तलेबिस्याँ सैर प्लिंबै ताँमैँन् सुँउँइले पॉम्।☆

35 छ्याँबै सैँ प्हाबै म्हिइ ह्नाँसए सैर मुँबै छ्याँबै ताँमैँउँइले छ्याँबै ताँन् पॉम्। आछ्याँबै सैँ प्हाबै म्हिइ ह्नाँस् न्होंबै आछ्याँबै सैमैँउँइले आछ्याँबै ताँमैँन् पॉम्।

36 “छतसि ड कहेमैँने बिमुँ, स्योलिबै ताँमैँ पोंबै म्हिमैँइ निसाफ लबै त्हिंइर चमैँइ खेमैँइ पोंबै स्योलिबै ताँमैँए लेखा पिल् त्हुब्मुँ।

37 तलेबिस्याँ किहइ पोंबै ताँमैँउँइलेन् कहेमैँ छ्याब् मुँब नेरो छ्याब् आरेब ठदिब्मुँ।”

२२२२२२ २२२२२ २२२२२२ २२२२ २२२
(२२२२२२ २:२२-२२; २२२२ २२:२२-२२)

38 को-कोइ शास्त्रिमैँ नेरो फरिसीमैँइ येशूने बिइ, “ओ गुरु, किहउँइले डि औदिबै चिनु ग्नि इह्योदा इह्हाँइमुँ।”☆

39 खीजी चमैने बिइ, “तिंजोरोबै दुष्ट म्हिमै नेरो ब्यभिचार लब्मैइ चिनु म्हैम्। दिलेया स्योम्बै योना अगमबक्ताइ उँइबै औदिवै के बाहेक चु पुस्ताने अरू चिनु उँइरिब् आरे।☆

40 तलेबिस्याँ खेले योना थेबै ताँगाए फो न्होर सोंरो समा टिइ, छलेन म्हिए च्हा या सोंरो समा स न्होर* टिब्मुं।☆

41 झाइले परमेश्वरजी निसाफ लबै त्हिंइर निनवेथेंमैइ क्हेमै छ्याब् ल्हैदिब्मुं। तलेबिस्याँ चमैइ योनाइ बिबै ताँ थेसि खेमैए आछ्याँबै केमैउँइले सैं एइ, दिलेया क्हेमैए म्हाँजोरि योना भन्दा या थेबै म्हि चुर मुँ!☆

42 निसाफ लबै त्हिंइर ल्हुँबै (दक्षिणबै) मुँस्योइ क्हेमैने छ्याब् ल्हैदिब्मुं। तलेबिस्याँ च मुँस्यो सोलोमन मुँए बुद्धिए ताँ थेबर हेंगोबै ह्युलउँइले खइ। दिलेया सोलोमन मुँ भन्दा थेबै म्हि चुर मुँ!☆

ॐॐॐॐ ॐॐॐॐॐॐ ॐॐॐॐॐ ॐॐॐॐ ॐॐॐ ॐॐॐॐ ॐॐॐॐॐ
(ॐॐॐॐ ॐॐ:ॐॐ-ॐॐ)

43 “मों म्हिउँइले त्हांइ ह्यासि टिबै ल्हागिर छ्याँबै कल्ह्यो म्हेदै क्यु आरेबै कल्ह्योजरे प्ररिम्। झाइले खनिरै टिबै कल्ह्यो आयोस्याँ

44 ‘डइ पिथेंबै धिउँइ एह्याल् त्हुइ’ विसि च एखम्। छले एखमा च कल्ह्यो खाँसों इहान् लथेंब स्याब्मुं।

45 छतमा च ह्यासि ह्रोंस् भन्दा दुष्ट मोंमै डि हुइसि पखम्। धै चमै ताँन् न्होर होंसि चर्न टिमुँ च्हाँ तल् खाँबै लिउँइ च म्हिए हालत ओँसोंबै भन्दा झन् आछ्याँब तम्। तिंजोरोबै दुष्ट के लबै म्हिमैए हालत या छाबन् तब्मुं।”

☆ 12:39 12:39 ॐॐॐॐ ॐॐ:४; मर्क ८:१२
सए तिरि ☆ 12:40 12:40 ॐॐ ॐॐ:१७
12:42 ॐ ॐॐॐॐ ॐॐ:१-१०; २ इति १:१-१२

* 12:40 12:40 ॐ ॐॐॐॐ ॐॐॐॐ ॐॐॐॐॐॐ,
☆ 12:41 12:41 ॐॐ ॐॐ:५ ☆ 12:42

22222 222 2222 222222
(222222 2:22-22; 2222 2:22-22)

46 येशूजी म्हिए हुलने चु ताँमें पोरिमा खीए आमा नेरो अलिमें खीने ताँ लदा इहाँसि बैरु रारिल ।

47 छतसि चबैँ म्हि भ्रिइ येशूने बिइ, “क्हिए आमा नेरो अलिमें क्हिने बालु ताँ लदा इहाँइमुँ बिसि बैरु रारिइमुँ ।”

48 छबिमा येशूजी चने बिइ, “डए आमा खाब् जा? डए अलिमें खाब् जा?”

49 झाइले येशूजी ह्रोंसए चेलामें उँई तेंसि बिइ । “इह्योद, डए आमा नेरो अलिमें चुमेंन् ग ।

50 तलेबिस्याँ स्वर्गर मुँबै डए परमेश्वर आबाए सैर मैब् धोले लब्मेंन् डए अलि, डए अडाँ, डए आमा ग ।”

13

2222 222222 22222
(222222 2:2-2; 2222 2:2-2)

1 च त्हिंइर्न येशू धिउँईले त्हाँसि तालए छेउर ह्यासि क्हुँरिमा ।

2 म्हिए हुल खीए खागु तखइ । छतसि खी डुँङ्गार क्रेसि क्हुँइ, म्हिए हुल बिस्याँ तालए रेर्न रारिइ ।☆

3 खीजी चमैलाइ त्हेँ ताँ अहान उँईले लोमिंइ ।

छले लोमिंमा येशूजी बिइ, “म्हि भ्रि प्लु प्लुबर ह्याइ ।

4 चइ प्लु प्लुमा कोइ प्लु घ्यार तेइ । घ्यार तेबै प्लुमें नेमामें खसि चवाइ ।

5 कोइ प्लुमें गेगरर तेइ । चर स त्हेँ आरेबइले प्लु युनन् म्लोइ ।

6 दिलेया जरा छेन्ले च्योल् आयोबइले त्हिंयाँ प्रेबै तोदोन् च प्लु डचोलोँयासि कारयाइ ।

7 कोइ प्लुमें पुजुए ल्होर तेइ धै पुजुए छ्यारइ लमा च प्लु सैवाइ ।

8 दिलेया कोइ प्लुमें छयाँबै सर तेइ, धै कोइ प्र, कोइ दहुच्यु, कोइ सोंच्यु गुणा रो रोइ ।

9 “न्ह मुँब्मैइ थेरिगे ।”

10 झाइले चेलांमै येशूए डार खसि “क्हिइ तले म्हिमेंने अहानउँइले मत्त्रे ताँ लमुँ?” बिसि खीने डचोएइ ।

11 छुबिमा येशूजी चमैने बिइ, “परमेश्वरजी स्वर्गबै ग्याल्सए न्होबै ताँमै कहेमैलाइ सेल् पिइमुँ । दिलेया अरू म्हिमैलाइ बिस्याँ खीजी चुए बारेर सेल् आपिइमुँ ।

12 डइ लोमिंबै ताँ छेनाले थेब्मैइ झन् कहोल् योँब्मुँ । दिलेया डाए ताँ आथेब्मैइ कहोइ बिसि ह्रब् ह्रैलेया चमै डाँइले प्हेँवाब्मुँ ।*☆

13 म्हिमैइ इह्योबम् इह्योमुँ दिलेया आम्रों, थेबम् थेमुँ, दिलेया आकहो ।

छुतसि ड चमैने अहानउँइले मत्त्रे पोम् ।

14 स्योम्बै यशैया अगमबक्ताइ बिबै ताँ चमैने क्हिखइमुँ: कहेमैइ थेबम् थेमुँ, थेलेया आकहो,

इह्योबम् इह्योमुँ, दिलेया आम्रों ।

15 तलेबिस्याँ चु म्हिमैए सैं कहोल् आखाँब् तइमुँ ।

चमैए न्ह थेल् आखाँब् तइमुँ,

झाइले चमैए मि च्युँ लइमुँ ।

तिंयाँ चमैए मिइ मोल् खाँस्याँ,

चमैए न्हइ थेल् खाँस्याँ,

झाइले चमैए सैंइ कहोल् खाँस्याँ,

* 13:12 13:12 ...तलेबिस्याँ खाबने मुँ चलाइ झन् ल्हें पिंब्मुँ । झाइले खाबने ओरे, चने तो मुँ बिसि चइ मैमुँ, चै या च डाँइले प्हेँवाब्मुँ ☆ 13:12 13:12 ...मर्क ४:२५; लूक ८:१८; १९:२६

चमैं ड डाँइ एखमल,

धै डइ चमैं सल् लमिमल ।☆

16 “दिलेया कहेमैंइ आशिक योंइमुँ, तलेबिस्याँ कहेमैंए मिइ छेनाले मोल् खाँमुँ, कहेमैंए न्हइ छेनाले थेल् खाँमुँ ।

17 क्होंसेन ड कहेमैंने बिमुँ, कहेमैंइ मोँवै के नेरो थेवै ताँ स्योंम्बै अगमबक्तामैं नेरो ठिक के लब्मैंइ मोँदा इहाँलेया मोल् आयोल । थेदा इहाँलेया थेल् आयोल ।☆

222222 2222 222222 2222 2222 222222
(222222 2:22-22; 2222 2:22-22)

18 “तारे प्लु प्लुबै ताँए अर्थ थेद ।

19 कोइ म्हिमैंइ स्वर्गबैं ग्याल्सए बारेर थेलेया कहोल् आखाँ । छतसि चमैं घ्यार तेबै प्लु धोन् तब् ग । चमैंए सैंउँइले दुष्टइ च प्लुमैं फ़ेवाम् ।

20 खाबइ परमेश्वरए ताँ थेबै तोदोन् सैं तोंसि युनन् क्वेमुँ, च गेगरर तेबै प्लु धोन् तब् ग ।

21 चए जरा छेनाले सर च्योंल् आयोंबइले ल्हें त्हे समा सोल् आखाँ । तलेबिस्याँ परमेश्वरजी बिब् धोले प्ररिमा तोइ दुःख तेबै तोदोन् च लिउँइ स्योह्याम् ।

22 पुजुर तेबै प्लु धों तेबै म्हि छाब् गः चइ परमेश्वरए ताँ थेलेया चु ह्युलबैं न्हुँ नेरो मुइए लोबइ लमा चइ थेबै तार च भोंसि तल् आखाँ । छतसि तोइ रोमैं रोल् आखाँ ।

23 मलिलो सर तेबै प्लु परमेश्वरए ताँ थेसि क्वेबैं म्हि धोन् तब् गः चइ कोइ प्र, कोइ टहुच्यु धै कोइ सोंच्यु गुणा रोमैं रोम् ।”

22222222 222222

24 येशूजी चमैने धवै अहान् घि बिइ, “स्वर्गबै ग्याल्स छ्याँबै प्लु प्लुबै म्हि धोन् तब् ग। चइ छ्याँबै गहुँ प्लु मोर प्लुइ।

25 दिलेया म्हुँइसर म्हिमै रोबै त्हेर चए शत्तुर खसि गहुँए न्होरि सभिं रूँइथेंसि ह्याइ।

26 झाइले प्लुमै बडिसि नाँ त्होबर होमा सभिं या मोइ।

27 च कल्हेए के लबै म्हिमै खसि कल्हेने बिइ, ‘ओ चिब, किहइ मोर छ्याँबै प्लु प्लुइ, आडिं वा? चर सभिं खनिउँइले खइ?’

28 “कल्हेइ चमैने बिइ, ‘चु खाब् मुँले शत्तुरइ लब् ग।’

“के लबै म्हिमैइ ‘डि ह्यासि ताँन् सभिं स्युइवाले वा?’ बिमा

29 “कल्हेइ बिइ, ‘तोगो आस्युइद्! तोगो च सभिं स्युइस्याँ गहुँ या सभिंने बालुन् स्युवाब्मुँ।

30 तोगो रा-रोमै खुबै त्हे आतन् समा डिहथुन् बालुन् बडिल् पिन्। रा-रोमै खुबै त्हेर डए मोमैने “ओसों सभिंमै स्युइसि मिर खोंवाबै ल्हागिर ढें फैद्। धै गहुँ डए भकारिर खागु लसि थेंन् बिसि,” डइ बिब्मुँ।”

2222222 2222 2222 22222222 222222
(2222222 2:22-22; 2222 22:22-22)

31 येशूजी चमैने अको अहान या बिइ, “स्वर्गबै ग्याल्स पासगिए प्लु धोन् तब् ग। म्हि घिइ च प्लु ह्त्रोंसए मोर प्लुइ।

32 प्लुमै न्होरि धाँसे च्योंबै फुँ चुन् तम्। दिलेया चु बडिबै लिउँइ बिस्याँ ताँन् ट्हा ट्हुमै भन्दा थेबै धुँ या चुलन् तम्। छतसि मुबै नेमामै खसि चए हाँगजरे च्हों थासि टिम।”

33 खीजी चमैने धवै अको अहान बिइ, “स्वर्गबै ग्याल्स प्लेढा धोन् तब् ग। च्मिरि घिइ प्रो सोंब्योर च्युगुदे प्लेढा झोंसि क्हेँ झोंमा च ताँन् क्हेँ फुल्दिम्।”

222222 222 2222222222 222222?
(222222 2:22-22)

34 येशूजी म्हिमैने चु तांन् तांमै अहानउँइले बिमिंइ। खीजी तोन्दोरि ताँ अहानउँइले मत्त्रे लोमिमल।

35 अगमबक्ताइ बिबै ताँ पूरा तबर येशूजी छले पोंइ। स्योमन् च म्हिइ छले फ़िल,

“ड चमैने अहानउँइले पोम्भुँ।

ह्युल केब् ओनोबै लोथेबै तांमै डइ बिमिंम्भुँ।”☆

22222222 222222 22222

36 झाइले खी चबै म्हिए हुल वाथेंसि धिर ह्यामा खीए चेलांमै खी डार खसि “डिने मोर्वै सम्रिंए अर्थ बिमिंन्,” बिइ।

37 चमैए ताँ थेसि खीजी चमैने बिइ, “छयाँबै प्लु प्लुबै म्हि म्हिए च्छ ग।

38 मोँ ह्युल ग। छयाँबै प्लु विस्याँ स्वर्गबै ग्याल्सबै सन्तान ग, धै सम्रिं दुष्टए सन्तान ग।

39 सम्रिं प्लुबै शत्तुर दुष्ट ग। रा-रोमै खुबै त्हे विस्याँ चु ह्युल नुयाबै त्हे ग। झाइले रा-रोमै खुबै मोँमै स्वर्गदूतमै ग।

40 सम्रिं स्युइसि मिर खोंवाब् धोले चु ह्युल नुयाबै त्हेरै या छान् तब्भुँ।

41 च त्हिंइर म्हिए च्छजी ह्रोंसए स्वर्गदूतमै ह्युलर कुल्मिंम्भुँ, धै पाप लबर त्हेदिब्भै नेरो आछयाँबै के लब्भै ताँनलाइ चमैइ डए ग्याल्सउँइले खागु लसि

42 मिए राबर भ्योवाब्भुँ। चर म्हिमै वेल्ले क्रोसि स ह्राब्भुँ।

43 झाइले ठिक के लब्भै खेंमैए आबाए ग्याल्सरि त्हिंयाँ धोले चारसि टिब्भुँ।

“न्ह मुँब्भैइ थेरिगे।”

॥॥॥॥॥॥॥ ॥॥ ॥॥॥॥॥॥॥ ॥॥॥॥॥॥॥

44 “स्वर्गबै ग्याल्स म्रोर पार्थेबै सै न्होर धोन् तब् ग। म्हि ग्रिइ च योसि लोथेम्, धै च सैं तोंदै ह्यासि ह्मोंसने मुँबै तोन्दोरि सै चुँसि च म्रों किम्।

॥॥॥॥॥॥ ॥॥॥॥॥॥॥

45 “धबै स्वर्गबै ग्याल्स छ्याँबै मोति म्हैबै छों लबै म्हि धोन् तब् ग।

46 चइ बेल्ले सै ल्हें फेबै मोति स्याबै लिउँइ ह्मोंसने मुँबै तोन्दोरि सै चुँसि च मोति किइ।

॥॥॥॥॥ ॥॥॥॥॥ ॥॥॥॥॥ ॥॥॥॥॥॥॥

47 “झाइले स्वर्गबै ग्याल्स मा डचुँइर प्रिबै जाल धोन् तब् ग। च जालर ल्हें खालरैं ताँगमैं फेम्।

48 जालर ताँगइ प्लिंबै लिउँइ जाल प्रिबमैंइ जाल छ्योगर चैपखसि छ्याँ-छ्याँब ताँगमैं ह्मोंसए भाँडोर झोम्, दिलेया केर आफेबमैं भ्योंवाम्।

49 चु ह्युल नुयाबै त्हेरै या छान् तब्मुः स्वर्गदूतमैं युसि दुष्ट म्हिमैंलाइ ठिक के लब्मैए म्हाँजोउँइले फेलब्मुँ।

50 झाइले मिए राबर भ्योंवाब्मुँ। चर चमैं बेल्ले क्रोसि स ह्माब्मुँ।”

51 येशूजी चमैंने “क्हेमैंइ चु ताँ क्होइ वा?” बिसि डचोएमा “चमैंइ क्होइमुँ,” बिसि ज्वाफ पिंइ।

52 धबै येशूजी चमैंने बिइ, “छतसि स्वर्ग ग्याल्सबै ताँ योंबै ताँन् शास्त्रिमैं धिबै क्त्हे धोन् तब् ग। च धिं क्त्हेइ ह्मोंसए धनसारउँइले छारा नेरो स्योब सैमैं बैरु तेल खाँम्।”

॥॥॥॥॥॥॥ ॥॥॥॥॥॥॥॥॥ ॥॥॥॥॥ ॥॥॥॥॥॥॥॥
(॥॥॥॥॥॥॥ ॥:॥-॥; ॥॥॥॥॥ ॥:॥॥-॥॥)

53 छले चु अहानउँडले ताँमें बिल् खाँबै लिउँड येशू च कल्हयोउँडले ह्याइ।

54 झाइले ह्राँसए नाँसर खसि चमैए च्हों धिर ताँ लोमिमा खीए ताँ थेबै म्हिमै प्लेटोयासि बिइ, “चु छाबै औदिबै केमै लबै शक्ति नेरो बुद्धि चइ खनिउँडले योगे?”

55 चुम् सिंए के लबै म्हिए च्ह आङिं वा? चुए आमाए मिं मरियम आङिं वा? धै याकूब, योसेफ, सिमोन नेरो यहूदा चुए अलिमै आङिं वा?

56 चुए अडामें या चुर्न मुँ, आङिं वा? चुइ चु ताँन् ताँमें खनिउँडले योगे?”

57 बिसि चमैइ खीलाइ म्हि आच्छि।

दिलेया येशूजी चमैने बिइ, “अगमबक्ताइ ह्राँसए नाँस नेरो धिर मान आयो, दिलेया अरू कल्हयोजरे खन्तोदोन् मान योम्।”☆

58 चमैइ आक्वेबइले येशूजी च कल्हयोरि औदिबै केमै त्हें आल।

14

□□□□□□ □□□□□□□□□□ □□□□□ □□□□□□□ □□□□□□
(□□□□□□ □:□□-□□; □□□□ □:□-□)

1 च त्हेर गालील ह्युलबै हेरोद मुँइ येशूए बारेबै ताँ थेइ।

2 चु ताँ थेसि हेरोदइ ह्राँसए के लब्मैने बिइ, “च क्युर प्हुँसि बप्तिस्मा पिबै यूहन्ना ग। च सिसेया धबै सोसि खना। छतसि चइ छाबै औदिबै के लबै शक्ति योँडमुँ।”

3 ह्राँसए अलि फिलिपए प्हेँस्योए घ्याँउँडले हेरोदइ ओंसों यूहन्ना कहासि झेलर च्युवाल।

4 तलेबिस्याँ यूहन्नाइ ओंसोन् हेरोदने “ह्राँसए अलिए प्हेँस्योने ब्या लब ठिक आत,” बिल।☆☆

5 छतसि हेरोदइ यूहन्ना सैबै सैं ललेया चबैं यहूदी म्हिमें
म्रोसि ड्हंमल। तलेबिस्यौ “यूहन्ना अगमबक्ता ग,” बिसि
चमैंइ म्हांदिमल।

6 दिलेया हेरोद फिबै त्तिंइ म्हांदिमा हेरोदियासए च्मि प्हेमैंए
उँइर मुँ सैं तोंन् लबर बेल्ले छेन्ले सेइ।

7 छाब् म्रोसि हेरोद बेल्ले सैं तोंसि “क्हिइ तो ह्तिदा इहाँइमुँ
ह्तिद, तो ह्तिलेया डइ पिंस्यो,” बिसि च छमिने बाछा फैसि कसम
चइ।

8 च छमिइ ह्त्तोंसए आमाइ बिब् धोलेन् “बप्तिस्मा पिबै
यूहन्नाए क थोसि थलिर झोंसि डलाइ पिन्,” बिसि ह्तिइ।

9 छ बिब् थेसि हेरोद मुँइ बेल्ले न्हूँ लइ, दिलेया चइ च्हाँ ल्हे
प्हेमैंए उँइर बाछा फैवइले “आपि” बिल् आखाँ।

10 छतसि चइ झेलर मुँबै यूहन्नाए क थोबर ल्हैदिइ।

11 झाइले चाए क थलिर पखसि च छमिने पिंइ। च छमिंइ
ह्त्तोंसए आमा डॉर बोइ।

12 च लिउँइ यूहन्नाए चेलांमैं खसि यूहन्नाए सिनु बोसि पाइ।
धै चमैं येशू डॉर ह्यासि चर तबै तांमैं खीने बिइ।

000000 00000 0000 00000000 0000 0000
(00000000 0:00-00; 00000 0:00-00; 00000000 0:0-
00)

13 छले यूहन्ना सैवाइ बिबै ताँ थेबै लिउँइ येशू खी ग्निन्
डुँडगार क्रेसि खाबै आरेबै कल्ह्योर ह्याइ। येशू ह्याइ रो बिब्
थेसि नाँसउँइले म्हिए हुल प्हेलेइ प्रसि खीए लिलि ल्हैदिइ।

14 येशू तालए छेउर फेमा च म्हिए हुल म्रोसि खीए सैंर बेल्ले
ल्हयो खइ। धै चमैं न्होंबैं ताँन् नब्मैं सल् लमिंइ।

15 डेसा तबै लिउई चेलामें खी डॉर खसि बिइ, “म्हुँइस तबि छेइमुँ। डचो चुर खाबै आरेबै कल्ह्योर मुँ। चु म्हिमें कुल्मिन्। चुमें नाँसजरे ह्यासि चबै सैमें किसि चरिगे।”

16 दिलेया येशूजी चमैने “चमै ह्याल् आत्हु। कहेमैइन चमै चल पिन्,” बिइ।

17 छबिमा चमैइ खीने बिइ, “डिने बालु कहे इहबो नेरो ताँग इहं मत्ते मुँ।”

18 येशूजी “च सैमें ड डॉर पउ,” बिइ।

19 झाइले खीजी म्हिए हुल चउरर कहुँबर ल्हैदिइ। धै च कहे इहबो नेरो ताँग इहं योर छेसि स्वर्गउई इह्योसि परमेश्वरलाइ धन्यवाद पिंइ। धै कहे लुँसि चेलामैने पिंइ। चेलामैइ म्हिए हुलमें चुमिंइ।

20 चमै ताँनइ भ्रेंन्ले चसि डैबै कहे लुँठेमें चमैइ खागु लमा च्युसे इहं दहलो तल।

21 चर चम्में च्मिरिमें नेरो कोलोमें आच्योल्ले हजार इह मुँयुमें मुँल।

00000 00000 00 00 00000

(0000000 0:00-00; 00000000 0:00-00)

22 येशूजी म्हिए हुल छाइले कुलमा चेलामैने “डुँङ्गार क्रेसि ड भन्दा ओंसों क्योंजा ह्यारिद,” बिसि ल्हैदिइ।

23 चमै कुलल् खाँबै लिउई येशू खी ग्रिन् कौर प्राथना लबर ह्याइ। डेसा तयालेया खी ग्रिन् कोर्न मुँल।

24 दिलेया चेलामें क्रेबै डुँङ्गा मा डचुँइए छ्योगउईले ल्हें हेंगो फेनेल् खाँल। च त्हेन खें उल्टोले खसि क्युए भेलगाइ डुँङ्गा प्लिंवाबि छेल।

25 न्हाँगबै सों ह्वाबै त्हेजरे येशू मा डचुँइए फि फि प्रसि चेलामें डॉर खइ।

26 खी क्यु फि फि प्ररिब् म्रोसि चेलामैं डिहंयाँइ, धै “चुम् मों ग,” विसि चमैं डिहंसि ओरबर होंइ ।

27 दिलेया च तोदोन् येशूजी चमैंने “आडिहंन्, डन् ग! सैं भोंब् लद,” बिइ ।

28 छबिमा पत्रुसइ खीने बिइ, “ओ प्रभु, क्होंसेन क्हिन् ग बिस्स्याँ, डलाज्यै या क्यु फि फि प्रसि क्हि डॉर खल् पिन् ।”

29 खीजी “तम्, खो,” बिमा पत्रुस डुङ्गाउँइले तसि येशू डॉर ह्याबर क्यु फि फि प्रबर होंइ ।

30 दिलेया खैं सालैं खब् म्रोसि च डिहंयाँइ, धै प्हुँह्याबि छेमा “डलाइ जोगेमिन्, प्रभु,” विसि ओबर होंइ ।

31 चइ कै तेबै तोदोन् येशूजी चए योर क्हासि “ओ बिश्वास आरेबै म्हि, तले संका लल?” बिइ ।

32 छ विसि खेंमैं डिहं डुङ्गार क्रेबै तोदोन् खैं टियाइ ।

33 धै चेलामैंइ खीलाइ फ्योसि “क्होंसेन क्हि परमेश्वरए च्हन् मुँन,” बिइ ।

222222 22222222222 222222 222 222222
(222222 2:22-22)

34 झाइले खेंमैं क्योँजा फेनेबै लिउँइ गनेसरत बिबै क्ह्योर फेखइ ।

35 खेंमैं चर फेनेमा चर्वै म्हिमैंइ येशूलाइ डो सेइ । छतसि चमैंइ च खागुबै नब्मैं खी डॉर पखो विसि सँउँसर पिमिँइ । धै म्हिमैंइ ताँन् नब्मैं खी डॉर पखइ ।

36 चमैंइ खीए क्वेंए डो छुइल् पिन् विसि येशूने यो छ्युँ लइ, धै येशूए क्वें छुइब्मैं ताँन् सयाइ ।

15

□□□□□□ □□□□ □□□□□□□□□□ □□□□□□□□ □□□
(□□□□□□ □:□-□□)

1 यरूशलेम उँडैले को-कोइ फरिसीमें नेरो शास्त्रिमें खसि येशूने डचोएइ,

2 “क्हिए चेलामेंइ डचोए खेमैंए छ्या तले आम्हाँदि? तलेबिस्याँ चमैंइ कै चब् भन्दा ओंसों यो आखु।”

3 छबिमा खीजी चमैंने बिइ, “क्हेमैं या परमेश्वरजी बिबै ताँ म्हाँदिब् पिसि ह्त्रोंसए छ्यार्न तले प्रमुँ?

4 तलेबिस्याँ परमेश्वरजी बिइमुँ,
‘ह्त्रोंसए आबा आमाए मान लद्।

ह्त्रोंसए आबा आमाए बिरोधर आछ्याँब ताँ पोंब्में सैवाल् त्हुम्।’☆

5 दिलेया क्हेमैंइ म्हिमैंलाइ छले लोमिम्, ‘खाबज्यै ह्त्रोंसए आबा आमाने “क्हेमैंइ डउँडैले योंल् त्हुबै सैमैं डइ परमेश्वरए मिर पिंवाइमुँ” बिस्याँ चइ ह्त्रोंसए आबा आमाए मान लल् आत्हु,’ बिम्।

6 छतसि क्हेमैंइ ह्त्रोंसए छ्या म्हाँदिबै ल्हागिरि परमेश्वरजी बिबै ताँ आम्हाँदिइमुँ।

7 ओ फिप्लो पार्दिब्में, यशैया अगमबक्ताइ ओंसोंन् क्हेमैंए बारेर ठिकन बिना,

8 ‘चु हेंइ सुँइ मत्त्रे डए मान लम्,
दिलेया चमैंए सैं बिस्याँ ड डाँडैले हेंगो मुँ।

9 चमैंइ डए मिं किंब फाक्कर्न ग,
तलेबिस्याँ चमैंइ “चु ताँमैं परमेश्वरए ठिम ग” बिसि म्हिमैंइ बनेबै छ्यामैं लोमिम्।’ ”☆

☆ 15:4 15:4 □□□□ □□:१२; लेबी ५:१६; प्रस २१:१७; लेबी २०:९ ☆ 15:9 15:8-9

॥॥॥॥ ॥॥॥॥ ॥॥॥॥॥॥ ॥॥॥ ॥॥॥॥॥॥
(॥॥॥॥॥॥ ॥:॥॥-॥॥)

10 झाइले येशूजी म्हिमें खी डाँर हुइसि “कहेमैंइ चु ताँ छेनाले थेसि कहोदु,” बिइ।

11 “सुँउँइले न्होंर होंबै सैइ म्हि पापर च्होल् आल। बरु सुँउँइले बैरु त्होंबै आछ्याँबै ताँइ म्हिलाइ पापर च्होवाम्।”

12 च लिउँइ चेलामैं खसि खीने बिइ, “क्हिजी बिबै ताँ थेसि फरिसीमें बेल्ले ह्लिस खइमुँ बिब क्हिजी सेइमुँ वा?”

13 छबिमा खीजी बिइ, “स्वर्गर मुँबै डए आबाजी आरुँइबै धुमें जरान् स्युवाब्मुँ।

14 छतसि च फरिसीमें मोसि तोइ न्हुँ आलद्। चमैं कन अगुवामैं ग। कनइ कन डोरिदिस्याँ, डिहंनऱ डिहंन् होंल्दोंर पायाम्।”☆

15 पत्रुसइ खीने “चु अहानए अर्थ डिने बिमिन्,” बिमा

16 येशूजी बिइ, “कहेमैंज्यै या अझै चुए अर्थ आकहोइमुँ वा?

17 चबै सै सुँउँइले फोर फेनेसि बैरु त्होंह्याम् बिब कहेमैंइ आसेइमुँ वा?

18 दिलेया म्हिमेंए सुँउँइले बैरु त्होंबै आछ्याँबै ताँमें सैं न्होंउँइले बैरु त्होंम्। छतसि सैं न्होंउँइले त्होंबै आछ्याँबै ताँमेंइ म्हि पापर च्होवाम्।☆

19 तलेबिस्याँ म्हिंए सैंउँइलेन् आछ्याँब सैं मैम्। चु आछ्याँब सैंइ लमा चइ म्हि सैब, आगुए फ्हेंस्यो प्रब, व्यभिचार लब, आगुए सै न्होर ह्योब, स्योर तेब, धै फ्रम्दा क्योम्दा लब छाबै पापमैं लम्।

20 म्हिलाइ पापर च्होवाबै सैमैं चुन् ग। दिलेया यो आखुल्ले चब् चमा म्हि पापर आचो।”

॥॥॥॥॥ ॥॥॥॥॥॥॥॥॥ ॥॥॥॥॥ ॥॥॥ ॥॥॥ ॥॥॥॥॥॥॥
(॥॥॥॥॥॥ ॥:॥॥-॥॥)

30 म्हिण्णु हलु खी डाँर खागु तखइ । धै खेंमैने बालु पखबै डुँडमैं, कनमैं, स्यालेमैं, लडामैं नेरो ल्हें अरू नब् छब्बैं खीए उँइर थेंमिमा खीजी चमैं सल् लमिंड ।

31 लडमैं पोंब, स्यालेमैं सयाब, डुडमैं प्रयाब, कनमैंइ म्रोंल् खाँब् तइ । छाब् म्रोंसि म्हिमैं प्लेटोयासि इस्राएल हेंबैं परमेश्वर बेल्ले थेब मुँन बिसि खीए मिं क्वेइ ।

32 येशूजी खीए चेलामैं खी डाँर हुइसि बिइ, “चु म्हिमैं म्रोंसि डाए सैंर ल्हयो खइमुँ । सोंरो ओंनोंन् चुमैं डने मुँ, तोगो चुमैंने चबै सै या तोइ ओरे । डइ चुमैं फोदेन् खेंमैए धिर कुलदा आइहाँ । छलेन् कुलस्याँ चुमैं ध्याँन फो खेंसि प्रलन् आखाँन् तयाब्मुँ ।”

33 छबिमा चेलामैंइ बिइ, “छौ ल्हें म्हिलाइ चु क्यु आयोंबै कल्ह्योर डिइ खनिउँइले चबै सै पखसि चल् पिंब?”

34 येशूजी चेलामैंने “क्हेमैंने क्हे कति मुँ?” बिमा चमैंइ बिइ, “क्हे डिबो नेरो च्यों-च्योंबै ताँग छौदे मुँ ।”

35 झाइले येशूजी च म्हिमैं सर कहुँन् बिसि

36 येशूजी क्हे डिबो नेरो ताँग योर छेसि परमेश्वरलाइ धन्यबाद पिंड । धै क्हे लुँसि चेलामैंने पिंड, झाइले चेलामैंइ च म्हिमैंलाइ चुमिंड ।

37 चमैं ताँनइ भेंन्ले चइ । धै चसि डेंबै क्हे लुँठे खुमा ट्हलो डि तल ।

38 चर च्छमिरिमैं नेरो कोलोमैं आच्योल्ले मुँयुमैं मत्त्रे हजार प्लि मुँल ।

39 छले चल् पिंबै लिउँइ येशूजी चमैं खेंमैए धिर कुलइ धै खी डुँडगार क्रेसि मगदान बिबै कल्ह्योउँइ ह्याइ ।

16

222222 222222 22 222222 2222
(222222 2:22-22; 2222 22:22-22)

1 को-कोइ फरिसीमें नेरो सदुकीमें येशू डार्र खसि खीए जाँच लबर “क्ह परमेश्वर उँईले युब् ग बिस्याँ स्वर्गबै औदिवै चिनु घि लसि उँईन्,” बिइ।✧

2 छबिमा येशूजी चमैने बिइ, “त्हियाँ लिबर होमा कहेमैइ ‘आहा, तियाँम् मु ओलया तइमुँ फँह्नाँ नाँ आयु बिम्।’

3 झाइले न्हाँगर मु ओलया तसि न्हाँम्स्योइ हुवास्याँ कहेमैइ ‘तियाँम् नाँ खै तलै बिम्।’ मु इह्योसि कहेमैइ त्हिंइ खैब तम् बिसि सेल् खाँम्, दिलेया खबर होवै चिनुए अर्थ कहोल् आखाँ।

4 तिजोरोबै दुष्ट नेरो ब्यभिचारि म्हिमैइ चिनु म्हेम्, दिलेया योनाए चिनु* बाहेक् अरू चिनुमै चमैने उँईरिब् आरे।” छौ बिसि खी चमै वाथेंसि ह्याइ।✧

□□□□□□ □□□□□□ □□□□□□□□ □□□□□□
(□□□□□□□ 2:22-22)

5 चेलामें तालए क्योँजा फेनेइ, दिलेया चमैइ कहे बोब म्लेयान।

6 येशूजी चमैने बिइ, “छेनाले मैन्, कहेमै फरिसी नेरो सदुकीमेंए कहेर झोंवै प्लेढाउँईले जोगेसि टिद्।”✧

7 दिलेया चेलामेंइ येशूए ताँ आकहोसि “ड्योइ कहे पखब म्लेयासि प्रभुजी छ बि्लै,” बिसि ह्नों-ह्नोंसन् ताँ लबर होइ।

8 चमैइ तो ताँ लसिन् मुँ बिब येशूजी सेसि चमैने बिइ, “ओ, डाए फिर च्युगुदे या बिश्वास आलब्भै! कहेमैने कहे आरे बिसि तले ह्नों-ह्नोंसन् ताँ लरिल?

9 कहेमैइ अझै आकहोइमुँ वा? हजार इह म्हिमैलाइ कहे इहबो चुमिंभ म्लेह्याइ वा? कहेमैइ कति टहलो कहे लुँटे खुल?✧

✧ 16:1 16:1 □□□□ □□:३८; लूक ११:१६ * 16:4 16:4 □□□□□ □□□□ □□□□ □□□□□□ □□ □□□□□ □□ □□□, छलेन् येशू या सिसि सोंरें समा छोगोर टिब्मुँ। च लिउँई धवै सोगो तसि खब्मुँ (योना १:१७)। ✧ 16:4 16:4 □□□□□ □□:३९; लूक ११:२९
✧ 16:6 16:6 □□ □□:१ ✧ 16:9 16:9 □□□□ □□:१७-२१

10 झाइले कहेँ डिबोइ हजार प्लि म्हिमें चल पिंसि कहेमैइ कति टहलो कहेँ लुँटे खुल?✧

11 डइ कहेमैने चबै कहेँए बारेर ताँ लब आडिं बिब कहेमैइ तले आकहोल? डइ फरिसी नेरो सदुकीमैए कहेँर झोबै प्लेढाउँइले जोगेसि टिद् बिब् ग।”

12 कहेँर झोबै प्लेढाने आडिं, फरिसी नेरो सदुकीमैइ लोमिंबै ताँउँइले जोगेसि टिद् बिब् मुँन बिसि बल्ल चेलामैइ येशूजी बिबै ताँ कहोइ।

□□□□□□□□ □□□□□□ □□□□□□ □□□□□ □□□
(□□□□□□□□ □:□□-□□; □□□□□ □:□□-□□)

13 येशू कैसरिया फिलिप्पी बिबै सहरर फेखबै लिउँइ खीजी खीए चेलामैने “म्हिमैइ म्हिए च्हेने खाब् बिमुँ?” बिसि डचोएइ।

14 “कोइ बप्तिस्मा पिंबै यूहन्ना ग बिमुँ, कोइ स्योम्बै एलिया ग बिमुँ, कोइ यर्मिया अथवा स्योम्बै अगमबक्तामै न्होबै गि ग बिम्,” बिसि चमैइ बिइ।✧

15 झाइले येशूजी चमैने “कहेमैइ डलाइ खाब् बिम्दि?” बिसि डचोएमा

16 सिमोन पत्रुसइ बिइ, “क्हिम् खोयोन् बिलै तरिबै परमेश्वरए च्हे, खीजी कुल्मिंबै जोगेमिंबै मुँ खीष्ट ग।”✧

17 येशूजी चने बिइ, “ओ, योनाए च्हे सिमोन, क्ह्रोसेन क्हइ आशिक योइमुँ! तलेबिस्योँ छाबै ताँ क्हइ म्हिउँइले था सेब आडिं, दिलेया स्वर्गर मुँबै डए आबाजी क्हिलाइ सेल् पिब् ग।

18 छतसि डइ क्हिलाइ पत्रुस बिम्।† डए चर्च ड च पाराए फिर बनेब्मुँ, धै नर्गबै ग्रामैइ च चर्चए फिर टहोल खारिब् आरे।

✧ 16:10 16:10 □□□□□ □□:३४-३८ ✧ 16:14 16:14 □□□□□ □□:१-२; मर्क ६:१४-१५;
लूक ९:७-८ ✧ 16:16 16:16 □□□ □:६८-६९ † 16:18 16:18 □□□□□□ □□□□□□ □□
□□□□ □□

19 डइ स्वर्गबै ग्याल्सए साँजुमैं किहए योर पिंब्मुं। किहइ पृथ्वीर तो फैब्मुं च स्वर्गर फैब्मुं, धै किहइ पृथ्वीर तो प्न्हब्मुं च स्वर्गरै या प्न्हब्मुं।”†☆

20 झाइले खीजी चेलाभैने “ड खीष्ट ग बिसि खाबलाज्यै या आबिद् ओ,” बिसि ल्हैदिइ।

222222 22 2222 222222 2222 22222222
222222

(222222 2:22—2:2; 2222 2:22-22)

21 च त्हे ओंनोन् खीजी ह्रोंसए चेलाभैने ह्रोंसइ नोल् त्हुबै दुःखए बारेर बिबर होंइ। “ड यरूशलेम ह्याल् त्हुम्, धै चिबनाब्मैं, खो पिबै खेगि चिब्मैं नेरो शास्त्रिभै उँडैले ल्हें दुःख योसि सिल् त्हुम्। दिलेया सोंरेंर ड सोगों तसि खब्मुं।”

22 छबिमा पत्रुसइ येजूलाइ तिराइ बोसि “परमेश्वरजी किहए फिरि खोंयोँइ छ तल् पिंरिब् आरे प्रभु,” बिसि हौदिबर होंइ।

23 दिलेया खीजी पत्रुसने बिइ, “ओ दुष्ट, ड डाँडैले स्योह्याद्। किह ड प्रल् त्हुबै घ्याँरि पुजु तइमुं, तलेबिस्याँ किहए चु ताँ म्हिण ताँ ग, परमेश्वर उँडैले खब आडिं।”

24 झाइले येजूजी खीए चेलाभैने बिइ, “डए लिलि खदा इहाँमैं, ह्रोंसए ज्यु म्हाँया आलल्ले दुःख नोसि डए लिलि खल् त्हुम्।”☆

25 तलेबिस्याँ ह्रोंसलाइ जोगेल् म्हैब्मैं नास तब्मुं। दिलेया डए ल्हागिर ह्रोंसए ज्यु पिब्मैंइ खोंयोँइ आखाँबै छह योंब्मुं।☆

26 क्हेमैइ ताँन ह्युल योंनाबिलेया ह्रोंस नास तयाइ बिस्याँ तो फायदा तम् रो? म्हिइ ह्रोंसए सोए साटोरि तो सै पिल् खामुं?

† 16:19 16:19 222 2222 2222 22 222222 22 222222 22222222, च ताँ स्वर्गरै या आछ्याँब ठदिब्मुं। धै किहइ चु पृथ्वीर तो ताँ ठिक ठदिमुं, च ताँ स्वर्गरै या ठिक ठदिब्मुं।

☆ 16:19 16:19 2222 22:१८; यूह २०:२३ ☆ 16:24 16:24 2222 22:३८; लूक

१४:२७ ☆ 16:25 16:25 2222 22:३९; लूक १७:३३; यूह १२:२५

27 तलेबिस्याँ म्हिए च्हा खीए आबाए मान योंसि स्वर्गदूतमैने युमा म्हिमैइ खैबै के लइमुँ छाबन् नों खीजी पिंब्मुँ।☆

28 क्हाँसेन ड क्हेमैने बिमुँ, चुर मुँब्मै न्होरि कति म्हिइ म्हिए च्हा खीए ग्याल्सर युरिब आम्रोंन् समा सिरिब् ओरे।”

17

□□□□□ □□□□□ □□□□□
(□□□□□□ □:□-□□; □□□□ □:□□-□□)

1 टुरो लिउँइ येशूजी पत्रुस, याकूब नेरो चए अलि यूहन्ना स्योले नुबै कोंउँइ बोयाइ।

2 कोंर फेनेमा चमैए उँइर येशूए रुप फेर्दियासि खीए लि त्हिंयाँ धोंले चारयाइ।

3 खीए क्वें या त्हिंयाँ धोंले चारयासि ताग्या तयाइ। धै स्योम्बै मोशा नेरो एलिया बिब युसि येशूने पोंरिब म्रोंइ।

4 छाब म्रोंसि पत्रुसइ येशूने बिइ, “ओ प्रभु, डचो चुर टिब छयाँब् मुँन। किहए सैं मुँस्याँ डइ चुर सौलो टिबै क्त्ह्यो बनेब्मुँ। त्रि किहए ल्हागिरि, त्रि मोशाए ल्हागिरि धै त्रि एलियाए ल्हागिरि!”

5 पत्रुसइ छले ताँ लनालन् चारबै न्हाँम्स्योइ खेमैलाइ हुवाइ। धै “चु डइ खोबै च्हा ग। चु म्रोंसि ड बेल्ले सैं तोंइमुँ। चइ बिबै ताँ छेनाले थेद्!” बिबै कै च न्हाँम्स्यो न्होंउँइले थेइ।☆☆

6 छाबै कै थेमा चेलांमै बेल्ले डिहंसि सर पदखु तइ।

7 दिलेया येशू खसि चमैलाइ छुइसि “रेद्, आडिहंन्,” बिइ।

8 झाइले चमैइ मि इह्योमा चर येशू मत्त्रे म्रोंइ अरू खाबै आम्रों।

☆ 16:27 16:27 □□□□ □:३१; भज ६२:१२; रोम २:६ ☆ 17:5 17:1-5 □ □□□□
□:१७-१८ ☆ 17:5 17:5 □ □□:२; भज २:७; यशै ४२:१; मत्ती ३:१७; १२:१८; मर्क १:११; लूक ३:२२; व्य 18:15

9 झाइले खेंमें कोंउँडले क्युरु युरिमा येशूजी चमेंने बिइ, “म्हिए च्ह सिबउँडले धवै सोगों आतन् समा कहेमैंइ म्रोंबै चु ताँ खाबलाज्यै या आबिद् ।”

10 “शास्त्रिमैंइ तले एलिया ओंसों युल् त्हुम् बिम्?” बिसि चेलामैंइ खीने ड्योएइ ।✧

11 येशूजी चमेंने बिइ, “क्ह्नोंसेन म्रुँ युब् भन्दा एलिया ओंसोंन् युमुँ, धै क्योँएँल् त्हुबै सैमैं क्योँएँमिंम्मुँ ।

12 ड कहेमैंने बिमुँ, एलिया युल् खाँइमुँ, दिलेया म्हिमैंइ चलाइ डो आसेसि खैच्हिजी लइ । छलेन म्हिए च्हज्यै या चमेंउँडले थेबै दुःख योंब्मुँ ।”✧

13 छबिमा “येशूजी बप्तिस्मा पिंबै यूहन्नाए बारे खेंमेंने ताँ लना बिसि,” चेलामैंइ कहोइ ।

*□□□□□□ □□□□ □□□□□□ □□□□ □□□ □□□□□□
(□□□□□□ □:□□-□□; □□□□ □:□□-□□)*

14 झाइले चमें म्हिए हुल मुँबै कल्ह्योर फेखबै लिउँइ म्हि ग्नि येशूए उँडर खसि च्हि तुँसि बिइ,

15 “प्रभु, डए च्हए फिर ल्हयो खमिन् । चलाइ र बेथाइ स्यासि बेल्ले दुःख तरिइमुँ । च खोंयों मिर फेमुँ, खोंयों क्युर फेमुँ ।

16 डइ चलाइ क्हिए चेलामैं डार पखइ, दिलेया चमेंइ सल् लल् आखाँला ।”

17 येशूजी खीए चेलामैंने बिइ, “क्हेमैंम् कति बिश्वास आरेबै आच्योबै म्हिमैं मुँन! ड खोंयों समा कहेमैंने टिल् त्हुम्? डइ खोंयों समा कहेमैंलाइ सैदिरिब् जा? खोइ च कोलो चुर ड डार पउ ।”

18 झाइले येशूजी च मोँलाइ हौदिमा च मों कोलोउँडले त्होंह्याइ । च तोदोंन् कोलो सयाइ ।

19 छतब् म्रोसि चेलामें खाबज्यै आसेल्ले येसू डाँर खसि “डिइ च मों तले ल्हाल आखाँगे?” बिसि डचोएइ।

20 खीजी चमैने “कहेमैइ परमेश्वरए फिर छेनाले बिश्वास आलइरि ग। ड क्ह्रोंसेन कहेमैने बिमुँ, कहेमैने पासगिए फुँ द प्रि बिश्वास मुँस्याँ चु कों ‘क्याइ स्योह्याद्’ बिलेया च स्योह्याम्। धै कहेमैइ लल आखाँबै सै तोइ तरिब आरे।”☆

21 [दिलेयां बर्त टिसि प्राथना आलन् समा कहेमैं छवै खालवैं
मों ल्हाल आखाँ ।]*

222222 222222 2222 22222 222 222
 (222222 ?-?-?: 2222 ?-?-?)

छबिमा येशूजी चने बिइ, “ए, छ बिस्याँ मुँए च्हमैँइमि बालि फोल् आल्हुमुना।

27 दिलेया चु म्हिमैँ गार आम्हाँदिरिगे बिसि डचोइ बालि फोले। छतसि तालर ह्यासि बल्छि प्रिन्। धाँसे ओसों बल्छिर फेबै ताँग टहुइद्। चए सुँर किहइ चाँदिए मुइ घि योंब्मुँ। च मुइ डचो इहंए मन्दिरबैँ बालि फोब् योम्। चन् बोसि डचो इहंए बालि फोबर चमैँने पिन्।”

18

000000000000 0000000000 00000 0000 00000 0000
(00000000 0:00-00; 00000 0:00-00)

1 च त्हेर्न चेलांमैँ येशू डार खसि “स्वर्गबैँ ग्याल्सर धाँसे थेब खाब तमुँ?” बिसि खीने डचोएइ।☆

2 येशूजी च्युथिरि कोलो घि हुइसि चमैँए म्हाँजोर राल् पिसि

3 बिइ, “क्होंसेन्ले ड क्हेमैँने बिमुँ, क्हेमैँए सैँ एसि छाबै च्योंबै कोलोमैँल् धों तबै सैँ आप्हास्याँ क्हेमैँ स्वर्गबैँ ग्याल्सर खोंयोँइ होंल् योंरिब् आरे।☆

4 चु कोलो धोंलेन् च्योंब तसि थेब आफ्हेँबै म्हि स्वर्गबैँ ग्याल्सर धाँसे थेब तमुँ।

5 झाइले खाबइ डए मिंर छाबै कोलो घि मान लमुँ, चइ डलाज्यै या मान लम्।

0000 0000 0000000000 000000
(00000000 0:00-00; 00000 00:0-0)

6 “डए फिर बिश्वास लबै छाबै कोलोमैँ न्होंबैँ गिलाइ खाबइ ड डाँइले स्योवासि पाप लबर ल्हैदिमुँ, च म्हिइ च केए सजैँ

यौंब् भन्दा चए खरिर् थेवै हेंदो च्योसि मा ड्युँइर भ्यौंवाब चए
ल्हागिर छ्याँब तम् ।

7 धिक्कार चु ह्युललाइ! तलेबिस्याँ चु ह्युलर म्हिमेंलाइ
पापर च्होवाबै सैमें मुँ। पापर च्होवाबै परिक्षाम् खम्, दिलेया अरू
म्हिलाइ पापर च्होवाबै महिलाइ ज्ञान धिक्कार मुँ।

8 “किहए यो अथवा फ़लेइ किहलाइ पाप लबर ल्हैदिम्
बिस्याँ च थोसि भ्योंवाँन् । तलेबिस्याँ यो फ़ले डिहंनऱ डिहंन्ने
नर्गबै मिर ह्याब् भन्दा वरु डुँड तसि खोंयोइ आखाँबै छह योंब
किहए ल्हागिर बेल्ले छयाँब ग ।✽

⁹ छलेन क्खिए मिइ क्खिलाइ पाप लबर ल्हैदिम् बिस्याँ चै या
दहुइसि भ्याँवाँन् । मि इहंनेन् नर्गबै मिर ह्याब् भन्दा कन तसि
खोयोइ आखोबै छह योब क्खिए ल्हागिरि छ्याँब तम् ।✧

????????? ???? ????
 (???? ??:?-?)

10 “छतसि ड कहेमैने बिमुं, छेनाले मैन्! कहेमैइ छाबै कोलोमै
धो तब्मै खाबलाज्यै या हेल आलद्। तलेबिस्यां चमै जोगेमिंबर
स्वर्गद्तमै स्वर्गरि खोयोन् बिलै डए आबाए उईर्न तम्। ☆

11 [तलेबिस्याँ म्हिए च्ह म्हायबै म्हिमें म्हासि जोगेमिंवर युब्
ग।]*

12 “कहेमैंइ खै इहाँमुँ? क्यु प्र मुँवै प्हाँछेंइ क्यु भ्रि म्हयास्याँ
चइ च कुच्युसे कु क्युमैं वार्थेंसि च म्हयाबै क्यु भ्रि म्हैबर खन्तोदोंन्
आह्या रो वा?

13 क्हाँसेंन ड क्हेमैने बिमुँ, चइ च म्हयाबै क्यु योंइ बिस्याँ
आम्हबै कुच्युसे कु क्युमैए ल्हागिर भन्दा च म्हयाबै क्यु योंइ बिसि
प्हाँछैँ बेल्ले सैं तोंभुँ ।

☆ 18:8 18:8 00000 0:30 ☆ 18:9 18:9 00000 0:29 ☆ 18:10 18:10 000 00:20

[illegible]

14 छलेन स्वर्गर मुँबै कहेमैंए परमेश्वर आबालाज्यै या छाबै
 डाए फिर बिश्वास लबै कोलोमैं न्होरं घि या नास आतरिगे बिबै
 सैं मुँ ।

????????? ?? ??? ???
 (???? ??:?)

15 “क्हिए अलिइ क्हिए बिरोधर तोइ आछ्याबै के लस्याँ, ओसों च डाँर ह्यासि कहेमैं इहं मत्त्रे मुँमा चइ लबै आछ्याबै केमैं उँइमिन्। धै चइ क्हिए ताँ डिंस्याँ, क्हिए अलि ह्रांसलन् तइ।☆

16 दिलेया चइ विहाए ताँ थेल् आडिंस्याँ म्हि भिदे ड्हिंदे
साक्षि ग्वाइ लबर विहने बालु बोसि चने सल्ला लद्। तलेबिस्याँ
'उजुर लस्याँ साक्षि ग्वाइ टिब्मै ड्हिंदे सोंदे चैदिम्,' बिसि ठिमर
फ्हिथेंडमँ।☆

17 अझै या चइ कहेमैए ताँ थेल् आडिंस्याँ बिश्वासीमैँ डार
ह्यासि ताँन् ताँ बिद्। धै चमैए ताँ या च अलिइ आडिंस्याँ च
परमेश्वर आम्हाँदिब्मैँ अथवा रोमी मुँए ल्हागिर बालि रेब्मैँ
धोँबन तरिगे।†

18 “क्ह्नों सेंन ड क्हेमैने बिमुँ, क्हेमैँइ पृथ्वीरि तो फैमुँ, च स्वगरै या फैब्मुँ । धै क्हेमैँइ पृथ्वीरि तो प्ल्हमुँ, च स्वगरै या प्ल्हब्मुँ । ☆

19 धबै ड कहेमैने बिमुँ, पृथ्वीरि कहेमैए न्होंरि म्हि ड्हिं क्हिसि
सैं घिलेन् प्राथना लस्याँ कहेमैड तो सै हिलेया स्वर्गर मुँबै डए
परमेश्वर आवाजी च सै कहेमै पिंभ्मँ।

20 तलेबिस्याँ खनिर म्हि इहदे सोंदे डए मिरः खागु तमुँ,
चमैँए म्हाँजोरि ड तबुँ।”

☆ 18:15 18:15 □□ □:3
☆ 18:16 18:16 □□ □:24
† 18:17 18:17

0 **0000000000** **0000000000000000** **0000** **00000** **00000000** **0000** **000000000** **00000000** **000000** **00000** **0**

ॐ नमो भगवते वासुदेवाय
✪
18:18 18:18
ॐ:१९; यह २०:२३
‡
18:20 18:20

QUESTION

॥॥॥॥॥ ॥॥॥॥॥॥॥ ॥॥॥॥॥॥॥॥ ॥॥॥॥॥॥॥

21 झाइले पत्रुस येशू डाँर खसि “गुरु, डए अलिइ डए फिर आछयाँबै के लब्रें लस्याँ कति खे समा चलाइ क्षमा पिल् त्हुम्? डिब्ले समा क्षमा पिले उ?” बिसि डचोएइ।

22 येशूजी चने बिइ, “ड किहने बिमुँ, डिखे आडिं, डिच्यु गुणा डिखे समा क्षमा पिल् त्हुम्!☆☆

23 छतसि स्वर्गबै ग्याल्स मुँ घि धोन् तब ग। च मुँइ ह्रोंसए केब्छैमैंने खीउँइले बोवै छे हिल् त्हुइ बिबै सैं लइ।

24 झाइले मुँइ हिसाब किबर होमा हजार च्यु माराए मुइ फोल् त्हुबै म्हि घि मुँ डाँर पखइ।

25 दिलेया च म्हिइ छे फोल् आखाँमा मुँइ ‘च, चए फ्हेँस्यो, च्-चमि नेरो चने मुँबै तोन्दोरि सै चुँसि डए मुइ पिन्,’ बिसि ल्हैदिइ।

26 “च केब्छैइ मुँए उँइर च्हि तुँसि यो छयुँ लसि ‘तिस्या पैमिन्, डइ किहए ताँन् छे फोस्यो,’ बिइ।

27 “छबिमा मुँइ चए फिर ल्हयो खसि ‘किहइ डने किबै छे फोल् आत्हु! मुँरिगे!’ बिसि च केब्छै ह्याल् पिंइ।

28 “दिलेया च केब्छै बैरु त्हाँह्यामा चइ ह्रोंसए चाँदिए मुइ प्र छे बोवै के लबै थु घि त्होइ। धै ‘डउँइले बोवै छे फोद्’ बिसि चए खरि कहाइ।

29 “छबिमा चए थुइ च्हि तुँसि चने यो छयुँ लसि ‘तिस्या पैमिन्, डइ किहए छे फोस्यो,’ बिइ।

30 छबिमा चइ आडिसि छे आफोन् समा चलाइ झेलर च्युवाइ।

31 “छ लब् मोंसि अरू के लब्मैए सैं बेल्ले नइ। चमैं मुँ डाँर ह्यासि ताँन् ताँ बिवाइ।

32 झाइले मुँइ च केब्छैं ह्रोंसए उँइर हुइसि बिइ, ‘ओ दुष्ट केब्छैं! किहइ डने यो छयुँ लमा ल्हयो खसि डइ किहइ किबै छे फोल् आल्हु मुँरिगे बिसि पिवाइ!

33 डइ किहए फिर ल्हयो खब् धोले किहज्यै या ह्रोंसए थुए फिर ल्हयो खल् ल्हुमल आडिं वा?’

34 झाइले मुँ बेल्ले हिस खसि ‘चइ ताँन् छे आफोन् समा दण्ड पिंभैए योर पिवाँइ।’

35 “छतसि कहेमैंज्यै ह्रोंसए अलिलाइ सैं न्होंउँइले क्षमा आपिंस्याँ, स्वर्गर मुँबै डए आबाज्यै या कहेमैं क्षमा पिंरिब् आरे।”

19

222222 222 222222 222222
(222222 22-2-22)

1 येशूजी चु ताँमैं बिल् खाँबै लिउँइ येशू गालील ह्युलउँइले यहूदीया ह्युलबैं यर्दन स्योए क्योँजा मुँबै क्त्हयोउँइ ह्याइ।

2 चर म्हिहए हुलमैं खीए लिलि ल्हैदिइ। धै खीजी चर्न नबै म्हिमैं सल् लमिंइ।

3 कोइ फरिसीमैं खी डाँर खसि खीए सैं किबर “म्हिइ तो मुँले कारणइ ह्रोंसए फ्हेंस्यो वाब तम् उ आत?” बिसि डचोएइ।

4 येशूजी बिइ, “कहेमैंइ परमेश्वए छवे आखेइमुँ वा? म्हि बनेब् ओंनोंन् परमेश्वरजी मुँयुँ नेरो च्हमिरि लमिंइ।”☆

5 छतसि ‘म्हिइ ह्रोंसए आबा आमा पिसि ह्रोंसए फ्हेंस्योनेन् किहसि चमैं इहंए ज्यु घिन् तब्मुँ।’☆

6 तारे चमैं इहं आडिं, चमैं ज्यु घिन् तब्मुँ। छतसि परमेश्वरजी त्हुंमिंभैं म्हिमैंइ फ्रेवाल् आत।”

7 फरिसीमेंइ खीने “छ बिस्याँ मोशाइ तले छले टिम पिंड
‘फ्हेंस्यो वादा इहाँबैइ पार लबै कउदा फ्हिसि वालेन् तम्’ बिसि
तले बिगे?” बिसि डचोएइ।☆

8 खीजी चमैने बिइ, “कहेमैए सैं सारो तबइले मोशाइ फ्हेंस्यो
वालेन् तम् बिसि कहेमैने बिब् ग। दिलेया परमेश्वरजी म्हि बनेबै
ह्हे ओनों छाबै छ्या आरेल।

9 ड कहेमैने बिमुँ, खाबइ ब्यभिचारए कारण बाहेक् ह्रोंसए
फ्हेंस्यो वासि अर्को ब्या लमुँ, चइ ब्यभिचार लमुँ। धै खाबइ
आगुइ वाबै फ्हेंस्योने ब्या लमुँ चज्यै या ब्यभिचार लमुँ।”☆

10 छबिमा चेलामेंइ खीने बिइ, “प्युँ नेरो फ्हेंस्योए म्हाँजोरि
छान् तम् बिस्याँ ब्या आलबन् छ्याँब तमना।”

11 येशूजी चमैने बिइ, “ब्या आललेन् तम् बिबै ताँ ताँन् म्हिइ
डिंल् खाँबै ताँ आडिं। ब्या आलल्ले टिबै ल्हागिर परमेश्वरजी
ल्होमिंल् ल्हुम्, म्हिमै ह्रोंसन् छले टिल् आखाँ।

12 तलेबिस्याँ कोइ फिब् ओनोंबै हिचड तमुँ, कोइ म्हिमैइ लबै
हिचड तमुँ। धै कोइ ‘स्वर्गबै ग्याल्सए के लबै ल्हागिरि ब्या
आललेन् तम्’ बिसि ब्या आल। छतसि ब्या आलल्ले टिल्
खाँबैइ चु ताँ डिरिगे।”

□□□□ □□□□ □□□□□□□□
(□□□□□□ □□:□□-□□; □□□□ □□:□□-□□)

13 येशूजी कोलोमें फिर यो थेंसि प्राथना लमिरिगे बिसि
म्हिमैइ कोलोमें खी डार पखल। दिलेया खीए चेलामेंइ च म्हिमै
हौदिइ।

14 दिलेया येशूजी बिइ, “कोलोमें ड डार खल् पिन्, चमै
आक्वेद्। तलेबिस्याँ स्वर्गबै ग्याल्स छाबै कोलोमेंए ल्हागिर्न
ग।”

15 झाइले खीजी कोलोमैं फिर यो थेंसि आशिक पिंबै लिउई खी छाइले ह्याइ।

□□□□□ □□□□□□□ □□□□□
(□□□□□□ □□:□□-□□; □□□□□ □□:□□-□□)

16 तिगें म्हि घि येशू डाँर खसि “ओ गुरु, डइ खोंयोइ आखाँबै छह योंबर छयाँबै के तो लल् त्हुमुँ?” बिसि डचोएमा

17 येशूजी चने बिइ, “किहइ छयाँबै केए बारेर तले डने डचोएमुँ? परमेश्वर घि मत्त्रे छयाँब मुँ। खोंयोइ आखाँबै छह योंदा इहाँस्याँ किहइ परमेश्वरजी बिबै ताँमैं डिल् त्हुम्।”

18 चइ खीने बिइ, “खैबै ताँमैं डिल् त्हुम्?”

येशूजी बिइ, “किहइ म्हि आसैद्, ब्यभिचार आलद्, आह्योद्, स्योर आतेद्।”✧

19 ह्रोंसए आबा आमाए मान लद्। ह्रोंसए इहेब्-ट्हुब्मैलाज्यै या ह्रोंसने धोंलेन् म्हाँया लद्।”✧

20 च फ्रेंसिइ खीने बिइ, “चु ताँन् ताँमैं डइ लरिइमुँ। तारे तो लल् त्हुम्?”

21 येशूजी चने बिइ, “किह क्ह्रोंसेनन्बै ठिक तदा इहाँस्याँ ह्यासि किहने मुँबै तोन्दोंरि सै न्होर चुँसि योंबै मुइ इहाँदुमैं चुमिन्। छलस्याँ किहइ स्वर्गर सै न्होर योंब्मुँ। झाइले खसि डए लिलि ल्हैदिद्।”

22 छ बिब् थेसि च फ्रेंसि सैं च्योंब् लसि एह्याइ, तलेबिस्याँ चए सै न्होर ल्हें मुँल।

23 च लिउई येशूजी खीए चेलामैने बिइ, “क्ह्रोंसेन ड क्हेमैने बिमुँ, प्लबै म्हिमैं स्वर्गबैं ग्याल्सर होंब बेल्ले गारो तब्मुँ।

✧ 19:18 19:18 □□□□ □□:१३-१६; व्य ५:१७-२० ✧ 19:19 19:19 □□□□ □□:१२; व्य ५:१६; लेवी १९:१८

24 धबै ड कहेमैंने बिमुँ, प्लबै म्हि परमेश्वरए ग्याल्सर होंब् भन्दा बरु सलु ताए मिउँईले क्युलब सजिल् तम् ।”

25 चु ताँ थेसि चेलामैं प्लेटोयासि “छ तस्याँ खाबइ मुक्ति योल् खाँमुँ?” बिसि डचोएइ ।

26 येशूजी चमैं डाँइ इह्योसि बिइ, “म्हिमैंइ लल् आखाँबै सै परमेश्वरजी लल् खाँम् ।”

27 झाइले पत्रुसइ खीने बिइ, “डिइमि तोन्दोरि सै पिसि क्हिए लिलि ल्हैदिइमुँ । डिइ तो योम् दि?”

28 येशूजी चमैंने बिइ, “क्होंसेन ड कहेमैंने बिमुँ, तारे खबै जुगरि बेल्ले मान योंबै राजगद्विर म्हिए च्ह टिब्मुँ । कहेमैं तोगो डए लिलि ल्हैदिसेरो च त्हेर कहेमैं या निसाफ लबै म्हिमैं धोले हों-होंसए च्युसे इहं गद्विर टिब्मुँ । धै इस्राएल हेंबै च्युसे इहं कुलए फिर कहेमैंइ निसाफ लब्मुँ ।”☆

29 डए ल्हागिरि होंसए धिं, आघें-अलि, अना-अडाँ, आबा-आमा, फ़से, क्त्ह्यो-न्हें वाथेंबैइ च भन्दा प्र गुणा ल्हें योंब्मुँ । धै खोंयोँइ आखाँबै छह योंबै हग या योंब्मुँ ।

30 दिलेया तोगो ओसों तब्मैं लिलि तब्मुँ, धै तोगो लिलि तब्मैं ओसों तब्मुँ ।”☆

20

?????? ?? ???? ??????????

1 “स्वर्गबै ग्याल्स म्रोंए क्त्हे घ्रि धोन् तव् ग । च क्त्हे न्हाँक्कर्न होंसए म्रोंर के लबै म्रोंमैं म्हेबर बैरु ह्याइ ।

2 चइ म्रोंमैंने तिगेंर योंबै नों सै तोक्दिसि चमैं के लबर म्रोंर कुल्मिंड ।

3 “झाइले कु ह्राबै त्हेजरे धबै बैरु ह्यामा चइ अरू म्हिमें के आरेसि छलेन् रारिब् म्रोंइ।

4 छतसि चइ चमैने बिइ, ‘कहेमैं या डए म्रोंर के लबर ह्याद्। कहेमैंइ योंल् त्हुबै नों सै डइ पिंस्यो।’

5 छबिमा चमैं के लबर म्रोंर ह्याइ।

“धबै च कल्हे च्युसे डिहं ह्राबै त्हेजरे धै सों ह्राबै त्हेजरे या बैरु ह्यासि म्हिमैंने छान् बिइ।

6 छलेन डेसबैं इह ह्राबै त्हेजरे च धबै बैरु ह्यामा अरू म्हिमें छलेन् रारिब् म्रोंइ। धै चमैंने, ‘कहेमैं त्हिंइतिमि छलेन् चुर तले रारिल?’ बिसि डचोएइ।

7 “चमैंइ बिइ, ‘खोइ, खाबज्यै या केर आल्हैदि। तो लब?’

“चइ चमैंने बिइ, ‘छ बिस्याँ कहेमैं या डए म्रोंर के लबर ह्याद्।’

8 “झाइले डेसा तमा कल्हेइ के लब्मैंए चिबने बिइ, ‘म्रोंमैं हुइसि नों सै पिन् धाँसे लिलि खब्मैंलाइ ताँन् भन्दा ओंसों पिन्, धाँसे ओंसों खब्मैंलाइ ताँन् भन्दा लिलि पिन्।’☆

9 छबिमा डेसबैं इह ह्राबै त्हेर खसि के लब्मैं खइ। चमैं ताँनइ तिगेंबैं नों सै योंइ।

10 झाइले धाँसे ओंसों के लब्मैं खइ, चमैंइ अरूइ भन्दा खेमैंइ नों सै ल्हें योंलै इहाँइ। दिलेया चमैं ताँनइ तिगेंबैं नों सै योंइ।

11 चमैंइ ह्रोंसए नों सै योंबै लिउँइ कल्हेए बिरोधर पोंबर होंइ।

12 ‘चु लिउँइ खबै म्हिमैंइ घण्टा म्नि मत्त्रे के लइ, डिइमि त्हिंइतिमि त्हियाँर सिया सियाले के लइ। दिलेया क्हिइ चमैंलाज्यै या डिंलाइ पिब् धों प्रेन् नों सै पिंइ,’ बिसि चमैंइ बिबर होंइ।

13 “दिलेया च कल्हेइ चमैं न्होंबैं म्हि म्निने बिइ, ‘ओ थु, डइ क्हिए फिर तोइ अनिया आलइमुँ। क्हिइ डने तिगेंबैं नों सैर के लम् बिसि बिब् आडिं वा?

14 किहए नों सै किसि ह्याद्। चु कहैल्ले खभैलाज्यै या किहलाइ पिंब् धों प्रेन् नों सै डइ पिंम्।

15 डए मुइ डइ तो लदा इहाँमुँ च लल् आयों रो वा? डइ ल्हयो खब् प्रोंसि किहए मि तले छब?’

16 “छलेन लिलिबै ओंसों तब्मुँ धै ओंसोंबै लिलि तब्मुँ।”☆

222222 22222222 22 22 2222 22222 2222222
(222222 22:22-22; 2222 22:22-22)

17 येशू यरूशलेमउँई ह्यारिमा च्युसे इहं चेलामैलाइ स्योले बोसि बिइ,

18 “डचो यरूशलेमउँई ह्यासिन् मुँ। तारे म्हिहए च्ह म्हिमैइ खो पिबै खेगि चिबै नेरो शास्त्रिमैए योर पिंवाब्मुँ, धै चमैइ खीलाइ सैलन् त्हुबै छ्याब् त्हादिब्मुँ।

19 झाइले खीलाइ बिल्लि लसि कोराइ प्रुसि कूसर च्योवाद् बिसि चमैइ अरू ह्नेमैए योर पिंवाब्मुँ, दिलेया सोंरोंर खी धबै सोगों तसि खब्मुँ।”

222 22222 22222222 222 2222222 222222222 22
222222 22
(2222222 22:22-22)

20 च लिउँई जब्दियाए फ्हेस्योइ ह्त्तोंसए च्ह इहं* येशू डार बोसि खीए उँईर च्ह तुँसि यो छयुँ लइ।

21 छलमा येशूजी “किहलाइ तो चैदिइ?” बिसि चने डचोएइ।

चइ बिइ, “किहए ग्याल्सर, डए च्हमै इहंर घि किहए क्योलोउँई अर्को त्हेब्रेउँई टिल् योंरिगे।”

☆ 20:16 20:16 22222 22:20; मर्क १०:३१; लूक १३:३० * 20:20 20:20 22222222
222 22222 22222 2222 22222222

22 दिलेया येशूजी चमैने बिइ, “कहेमैइ तो द्विरिइमुँ च सै कहेमैइ था आसे। तारे डइ नोबि छेवै दुःख कहेमैइ नोल् खाँम्मा?” बिमा

चमैइ “खाँम्,” बिइ।

23 छबिमा येशूजी चमैने बिइ, “डइ नोब् धों तबै दुःख कहेमैज्यै या नोब्मुँ। दिलेया डए क्योलो नेरो त्हेब्रेउँई टिल् पिंबै ताँ डए योर आरे। च क्त्ह्योमैँ डए आबाजी ओंसोन् खाब्मैँए ल्हागिर तयार लथेइमुँ चमैँए ल्हागिर्न ग।”

24 चु ताँ थेसि चेलाँमैँ च्यु च त्ये डिहंने हिस खइ।

25 छतसि येशूजी चमैँ ताँन् खी डाँर हुइसि बिइ, “चु ह्युलबैँ मुँमैँइ म्हिमैँए फिर क्त्हे लम्, धै चिबनाँब्मैँइ म्हिमैँए फिर अधिकार लम् बिब कहेमैँइ सेइमुँ।

26 दिलेया कहेमैँ न्होर बिस्याँ छ तरिब् आरे। कहेमैँए न्होरि खाब् थेब तदा इहाँमुँ, चइ च्योब् तसि कहेमैँए सेवा लल् त्हुम्।☆

27 कहेमैँए न्होरि खाब् थेब तदा इहाँमुँ च कहेमैँए केब्छैँ तल् त्हुम्।☆

28 छलेन म्हिए च्हा या अरूमैँउँइले सेवा योंबर युब आडिं, दिलेया सेवा लबर नेरो त्हेँ म्हिमैँए पापउँइले फ्रेमिंबर ह्नाँसए ज्यु पिंबर युब् ग।”

*□□□□□□ □□□□□□ □□□□□□ □□ □□□□□□□□ □□□□□□
(□□□□□□ □□:□□-□□; □□□□ □□:□□-□□)*

29 च लिउँइ खेंमैँ यरिहो बिबै सहरउँइले ह्यारिमा म्हिए हुल येशूए लिलि ल्हाइदि।

30 घ्याँए रेर टिरिबै कनमैँ डिहंइ येशू च घ्याँउँइले ह्याइनमुँ बिब् थेसि “ओ प्रभु, दाऊदए च्हा, डिए फिर ल्ह्यो लमिन् बिदै ओरइ।”

31 छबिमा म्हि हुलइ “आओरइ!” बिसि चमैं हौदिइ, दिलेया चमैं झन् सालें “ओ प्रभु, दाऊदए च्ह, डिए फिर ल्हयो लमिन्,” बिसि ओरइ।

32 छ बिब् थेमा येशू प्ररिबै तोर्न रायाइ धै चमैं हुइसि बिइ, “कहेमैं तो चैदिइ? डइ कहेमैंए ल्हागिरि तो लमिले?”

33 चमैंइ खीने “प्रभु, डिए मि म्रॉन् लमिन्,” बिइ।

34 येशूजी ल्हयो खसि चमैंए मिर छुइमिइ धै छुइबै तोदोन् चमैंए मि म्रॉल् खाँब् तयाइ धै चमैं येशूए लिलि ल्हैदिइ।

21

21:1-21:21
(21:1-21:21; 21:22-21:22; 21:23-21:23)

1 झाइले खेंमें यरूशलेमए चेंदो जैतून कोण बेथफागे बिबै नाँसर फेखमा येशूजी चेलामें डिहने छ बिसि कुल्मिइ,

2 “कहेमैं च ओसोंबै नाँसर ह्याइ। चर फेनेबै तोदोन् गधाए आमा नेरो फ्हेसे च्युँइथेंब कहेमैंइ स्याब्मुँ। चमैं पिसि ड डार पखो।

3 खाबज्यै कहेमैंने तोइ बिस्याँ, “प्रभुए ल्हागिरि चुमैं चैदिइमुँ” बिइ। छ बिबै तोदोन् च म्हिइ चमैं कुल्मिंम्मुँ।”

4 स्यांम्बै अगमबक्ताइ बिबै ताँ पूरा तबर छ तब ग।

5 “सियोनए* च्हमिने छ बिमिन्,

तारे किहए मुँ किह डार खइन मुँ,
थेब् आफ्हेन्ले गधाए फिर क्रेसि खइन मुँ,
खी गधा झजए फिर क्रेसि खइमुँ,” बिसि बिल।☆

6 चेलामें ह्यासि येशूजी बिब् धोन् लइ।

* 21:5 21:5 यरूशलेम ☆ 21:5 21:5 ॥ १

7 चमैँइ गधा नेरो गधाए झज येशू डाँर पखसि ह्नोंसए क्वेंमैं प्लिसि चमैँए फिर तिमिँइ । धै येशू चए फिर कहुँइ ।

8 खी छले खब् म्रोसि चबैँ म्हि हुलइ ह्नोंसए क्वेंमैं प्लिसि घ्याँर तिमिँइ । अरू म्हिमैँइ सिं धुँए हाँगमैं थोसि घ्याँर तिमिँइ ।

9 खीए लिलि ओसों प्रब्मैँइ छले ओरल,
“दाऊदए च्हए जय जय तरिगे!

याहवेहए मिर खबै म्हिला आशिक तरिगे!

धाँसे थेबै परमेश्वरए जय जय तरिगे!”☆

10 छले येशू यरूशलेमर फेनेमा सहर तिगोंन् खैला-बैला तइ ।
धै “चु म्हि खाब् जा?” बिसि म्हिमैँइ डचोएबर होंइ ।

11 येशूने मुँबै हुलइ बिइ, “चु गालील ह्युलबैँ नासरतउँइले खबै अगमबक्ता येशू ग ।”

□□□□ □□□□□□□□ □□□□□
(□□□□□□□ □□:□□-□□; □□□□ □□:□□-□□; □□□□□□□
□:□□-□□)

12 झाइले येशू परमेश्वरए मन्दिरर ह्यासि चर किबा-चुँब लबै म्हिमैं ताँन् बैरु ल्हामिँइ । धै मुइ त्हेब्मैँए टेबलमैं नेरो तोंगु चुँब्मैँए कहुँबै सैमैं प्लिंवाँइ ।

13 येशूजी चमैँलाइ हौदिसि बिइ, “ ‘डए धिं प्राथना लबै धिं बिब्मुं,’ बिसि परमेश्वरए छवेर फ्हिइमुँ । दिलेया क्हेमैँइमि चु ह्योमैं टिबै क्ल्ह्यो ग लना ।”☆

14 च लिउँइ कनमैं नेरो स्यालेमैं मन्दिरर खी डाँर खइ, धै खीजी चमैं सल् लमिँइ ।

15 झाइले खो पिंबै खेगि चिब्मैं नेरो शास्त्रिमैँइ येशूजी लबै औदिबै केमैं म्रोंइ, धै “दाऊदए च्हए जय जय तरिगे!” बिसि

कोलोमैँइ मन्दिरर ओररिब् चमैँइ थेइ । छतमा चमैँ बेल्ले हिस खसि

16 “चु कोलोमैँइ बिरिबै ताँ किहइ थेइमुँ वा?” बिसि येशूने डचोएइ ।

येशूजी बिइ, “थेइमुँ, तले आथेब !

‘च्योँबै कोलोमैँ नेरो ओलाँ कोलोमैँ सुँउँले या

परमेश्वरजी खीए मिं क्वेबर ल्हैदिइमुँ,’ बिसि परमेश्वरए

छवेर फ्हिबै ताँ कहेमैँइ खोँयोँइ आखेइमुँ वा?”☆

17 च्हौ बिसि चमैँलाइ वाथेंसि खी सहरउँले त्होंसि बेथानियार ह्यासि चर्न बास टिइ ।

२१२१२१२२ २२ २१२१२२ २१२१२२ २१२१२१२२ २१२१२ २१२१२
(२१२१२१२२ २१२:२१२-२१२, २१२-२१२)

18 ढ्हँन्हाँगधों न्होंक्कर्न सहरउँइ एखमा येशू फो खेंइ ।

19 च्याँए रेर खीजी तुँबुए धुँ त्रि म्रोसि च धुँए डार खमा च धुँर फ्हो मत्त्रे म्रोइ रो आयोँ । छतमा खीजी च धुँने बिइ, “तारे पिरु किहने खोँयोँइ रोमैँ आरोरिगे ।” छ बिबै तोदोन् च धुँ डचोँलोँयाइ ।

20 छाब् म्रोसि चेलामैँ प्लेटोयासि “च्हौ युनन् चु तुँबुए धुँ खैले डचोँलोँयागे?” बिइ ।

21 येशूजी चमैँने बिइ, “क्ह्त्रोंसेन ड कहेमैँने बिमुँ, कहेमैँइ तोइ संका आलनाले क्वेंस्याँ चु तुँबुए धुँलाइ डइ लब् धोले कहेमैँज्यै ललु खौम् । च्हौ मत्त्रे आडिं, कहेमैँइ चु कोलाज्यै या स्युसि मा डचुँइर तेयाद् बिलेया छान् तब्मुँ ।”☆

22 कहेमैँइ परमेश्वरए फिर बिश्वास लसि प्राथनानर तो सै हिलेया योँब्मुँ ।”

२१२१२१२ २१२२ २१२१२२ २१२
(२१२१२१२२ २१२:२१२-२१२, २१२१२२ २१२:१-१)

23 च लिउँइ येशू मन्दिरर ह्यासि ताँमें लोमिंवर होमा खो पिंबै खेगि चिबै नरो यहूदी चिबनाँबै खी डार खसि “क्हिइ खाबै हगउँइले चु केमैं लल? खाबइ चु केमैं लबै हग पिंइ?” बिसि डचोएइ।

24 येशूजी चमैंने बिइ, “डज्यैया ओंसों कहेमैंने ताँ घि डचोएम्। कहेमैं ज्वाफ पिंइबिस्याँ, खाबइ हग पिंसि डइ चु के लम् बिसि कहेमैंने बिस्यो।

25 लु बित्ति! यूहन्नाइ बप्तिस्मा पिंबै हग खनिउँइले योंइ? परमेश्वरउँइले योंइ उ म्हिमैंउँइले योंइ?”

छबिमा चमैं ह्रों-ह्रोंसन्, “स्वर्गउँइले बिले बिस्याँ छ बिस्याँ यूहन्नाइ बिबै ताँ कहेमैंइ तले आक्वेल?” बिसि चइ बिब्मु बिदै छलफल लबर होइ।

26 दिलेया ‘म्हिमैंउँइले’ बिले बिस्याँ म्हिमैंइ तोइ लम् उ बिसि इहंल् त्हुइमु। तलेबिस्याँ यूहन्ना अगमबक्ता ग बिसि ताँन् म्हिमैंइ म्हाँदिम्।”

27 छतमा चमैंइ येशूने “तुसि, खनिउँइले योंगे डिइ आसे,” बिइ।

छबिमा येशूजी चमैंने बिइ, “छ बिस्याँ डज्यै या खनिउँइले चु केमैं लबै हग योंइ बिसि कहेमैंने आबि।”

□□□ □□□□□□ □□□□□

28 येशूजी चमैंने धबै बिइ, “चु ताँए बारेर कहेमैं खै इहाँम्? म्हि घिला च् इहं मुँल। आबा च् थेब डार ह्यासि ‘ओ ठागु, तिंयाँ क्हि म्रोर ह्यासि के लद्,’ बिमा

29 ठागुइ ‘ड आह्या,’ बिइ। दिलेया लिउँइ चए सैं एसि म्रोर के लबर ह्याइ।

30 “आबाइ च् च्योंब्ने या छान् बिइ। च्योंबइ ‘तम् तम्, ड ह्यास्यो,’ बिइ दिलेया च आह्या।

31 “चु च्ह डिहंर आवाइ बिबै ताँ खाबइ डिंड? ठागुइ उ च्योंबइ?”

चमैइ “ठागुइ,” बिइ।

झाइले येशूजी चमैने बिइ, “क्ह्नोंसेन ड कहेमैने बिमुँ, रोमी मुँए ल्हागिर बालि रेब्मै नेरो फ्यालुस्यो के लब्मै कहेमै भन्दा ओंसां परमेश्वरए ग्याल्सर होंब्मुँ।

32 तलेबिस्याँ यूहन्ना छ्याँबै घ्याँ उँडंबर कहेमै डाँर युँड, दिलेया कहेमैइ चए फिर बिश्वास आल। दिलेया रोमी मुँए ल्हागिर बालि रेब्मै नेरो फ्यालुस्योमैइ चए फिर बिश्वास लइ। चु मोँसेया कहेमैइ पापउँडैले सैं आए, धै चए फिर बिश्वास आल।”☆

०००००० ०००००० ०००० ००० ००००००० ०००००
(००००००० ००:०-००; ०००० ००:०-००)

33 येशूजी चमैने बिइ, “धबै अकों ताँ थेद। म्हि घ्निइ अँगुरए खेति लसि कारग्युले बार थोइ। अँगुर म्हाबै कोल नेरो अँगुर रूँबे ल्हागिर म्हि टिबै कल्ह्यो या बनेइ। झाइले च मोँ आधे पिथेंसि च हेंगोर्बै ह्युलउँडै ह्याइ।”☆

34 “लिउँडै अँगुर खुबै त्हे तमा चइ के लबै म्हिमै ह्नांसए भाउ किंबर आधे लब्मै डाँर कुल्मिंड।

35 दिलेया च आधे लब्मैइ च के लबै म्हिमै क्हासि घ्निलाइ धोइ, घ्नि सैवाइ, धै अकोलाइ युँमाइ ल्हिइ।

36 धबै च मोँए कल्हेइ ओंसाँबै भन्दा त्हेँ के लबै म्हिमै कुल्मिंड। दिलेया च आधे लब्मैइ ओंसाँ खब्मैए फिर खै लल छान् लइ।

37 “लिउँडै च मोँए कल्हेइ ‘डए च्हलाइमि मान ललै’ इहाँसि खीए च्ह चमै डाँर कुल्मिंड।

38 दिलेया च आधे लब्मैइ क्त्हेए च्छ खरिब् म्रोमा झन्, चम् हग योल् त्हुबै च्छ ग । चलाज्यै या सैवाले! चलाइ सैवास्याँ चए ताँन् सै न्होर ड्योलन् तब्मुँ, बिसि मत लइ ।

39 झाइले चमैइ चलाज्यै या कहासि म्रोउँइले बैरु बोसि सैवाइ ।

40 “छतमा तारे च म्रोए क्त्हे खसि आधे लब्मैलाइ तो ललै?”

41 चमैइ खीने बिइ, “क्त्हे खसि च दुष्ट म्हिमै सैवाब्मुँ । धै रा-रोमै खुबै त्हेर ह्त्तोंसइ योल् त्हुबै भाउ पिंबै म्हिमैनेन् आधे पिंब्मुँ ।”

42 येशूजी चमैने बिइ, “परमेश्वरए छवेर प्छिबै चु ताँ क्हेमैइ आखेइमुँ वा?

धिं लब्मैइ केर आफे बिसि भ्योंवाबै युँमान्
धाँसे तेँबै क युँमा तइमुँ ।

चु परमेश्वरउँइले तब् ग ।

ड्योए उँइर चु के आचम्मबै मुँ ।[☆]

43 छतसि ड क्हेमैने बिमुँ, परमेश्वरए ग्याल्सर टिबै हग तारे परमेश्वरजी क्हेमैउँइले प्हेंसि रोमै रोल् खाँबै अरू ह्त्तेंलाइ पिंब्मुँ ।”

44 [चु युँमाए फिर क्हुरिह्याब्मै नास तयाब्मुँ, धै खाबै फिर च युँमा तेयामुँ चलाइ प्लेवाब्मुँ ।]^{†☆}

45 खो पिंबै खेगि चिब्मै नेरो फरिसीमैइ खीजी बिबै अहान् थेसि “खीजी चु अहान् ड्योए बारेन् बिब् ग,” बिसि चमैइ क्होइ ।

46 छतसि चमैइ येशूलाइ कहाल् म्हेइ, दिलेया चमै म्हिए हुल म्रोसि डिह्इ । तलेबिस्याँ म्हिमैइ “येशू अगमबक्ता ग,” बिसि मैमल ।

☆ 21:42 21:42 ॐ ॐॐ:२२-२३ † 21:44 21:44 ॐ ॐॐॐॐ ॐॐ ...
[२१:२१:२१:२१:२१:२१] ॐ ॐ-कोइ ताँ ओसोंबै छवेर ओरेल । ☆ 21:44 21:44 ॐॐ
ॐ:३४-३५, ४४-४५

22

०००००० ०००००००० ००००००
(०००० ००:००-००)

- 1 येशूजी धबै चमैने अहानउँडले ताँ बिइ।
- 2 “स्वर्गबै ग्याल्स मुँ घिने चैल् खाँम्। चइ ह्रोंसए च्हाए ब्ह्यार थेबै भत्यार लइ।
- 3 झाइले मुँइ भत्यारर न्हिम्तो पिंवर चए के लबै म्हिमें कुल्मिंड। दिलेया न्हिम्तो लब्मै खल् आडिं।
- 4 “धै मुँइ छोबै खसिमैं नेरो मगिमैं सैसि भत्यार लइमुँ। तारे ब्ह्याए भत्यार चबर खो बिद् बिसि मुँइ अरू के लबै म्हिमें न्हिम्तो लब्मै डाँर धबै कुल्मिंड।
- 5 दिलेया च न्हिम्तो लबै म्हिमें थेबै न्हइ आलल्ले घि ह्रोंसए मोँउँइ ह्याइ, अकोँ छों लबर ह्याइ।
- 6 अरूमैँइ च न्हिम्तो पिंवर ह्याब्मैलाइन कहासि खैच्छिजिले धोंसि सैवाइ।
- 7 छुतमा च मुँ बेल्ले ह्रिस खसि ह्रोंसए सिपाइमैं कुल्मिसि च म्हि सैमैं सैवाइ, धै चमैँए सहरर मिसा झाँवाइ।
- 8 “च लिउँइ मुँइ ह्रोंसए के लबै म्हिमेंने बिइ, ‘ब्ह्याए भत्यार तयार मुँ, दिलेया डइ न्हिम्तो लबै म्हिमें बिस्याँ भत्यार चबै लायकबै आरेना।
- 9 छुतसि क्हेमैं घ्याँजरे ह्यासि क्हेमैंने त्होब्मै ताँनलाइ भत्यार चबर हुइद्।’
- 10 मुँइ छुबिमा के लबै म्हिमें घ्याँजरे ह्यासि चमैंने त्होब तब-आतब ताँन म्हिमें खागु लसि भत्यारर पखइ। धै ब्ह्या लबै धिं प्हेँमैँइ प्लिंड।
- 11 “मुँइ ब्ह्यार खबै प्हेँमैं इह्योबर न्होंर खमा, ब्ह्यार खिल् त्हुबै क्वे आखिल्ले खबै म्हि घि चइ मोँइ।
- 12 मुँइ चने ‘ओ थु, किह ब्ह्यार खिल् त्हुबै क्वे आखिल्ले खैले न्होंर खल?’ बिसि डच्योएमा चइ तोइ बिल् आखाँल।

13 झाइले मुँइ ह्रोंसए के लबै म्हिमैने बिइ, ‘चए यो फ़ले फैसि बैरु मिछ्छु खैबै क्ल्ह्योर भ्योंवाँन्, चर म्हिमै क्रोसि स ह्वाब्बुं।’☆

14 “तलेबिस्याँ हुइब्बै ल्हें मुँ, त्हाँब्बै बिस्याँ च्युगुदे मत्त्रे मुँ।”☆

□□□□ □□□□ □□□□□□□□ □□□
(□□□□□□ □□:□□-□□; □□□□ □□:□□-□□)

15 चु ताँ थेसि फरिसीमैँइ येशूजी पोबै ताँउँइलेन् खीलाइ खैले डोर फेल लब् डहे बिसि मत लइ।

16 छतसि फरिसीमैँइ ह्रोंसए चेलामैँ हेरोद मुँए टोलिबैँ म्हिमैने येशू डाँर कुलइ। चमैँ ह्यासि खीने बिइ, “ओ गुरु, किहजी क्ह्नोंसेन्बै ताँ पोमुँ, धै म्हिमैलाइ परमेश्वरए क्ह्नोंसेन्बै घ्यार छेनाले प्रबर लोमिंम् बिब डिइ सेइमुँ। किह खाब् म्रोसेया आडिंहं, तलेबिस्याँ किहजी म्हि इह्योसि के आल।

17 छतसि रोमी मुँलाइ बालि फोब तम् उ आत?* डिने बिमिन्।”

18 दिलेया येशूजी चमैँए सैँबै आछ्याँबै ताँ सेसि चमैँने बिइ, “ओ फिब्लो पार्दिब्बै, क्हेमैँइ तले डए जाँच लल् म्हैल?

19 खोइ, च बालि फोबै मुइ डने उँइन्दि।”

बिमा चमैँइ मुइ त्रि पखसि येशूने पिंइ।

20 खीजी चमैँने “चु मुइबैँ छाप नेरो मिं खाबल् जा?” बिसि डचोएमा

21 चमैँइ खीने “चु कैसर मुँल् ग,” बिइ।

☆ 22:13 22:13 □□□□ □:१२; २५:३०; लूक १३:२८ ☆ 22:14 22:14 □ □□ □:३

* 22:17 22:17 □□□□ □□□□□□□□ □□□□ □□□ □ □□? □□□□□ □□□□□□ □□□□ □□ □□□□: येशूजी “बालि फोब तम्” बिस्याँ खीए यहूदी ह्रेंमैँए सें नसि खीए लिलि आप्रमल। दिलेया येशूजी “फोब आत” बिस्याँ रोमी मुँ मान आलब् उँइमल, धै रोमी पुलिसमैँइ खी क्हासि झेलर च्युवामल।

येशूजी चमैने बिइ, “छतसि कैसरलाइ पिल् त्हुबै सै कैसरलाइन पिन्, धै परमेश्वरलाइ पिल् त्हुबै सै परमेश्वरलाइन पिन्।”

22 चु ताँ थेसि चमै प्लेटोयाइ, धै खीलाइ वाथेंसि छ्युडिह्याइ।

२२२२ २२२ २२२२२ २२२ २२२
(२२२२२२ २२:२२-२२; २२२२ २२:२२-२२)

23 म्हि सिसि धवै सोगों आत बिबै सदुकीमैं च त्हिंइर्न येशू डाँर खसि खीने बिइ,✧

24 “ओ गुरु, खाब् मुँले म्हि फ्हेसे आफिन्ले सियास्याँ चए अलिइ चों बोसि आघेए ल्हागिरि सन्तान योंमिरिगे बिसि मोशाइ बिल।✧

25 डिला त्येमैं डिउँलो मुँल। ठागुइ ब्या लइ, दिलेया फ्हेसे आफिन्ले सियाइ। छतसि चइ अलिए ल्हागिरि होंसए फ्हेँस्यो वाथेंइ ह्याइ।

26 छलेन म्हेला नेरो साँइलाज्यै छान् लइ। लिउँइ च डिउँलोन् छलेन् फ्हेसे आफिन्लेन् सियाइ।

27 चमैं ताँन सिबै लिउँइ च च्मिरि या सियाइ।

28 छतसि सिबै म्हिमैं धवै सोगों तमा च त्येमैं डिउँलो न्होरि च च्मिरि खाबै फ्हेँस्यो तलै? तलेबिस्याँ च ताँनए फ्हेँस्यो तल् खाल।”

29 येशूजी चमैने बिइ, “क्हेमैंइ ताँ आक्होइमुँ, तलेबिस्याँ परमेश्वराए छवे नेरो परमेश्वराए शक्ति खैब तम् बिसि क्हेमैंइ आसेइमुँ।

30 तलेबिस्याँ सिबै म्हिमैं धवै सोगों तबै लिउँइ चमैं स्वर्गबै स्वर्गदूतमैं धोन् तब्मुँ। छतसि म्हिमैंइ ब्या आल ब्या या आलमिं।

31 सिबै म्हिमें धबै सोगों तबै बारेर परमेश्वरजी कहेमैने तो बिइमुँ, च कहेमैइ आखेइमुँ वा?

32 ‘ड अब्राहाम, इसहाक नेरो याकूबए परमेश्वर ग ।’ परमेश्वर सियाबै म्हिमेंए परमेश्वर आडिं, सोगोंमैए परमेश्वर ग ।”†☆

33 छले खीजी लोमिंबै ताँमै थेसि चबै म्हिए हुल प्लेटोयाइ ।

ॐॐॐॐ ॐॐॐॐ ॐॐॐॐॐॐ ॐॐॐॐॐॐ ॐॐॐॐ ॐॐॐॐ
(ॐॐॐॐॐॐ ॐॐ:ॐॐ-ॐॐ; ॐॐॐॐ ॐॐ:ॐॐ-ॐॐ)

34 येशूजी सदुकीमैलाइ तोइ ज्वाफ पिंल् आखाँब् लवाइ रो बिब् थेसि फरिसीमै येशू डार खइ ।

35 चमै न्होर्बै परमेश्वरए छवेर्बै ताँ लोमिंबै म्हि छिइ खीए जाँच लबै सैले खीने ड्योएइ,☆

36 “ओ गुरु, परमेश्वरए छवेर मुँबै ताँमै न्होर आलसि आतबै ताँन् भन्दा थेबै ताँ तो जा?”

37 खीजी चमैने बिइ, “ किहइ ह्रोंसए याहवेह परमेश्वरलाइ ह्रोंसए खों न्होइले, सैं न्होइले, ह्रोंसए ज्युइ खाँब्दे म्हाँया लल् तुम् ।”☆

38 आलसि आतबै धाँसे ओंसोंबै थेबै ताँ चुन् ग ।

39 आलसि आतबै अकों थेबै ताँ या छाबन् मुँ, किहइ ह्रोंसए इहेब्-टहुब्मैलाज्यै या ह्रोंसने धोले म्हाँया लद् ।”☆

40 मोशाइ फ्ह्रिबै ठिम नेरो अगमबक्तामैइ लोमिंल् म्हेबै ताँमै चु डिहंन् ग ।”

ॐॐॐॐॐॐॐ ॐॐॐॐ ॐॐॐॐ?
(ॐॐॐॐॐॐॐ ॐॐ:ॐॐ-ॐॐ; ॐॐॐॐ ॐॐ:ॐॐ-ॐॐ)

41 झाइले फरिसीमै खागु तमा येशूजी चमैने ड्योएइ,

† 22:32 22:32 ॐॐॐॐॐॐ ॐॐॐॐॐॐ ॐॐ ॐॐॐॐ ॐॐ ॐॐ ॐॐॐॐ ॐॐॐॐॐॐॐॐॐॐ ॐॐॐॐॐॐॐॐ

ॐॐॐ ॐॐॐ ॐॐॐॐॐ ॐॐ ॐॐॐ ॐॐ ॐॐॐॐ ॐॐॐॐॐॐ ॐॐॐॐॐॐ ☆ 22:32 22:32 ॐॐॐ ॐ:६

☆ 22:35 22:35 ॐॐ ॐ:२५-२८ ☆ 22:37 22:37 ॐॐ ॐ:५ ☆ 22:39 22:39

ॐॐॐ ॐ:१८

5 दिलेया चमैइ ह्लोसइ लवै केमै म्हिमैइ म्गोरिंगे बिसि उँइम् ।
 डि धर्मि ग बिसि उँइवै ल्हागिर चमैइ ठिमवै ताँमै थैव बट्टामै थै-
 थेब लसि इहो नेरो यो पाखार खिम्, छलेन ह्लोसइ खिवै क्वेर
 ह्मिंगयो ह्मिंगयो झम्कामै च्योसि खिम् ।☆

६ भत्यारजरे ह्यामा चमैइ धाँसे मान योंबै कल्हयो म्हैमुं। धै
चिब फ़ैसि च्हां धिर ओंसांबै कल्ह्योजरे टिदा ड्हांम।

7 बजारजरे स्युरवर ह्यामा म्हिमैइ खेमै मान लसि 'गुरु' विसि
म्हांदिरिगे ड्हांम ।

8 “दिलेया खाबज्यै या कहेमैने ‘गुरु’ आबिरिगे, तलेबिस्याँ कहेमैलाइ लोमिंबै गुरु घि मत्त्रे मुँ, छतसि कहेमै ताँन् आधे-अलिमै ग।

9 कहेमैंइ चु पृथ्वीरि खाबलाज्यै या आबा आबिद्,* तलेबिस्याँ
कहेमैंल घि मत्त्रे आबा स्वर्गर मुँ।

10 छलेन खाबज्यै कहेमैने 'क्त्हे' आबिरिगे, तलेबिस्याँ कहेमैए
घि मत्त्रे क्त्हे परमेश्वरजी कल्मिंबै मूँ खीष्ट ग।

11 कहेमैं न्होरि धाँसे थेबै म्हिइ कहेमैंए सेवा लल् त्हुम्। ☆

12 ह्रांसइन ह्रांस थेब लवै म्हि परमेश्वरजी च्यांव लवाब्मू। धै
ह्रांसइन ह्रांस च्यांव लवै म्हि परमेश्वरजी थेब लमिंम्मा। ☆

(XXXXXXXX XX:XX; XXXX XX:XX-XX,XX,XX; XX:XX)

13 “धिक्कार मुँ, शास्त्रिमें नेरो फरिसीमें, कहेमें फिब्लो पादिब्में! स्वर्गबैं ग्याल्सर हॉल् म्हैबैं म्हिमेंलाइ कहेमेंइ म्रा तोरवाम्। कहेमें ह्नांसै या आहों, हॉल् म्हैब्मेंलाज्यै या हॉल् आपि।

☆ 23:5 23:5 ॥॥॥॥ 6:1; व्य 6:8; गन्ती 15:38 * 23:9 23:9 ॥॥॥॥॥॥॥ ॥

ॐ ॐ ॐ, द्रोंस सैन फेबे आबामें बाहेक, अरू म्हिमें मान लबर आबा आबिद ।

☆ 23:11 23:11 ॐॐॐॐ ॐ:२६-२७; मर्क १:३५; १०:४३; लूक २२:२६ ☆ 23:12

23:12 000 00:29; 25:28

23 “धिक्कार मुँ, शास्त्रिमें नेरो फरिसीमें कहेमें फिब्लो पादिब्मै! कहेमेंइ पतिना, सुँप नेरो जीराला च्युबाँरि तिबाँ परमेश्वराए मिर पिंम्। दिलेया कहेमेंइ छेनाले निसाफ आल, आगुए फिर ल्हयो आख धै भर लल् खाबै के या आल। चु ताँमें परमेश्वराए ठिमबै आलसि आतबै थेबै ताँमें ग। कहेमेंइ च्युबाँरै तिबाँ पिंबै के लल् त्हुमल, छलेन चु मुख्य ताँमें या डिल् त्हुमल।☆

24 ओ कन अगुवामें, कहेमेंइ मोसोम् (भुसुना) चिसि द्हुइमुँ, दिलेया सलु बिस्याँ क्त्ह्योवाम्!

25 “धिक्कार मुँ, शास्त्रिमें नेरो फरिसीमें कहेमें फिब्लो पादिब्मै! कहेमेंइ थलि नेरो फेलाए बैरु म्यासि खुमुँ, दिलेया थलि नेरो फेलाए न्होरऽ बिस्याँ लुडिइ पखबै सैमेंइ प्लिंमुँ।

26 ओ कन फरिसीमें, ओसों थलि नेरो फेलाए न्होँउँइ म्यासि खुद, छलस्याँ बैरु या छ्याब तब्मुँ।*

27 “धिक्कार मुँ, शास्त्रिमें नेरो फरिसीमें कहेमें फिब्लो पादिब्मै! कहेमें चुनइ स्यालबै छगों धों तब मुँ। च छगों बैरुउँइले इह्योमा छ्याँब म्रोंम्, दिलेया न्होर सिबै म्हिण् ह्निब नेरो क्राँरिबै से मत्त्रे तम्।☆

28 छलेन कहेमें या बैरुउँइले म्हिमेंए उँइरि छ्याँबै खों मुँब् धों ब्योब् म्रोंम्, दिलेया सै न्होर बिस्याँ आछ्याँब सैमेंइ प्लिंइमुँ।

222222 222222222222 2222 2222222222 2222
2222 222222 2222
(2222 22:22-22)

29 “धिक्कार मुँ, शास्त्रिमें नेरो फरिसीमें, कहेमें फिब्लो पादिब्मै! तलेबिस्याँ कहेमेंइ अगमबक्तामेंए ल्हागिर छ्याँबै

☆ 23:23 23:23 2222 22:३० § 23:25 23:25 2222 22222222 222222 22222222

222222 222222 22, सैर बिस्याँ आछ्याँबै ताँ मैव। *

23:26 23:26 222222 2222 222222 22222222 222222

22 2222222222 222 222, “सै न्होँबै ताँ छ्याँब लद, धै म्रोंल् खाँबे वानि छ्याँब तब्मुँ।”

☆ 23:27 23:27 22222222 22:३

38 छतसि इह्योत्ति, कहेमैए धिं तोइ आचैन् तयाइमुं।☆

39 तलेबिस्याँ ड कहेमैने बिमुं, 'याहवेहए मिरि खबै मुँ बेल्ले इहो सब् ग' आबिन् समा कहेमैइ डलाइ म्रोरिब आरे।"☆

24

222222 222222222222 222222 222 222
2222222 222222 222

(222222 22:2-2; 2222 22:2-2)

1 च लिउँइ येशू क्वै धिउँइले त्होंसि ह्याबि छेमा खीए चेलामैं खीने मन्दिरए धिमैं उँइब् बिसि खीए डार खइ।

2 खीजी चमैने बिइ, "कहेमैइ चु तौन् धिमैं म्रोंइ, आडि वा? क्होंसेन् ड कहेमैने बिमुं, फ़ँना लिउँइ चु मन्दिरबै युँमा ग्निए फिर अर्को युँमा तरिब आरे। तौन् फुवासि भ्योवाब्मुं।"

2222 222222 2222 222

(2222222 22:2-22; 2222 22:2-22)

3 येशू जैतून बिबै कोर क्हुँरिमा खीए चेलामैं खाबज्यै आसेल्ले खी डार खसि खीने डचोएइ, "छाबै त्हे खोंयो तम्? धै किह एयुबै त्हे नेरो चु ह्युल नास तमा खैबै चिनुमैं तमुँ?"

4 येशूजी चमैने बिइ, "खाबज्यै कहेमैए सैं डिहरि आलरिगे बिसि न्हक्रो मिक्कोले टिद्।

5 तलेबिस्याँ त्हें म्हिमैं डए मिरि 'ड परमेश्वरजी कुलबै मुँ खीष्ट ग' बिसि कहेमैं डार खब्मुं, धै त्हें म्हिमैं खेमैं डाँइ लवाब्मुं।

6 लडे तइ बिबै नेरो लडे तबै हल्लामैं कहेमैइ थेब्मुं। दिलेया कहेमैं आडिहन्, छाबै लडे तलन् त्हुम्। छान् तलेया च त्हेर्न ह्युल नास तरिब आरे।

7 तलेबिस्याँ हेंए बिरोधर हें राब्मुँ ग्याल्सए बिरोधर ग्याल्स राब्मुँ, धै क्तह्यो-क्तह्योरि अँङ्गल तब्मुँ, सयो खब्मुँ।

8 दिलेया चु ताँन् सैमैं सुत्केरि बेथा ल्हैदिबि छेब् धों तब् मत्त्रे ग।

9 “च त्हेर म्हिमैंइ कहेमैं दुःख योरिगे बिसि क्हासि दुष्टमैंए योर पिंवाब्मुँ, धै चमैंइ कहेमैं सैवाब्मुँ। कहेमैंइ डए ताँ क्वेंइ बिसि ताँन् म्हिमैंइ कहेमैंलाइ हेल लब्मुँ।☆

10 छतमा ल्हें म्हिमैंइ डए फिर बिश्वास लब पिंवाब्मुँ। चमैंइ खें-खेंमैंए न्होंन भ्रिइ-भ्रिए फिर धोका पिंसि क्हाल् पिंब्मुँ, धै हेल लुब्मुँ।

11 ल्हें म्हिमैं ‘ड अगमबक्ता ग’ बिसि स्योर तेसि खब्मुँ, धै ल्हें म्हि खेंमैं डौंइ लवाब्मुँ।

12 खन्तोदोंन् आछ्याँबै के लब्मैं ल्हें ततै ह्याबइले म्हिमैंए न्होंरि म्हाँया म्हायाब्मुँ।

13 दिलेया लिउँइ समा खीए फिर बिश्वास लसि टिब्मैंलाइ परमेश्वरजी जोगेमिंब्मुँ।☆

14 झाइले स्वर्ग ग्याल्सबैं सैं तोबै ताँ ताँन् ह्युलबैं हेंमैंए ल्हागिरि ग्वाइ तरिगे बिसि बिमिंब्मुँ, च लिउँइ चु ह्युल नास तयाब्मुँ।

15 “झाइले स्योम्बै अगमबक्ता दानिएलइ बिब् धोंले नास लबै छेरान्दे व्योंबै सै पबित्र क्तह्योर कहेमैंइ म्गोंम्मुँ। (म्हिइ चु ताँ खेसि क्होरिगे।)☆

16 छ तब् म्गोंबै तोदोंन् यहूदीयार मुँब्मैं कोउँइ भौदिरिगे।

17 कौसिर मुँब्मैं धिं न्होंर मुँबै सैमैं द्हुइब् बिसि क्युरु आतरिगे।☆

18 म्गोंर के लब्मैं धिर मुँबै क्वें किनिले बिसि धिंउँइ आह्यारिगे।

19 ओंछे,मैं! च त्हेर फ़से नोबै च्हमिरिमैं नेरो इहे तिबै आमामैं बेल्ले दुःख तब्भुं।

20 छतसि सखर नेरो प्रिबै त्हिंइर कहेमैं भौदिल् आत्हुरिगे बिसि परमेश्वरने प्राथना लद्।

21 तलेबिस्याँ च त्हेर बेल्ले थेबै दुःख तब्भुं। च धों तबै दुःख ह्युलए ओंसों ओनों तियाँ समा खोंयोइ आतइमुँ, धै लिउँज्यै या छाबै दुःख खोंयोइ तरिब् आरे।*

22 दिलेया च दुःखए त्हिंइ परमेश्वरजी आघटिमिस्याँ खाबै या सोल् आखाँमल। छतसि परमेश्वरजी खीजी त्हाँबै म्हिमैं सोरिगे बिसि च त्हिंइ घटिमिंभुँ।

23 “खाबज्यै कहेमैंने ‘इहयोद्, परमेश्वरजी कुल्मिंबै मुँ खीष्ट चुर मुँ,’ ‘चर मुँ,’ बिइ बिस्याँ कहेमैंइ आक्वेन्।

24 तलेबिस्याँ ‘ड परमेश्वरजी कुल्मिंबै मुँ खीष्ट ग’ बिसि स्योर तेब्में खब्भुँ। चमैंइ थे-थेबै चिनुमैं नेरो प्लेटोयान् तबै केमैं लसि उँइब्भुँ, धै परमेश्वरजी त्हाँबै म्हिमैं खेंमें डाँइ बोल् म्हैब्भुँ।

25 छतसि छेनाले मैन्! डइ चु ताँ कहेमैंने ओंसोंन् बिमिंइमुँ।

26 “चमैंइ कहेमैंने ‘प्रभु क्यु आयोंबै क्त्ह्योर मुँ!’ बिस्याँ कहेमैं बैरु त्हाँसि आह्याद्। ‘प्रभु धिं न्होंर मुँ’ बिलेया कहेमैंइ आक्वेन्।

27 तलेबिस्याँ स्यारउँइले (पूर्वउँइले) काम्लि-तिम्लि रामा न्हुउँइ (पश्चिम) समा चारब् धोले म्हिए च्ह ताँनइ म्रॉन्ले युब्भुँ।*

28 “सिनु मुँबै क्त्ह्योर क्वेमैं खागु तम्।”*

“ॐॐॐॐ ॐॐॐ” ॐॐॐ
(ॐॐॐॐॐॐ ॐॐ:ॐॐ-ॐॐ; ॐॐॐॐ ॐॐ:ॐॐ-ॐॐ)

☆ 24:21 24:21 ॐॐ ॐॐ:१; दर्शन ७:१४

☆ 24:27 24:26-27 ॐॐ ॐॐ:२३-२४

☆ 24:28 24:28 ॐॐ ॐॐ:३७

29 “च दुःख तवै त्हिइ खाँवै तोदोन् त्हिंयाँ मिछु खैयाब्मुँ, लयाँ या चाररिब् आरे, धै मुसारमै या मुउँइले तेयाब्मुँ। छले मुर मुँवै सैमै ताँन् लायाब्मुँ।✧

30 च लिउँइँ मुर म्हिमैइँ म्हिए च्हे चिनु प्रोब्भुँ। धै म्हिए च्हे मुउँइँले थेबै शक्ति नेरो म्हारल्ले न्हाँम्स्योर युखिब म्हिमैइँ प्रोब्भुँ। च त्हेर ताँन् हें-हेंबै म्हिमैँ बेल्ले न्हाँ लसि क्रोब म्होब तब्भुँ।*

31 झाइले थेबै कैलै थुतुरि ह्रासि खीजी ह्रांसए स्वर्गदूतमैं कुल्मिंभ्मुं । धै खीजी त्हांबै म्हिमैं मुर्वै छेउ घ्रिउंईले अर्को छेउ समा ह्युलबैं तांन् कल्ह्योउंईले स्वर्गदूतमैंइ खी डाँर खागु लभ्मुं ।”

(22222 222222222 2222222 222
 (2222222 22:22-22; 2222 22:22-22)

32 “तुँवु धुँउँइले लोद् । च धुँए हाँगमैं कलिलो तसि पिंग्या प्होमैं
पलिदिमा बरख ल्हैदिना बिसि कहेमैंइ सेमुँ ।

33 छलेन चु ताँन् ताँमें तब् भ्रोंमा खी युबै त्हे तबि छेना बिसि
व्हेमैंइ सेल् खाँम् ।

34 क्होंसेंन डः क्हमैने बिमुँ, चु ताँमै ताँन् पूरा आतन् समा चु
पुस्ता म्हरिब आरे।

35 स्वर्ग नेरो पृथ्वी म्हयाभुं, दिलेया डइ बिबै ताँ खोंयोंइ या म्हरिब आरे।”

(2222222 2222 2222222 22222222 22 222)
 (2222222 22:22-22; 2222 22:22-22, 22-22)

36 “च दुःख तवै त्हिंइ नेरो त्हे खोंयो तब्भुं विसि खावज्जै था
आसे। स्वर्गर मुँवै स्वर्गदूतमैज्जै आसे, परमेश्वरए च्छज्जै या
आसे। च ताँ परमेश्वर आबाजी मत्त्रे सेइमुँ।

☆ **24:29 24:29** ॐ ॥:१०; ३४:४; योए २:१०,३१; ३:१५; दर्शन ६:१२-१३; इज ३२:७;
३:१५ ☆ **24:30 24:30** ॐ ॥:१३; जक १२:१०-१४; दर्शन १:७

37 स्योंम्बै नोआए पलोए था आसेल्ले नाँ बाढि युब् धोले म्हिए
च्ह या था आसेल्ले युब्मुँ।☆

38 नाँ बाढिइ नास लब् भन्दा ओंसों नोआ क्यु झाजर आहोन्
समा, म्हिमें चब थुँब नेरो ब्या लरिल।

39 झाइले बाढि युसि स्वात्तन् आबोन् समा चमैइ तोइ आसेल।
च धोलेन् म्हिमेंइ आसेल्ले म्हिए च्ह युब्मुँ।☆

40 च त्हेर म्रों म्रिर्न के लरिबै म्हि डिहंरि म्रि बोब्मुँ, अर्को चर्न
वाथेंब्मुँ।

41 हेंदो प्होरिबै च्हमिरिमैं डिहंरि म्रि चर्न वाथेंब्मुँ म्रि बोब्मुँ।

42 “छतसि न्हक्रों-मिक्रोंले टिद्, तलेबिस्याँ क्हेमैए प्रभु खोंयो
युब्मुँ विसि क्हेमैइ आसे।

43 चु ताँ मैन्दि, धिं क्ल्हेइ ‘ह्यो चु त्हेर्न खब्मुँ’ बिब था सेस्याँ
च न्हरु आच्हुइल्ले टिरिमल, धै ह्योइ धिं फोदिल् आपिमल।

44 छतसि क्हेमैं या न्हक्रों मिक्रोंले टिद्, तलेबिस्याँ क्हेमैइ
आमैंबै त्हेर म्हिए च्ह युब्मुँ।”☆

२२ २२२ २२२२ २२२२ २२ २२२ २२२२२२ २२२२२२२
(२२२२ २२:२२-२२)

45 “भर लल् खाँब नेरो बुद्धि मुँबै केब्छैं खैबै तम्? च केब्छैंने
क्ल्हेइ ‘धिर्वै केब्छैंमैं चब-थुँब ठिक त्हेर पिन्’ विसि चए जिम्मार
वाथेंम्।

46 लिउँइ क्ल्हे धिंर एखमा खिइ बिब् धोलेन् च केब्छैं के लरिब्
स्यास्याँ च केब्छैंइ स्यावस योंब्मुँ।

47 क्हुोंसेन् ड क्हेमैने बिम्, क्ल्हेइ ह्त्तोंसए ताँन् सै न्होरए
जिम्मा पिंवर चलाइ त्हाँब्मुँ।

48 दिलेया दुष्ट केब्छैंइ ‘डए क्ल्हे तोगोंन् खरिब् आरे क्हेल्ले
खलै’ इहाँसि,

49 ह्रोंसने बालुन् के लब्मैलाइ धोंब नेरो प्हा थुँब्मैने थु तसि चब्-थुँब लबर होंइ बिस्याँ,

50 चइ थाइ आसेल्ले चए सैरै आमैबै त्हेर क्त्हे फेखब्मुँ।

51 झाइले क्त्हेजी चलाइ थेबै सजै पिसि फिब्लो पार्दिब्मैए म्हाँजोर भ्योंवाब्मुँ। चर म्हिमें क्रोसि स ह्हाब्मुँ।”

25

25:1-25:12 - 25:13-25:24

1 येशूजी अझै बिइ, “स्वर्गवै ग्याल्स कन्ये च्युने च्हाँल् खाँम्। च कन्ये च्युइ ह्रों-ह्रोंसए बत्ति छेसि प्हेँरोने त्होबर ह्याइ।☆

2 चमै न्होंरि इहउँलो बुद्धि मुँब् मुँल, इहउँलो बुद्धि आरेबा मुँल।

3 तलेबिस्याँ च बुद्धि आरेब्मैइ बत्ति मत्त्रे बोल, थप्दिबै छ्युगु बिस्याँ आबोल।

4 दिलेया बुद्धि मुँब्मैइ बिस्याँ बत्तिने बालु थप्दिबै छ्युगु या बोल।

5 प्हेँरो खब कहैल् लबइले च कन्येमै ताँन् न्हरु च्हुइयाइ।

6 “दिलेया म्हुँइँस आधार ‘इह्योत्ति! प्हेँरो फेखबि छेइ! खीने त्होबर खो,’ बिबै कै थेइ।

7 छ बिब् थेसि च कन्येमै च्यु छोरसि ह्रों-ह्रोंसए बत्ति सफा लसि छ्युगु झोंबर होंइ।

8 च बुद्धि आरेब्मैइ बिस्याँ बुद्धि मुँब्मैने ‘डिए बत्ति सिबर होंइ! छतसि केहेमैने मुँबै च्हाँदे छ्युगु डिलाज्यै पिन्,’ बिइ।

9 दिलेया च बुद्धि मुँब्मैइ बिइ, ‘डि नेरो केहेमैए ल्हागिर योबै छ्युगु डिने आरे। दोकनर ह्यासि ह्रोंसए ल्हागिर चैदिबै छ्युगु किन्।’

10 “छबिमा च बुद्धि आरेब्मैं छयुगु किंवर ह्यारिमा फ्हेंरो धिरं फेखइ, धै बत्तिर छयुगु झोंसि टिरिब्मैं फ्हेंरोने बालुन् ब्ह्याए भत्तार चबर धिं न्होंर होंइ। धै म्हिमैंइ म्रा तोरवाइ।

11 “तिस्याँदे लिउँइ च बुद्धि आरेब्मैं या फेखइ, धै ‘ओ प्रभु, डिअ ल्हागिरै या म्रा थोंमिन्,’ बिबर होंइ।✧

12 दिलेया खीजी चमैंने ‘क्होंसेन क्हेमैं खाब् जा डइ डो आसे,’ बिइ।

13 “छतसि न्हक्रो मिक्कोले टिद्, तलेबिस्याँ ड एयुबै त्हिंइ नेरो त्हे खोंयो तमुँ विसि क्हेमैंइ आसे।

222222 22222222 222222
(22222 22:22-22)

14 “स्वर्गबैं ग्याल्स म्हि म्रि धोंन् तब् ग। च आगुए ह्युलर ह्याबर होमा ह्त्तोंसए केब्छैंमैं हुइसि ह्त्तोंसने मुँबै सै न्होर चमैंए जिम्मार पिंइ।

15 केब्छैंमैंइ के कति लल् खाँम् च इह्योसि खीजी म्रिने माराए सिक्का इह, म्रिने माराए सिक्का इहं, धै म्रिने माराए सिक्का म्रि जिम्मा ल्हेदिसि च आगुए ह्युलउँइ ह्याइ।

16 माराए सिक्का इह योंबै म्हिइ युनन् ह्यासि च मुइउँइले छों लसि अर्को सिक्का इह कमदिइ।

17 छलेन सिक्का इहं योंबै म्हिज्यै या अर्को सिक्का इहं कमदिइ।

18 दिलेया सिक्का म्रि योंबै म्हिइ बिस्याँ ह्यासि होंल्दों तासि क्त्हेए मुइ लोथेंइ।

19 “ल्हें त्हिंइ लिउँइ चमैंए क्त्हे एखसि चमैंने हिसाब त्हिइ।

20 माराए सिक्का इह योंबै केब्छैंइ अरू सिक्का इह पखसि ‘चिब, किहजी डने माराए सिक्का इहए जिम्मा पिल। डइ छों लसि अर्को सिक्का इह कमदिइ पखइमुँ,’ बिइ।

21 “चाए के मोंसि कल्हेजी चने बिइ, ‘स्याबास! किह छयाँबै के लब नेरो भर लल् खाँब् तइ! किह च्युगुदे सैरै या भर लल् खाँब् तइ। छतसि तारे डइ ल्हें सैमैए जिम्मा किहलाइ पिंम्मु। किह ह्मोंसए कल्हेने बालुन् सैं तोंन्ले टिद्।’

22 “च लिउँडँ सिक्का डिहं योंबै केब्छेंज्यै या कल्हे डाँर खसि बिइ, ‘चिब, किहजी डने सिक्का डिहं पिंल। डइ अकों सिक्का डिहं कमदिसि पखइमुँ।’

23 “चाए के मोंसि कल्हेजी चने बिइ, ‘स्याबास! किह छयाँबै के लब नेरो भर लल् खाँब् तइ! किह च्युगुदे सैरै या छयाँबै के लसि भर लल् खाँब् तइ। छतसि तारे डइ ल्हें सैमैए जिम्मा किहलाइ पिंम्मु। किह ह्मोंसए कल्हेने बालुन् सैं तोंन्ले टिद्।’

24 “च लिउँडँ माराए सिक्का घ्रि योंबै केब्छें कल्हे डाँर खसि बिइ, ‘चिब! किह आरुँडँबै कल्ह्योउँडँले खेंमुँ, आटाबै कल्ह्योउँडँले खुमुँ, धै सारो सैं प्याबै म्हि मुँ बिसि डइ सेल।

25 छतसि डम् डिहंइ, धै ह्यासि किहए सिक्का स न्होर लोथेंल। नाँ, किहए मुइन् किन्।’

26 “छबिमा चाए कल्हेजी चने बिइ, ‘ओ केर आत्हुबै प्लेउ! डइ आप्लुबै कल्ह्योर खेंमुँ, आटाबै कल्ह्योउँडँले खुमुँ बिसि किहइ सेस्याँ

27 किहइ डाए मुइ बैंकर थेंल् त्हुमल। धै ड एखमा च मुइला ब्याजै या डइ योंमल।’

28 चुइ तिंफुँए फिर डिहंफुँ आलसेरो ‘चने मुँबै सिक्का प्हेंसि सिक्का च्यु मुँबै म्हि पिंन्।

29 तलेबिस्याँ खाब्ने मुँ, चने मुँबै फिरै या थप्दिमिंम्मु, धै चने छयेज्याल्हुल्हु तब्मु। खाब्ने आरे चने देदे मुँबै या प्हेंवाँम्मु।✱

✱ 25:29 25:29 □□□□ □□:१२; मर्क ४:२५; लूक ८:१८

30 चु केर आतुबै केब्छैं बैरु मिछु खैबै कल्ह्योर भ्योंवाँन्, चर म्हिमैं क्रोसि स ह्ताब्मुं।*☆

????? ??? ????????

31 “म्हिए च्हु मुँ तसि खीए थेबै मानर ल्हें स्वर्गदूतमैंने बालुन युब्मुं, धै ह्त्तोसए पबित्र राजगद्दिर टिब्मुं,*

32 झाइले ताँन् ह्त्तें-ह्त्तेंबै म्हिमैं खीए उँडैर खागु तब्मुं, धै फ्त्तोछैंमैँइ र नेरो क्यु स्यो-स्यो लब् धोंलेन् खीजी घ्रिउँडैले घ्रि स्यो लब्मुं।

33 खीजी क्यु धों तब्मैं ह्त्तोसए क्योलो हारइ थेंब्मुं, धै र धों तब्मैं त्हेब्रे हारइ थेंब्मुं।

34 झाइले मुँजी ह्त्तोसए क्योलो हारबै म्हिमैंने ‘खो, डए आबाउँडैले आशिक योंबै म्हिमैं, ह्युल बनेब् ओंनोंन् कहेमैंए ल्हागिर बनेथेंबै ग्याल्सर कल्हे लबर खो,’ बिब्मुं।

35 तलेबिस्याँ ड फो खेंमा कहेमैंइ चल् पिंड। ड क्यु पिमा कहेमैंइ क्यु थुँल् पिंड। ड अरू ह्युलबैं मुँलेया कहेमैंइ धिर बोसि टिल् पिंड।

36 ड क्लुनान् मुँमा कहेमैंइ क्वें खिमिंड। ड नमा कहेमैं ल्होबर खइ। ड झेलर मुँमा कहेमैं ड डार त्होबर खइ।

37 “चु ताँ थेसि ठिक के लब्मैंइ ‘ओ प्रभु, किह फो खेंब डिइ खोंयों म्रोसि चब् चल् पिल? क्यु पिब् सेसि खोंयों थुँल् पिल?’ बिब्मुं।

38 किह अरू ह्युलबैं मुँलेया डिइ खोंयों धिर बोसि किहए मान लल? किह क्लुनान् तब् म्रोसि डिइ खोंयों क्वें खिमिल?

39 झाइले किह नबै त्हेर किहलाइ ल्होबर डि खोंयों खइ? धै किह झेलर मुँब् सेसि किह डार त्होबर डि खोंयों खल?”

40 “छबिमा मुँइ चमैने बिब्मुं, ‘क्ह्रोसंन ड कहेमैने बिमुं, कहेमैइ डाए अलि-अडाँमें न्होर्वै धाँसे च्योबै म्हिलाइ तो-तो लइ, च कहेमैइ डलाइन लब् ग।’

41 “च लिउँइ खीजी ह्रोसए त्हेब्रे हारइ टिब्मैने ‘ओ सराप योबै म्हिमै! ड डाँइले हेंगो तयाद्। दियाबलस नेरो चए दूतमैए ल्हागिर बनेथेंबै खोयोँइ आसिबै मिर ह्याद्,’ बिब्मुं।

42 तलेबिस्याँ ड फो खेंमा कहेमैइ चबै सै आपि, ड क्यु पिमा कहेमैइ क्यु थुँल् आपि।

43 ड अरू ह्युलबै म्हि मुँमा कहेमैइ धिर बोसि टिल् आपि। ड क्लुनान् तमा कहेमैइ क्वें आखिमिं। ड नमा नेरो झेलर मुँमा कहेमै डने त्होबर आखा।

44 “‘प्रभु, किह फो खेंब नेरो क्यु पिब, अरू ह्युलबै म्हि मुँब, क्लुनन् तब, नब, नेरो झेलर टिब डिइ खोयोँ म्रोसि किहए सेवा आल?’ बिसि चमैइ डचोएब्मुं।

45 “‘धबै मुँइ बिब्मुं, ‘क्ह्रोसंन ड कहेमैने बिमुं, डाए चु अलि-अडाँमें न्होर्वै धाँसे च्योबै म्हिलाइ कहेमैइ आल्होसेरो कहेमैइ डलाइ आल्होब् ग।’

46 “छतसि चुमैइ खोयोँइ आखाँबै दण्ड योँब्मुं, दिलेया ठिक के लब्मैइ बिस्याँ खोयोँइ आखाँबै छ्ह योँब्मुं।”☆

26

00000000 00000 00 00
(0000000 00:0-0; 0000 00:0-0; 00000000 00:00-00)
000

1 येशूजी चु ताँन् ताँमै बिल् खाँबै लिउँइ ह्रोसए चेलाँमैने बिइ,
2 “कहेमैइ सेइमुं, डिहरो लिउँइ दुःखने फ्रेबै चाड खमुं। च त्हेर म्हिमैइ म्हिए च्ह कूसर च्योवाबै ल्हागिर कहाब्मुं।”☆

3 झाइले खो पिंवै खेगि चिबैं नेरो यहूदी चिबनाबैं कैयाफा
बिबै खो पिंवै खेगि क्रुथेए दरबारर खागु तइ।

4 धै चमैंइ म्हिमैंइ आसेल्ले येसूलाइ कहासि सैबै मत लइ ।

5 दिलेया चमैंइ बिइ, “चाडए त्हेर कहाव आत । ड्योइ छ लस्यां
मिहमैं खैला-वैला तब्भैं ।”

????????? ???? ???? ???? ???? ????
 ?????? ?????????

(?????? ??:?-?; ????????? ??:?-?)

6 येशू वेथानिया बिबै नाँसर सिमोन बिबै कोर खबै म्हिए धिर
मँमा,

7 च्हमिरि घिइ सिङ्गमरमए परुर लिंबै थाँ खबै सै ल्हें फेबै
अत्तर पखसि खी डाँर खइ। धै खी चब् चबर कहुँमा च च्हमिरिइ
अत्तर खीए कर युमिंइ।✧

8 छ लब् म्रोसि चेलामैं हिस खसि बिइ, “तले च्छौ ल्हें सै फेवै
अत्तर नोक्सन लब जा?

9 चु अत्तर सै ल्हेर चुँसि योंबै मुइ इहाँदुमें पिल् खाँमल ।”

10 चमैँइ बिबै ताँ सेसि येशूजी चमैँने बिइ, “क्हेमैँइ चु च्हमिरि तले हौदिसि दुःख पिंमुँ? चुइमि डाए ल्हागिर बेल्ले छयाँबै के लइमुँ।

11 तलेबिस्याँ इहाँदुमै खोंयोँइ या क्हेमैनेन् तरिम् । ड बिस्याँ खोंयोँइ या क्हेमैने आत ।✧

12 चइ चु अत्तर डए ज्युर युमिसि ड पाबै ल्हागिर तयार लमिंब्
ग।

13 कद्दाँसेंन डः कहेमैने बिमुँ, ह्युल तिगोन् परमेश्वरए सैं तोवै
ताँ बिमिंबै कल्हयोजरे चु च्मिरिइ लबै छयाँबै केए बयन चलाइ
मैबै ल्हागिर म्हिमैइ लब्भुँ।”

222222 22222222 2222 2222
(222222 22:22-22; 2222 22:2-2)

14 च लिउँइ च्युसे डिहं चेलामें न्होंबै यहूदा इस्करियोतथें खो
पिंबै खेगि चिम्बैं डाँर ह्यासि

15 बिइ, “डइ येशूलाइ कहासि कहेमैए योर पिंइ बिस्याँ डलाइ
तो पिंमुँ?” छबिमा चमैंइ चाँदिए मुइ सोंच्यु पिंइ।*

16 च त्हेसेरो यहूदाइ येशूलाइ कहाल् पिंबै दाउ इह्योबर होंइ।

222222 2222222222 222222 222222 2222
222222 222 22
(222222 22:22-22; 2222 22:2-22, 22-22;
22222222 22:22-22)

17 प्लेढा आझोंबै क्हें चबै चाडए ओसोंबै त्हिंइर चेलामें येशू
डाँर खसि “डइ क्हिए ल्हागिरि दुःखने फ्रेबै चाड म्हाँदिबै तौदु
खनिर लले?” बिसि डचोएइ।

18 खीजी चमैंने बिइ, “सहरर म्हि घि डाँर ह्यासि चने बिइ,
गुरुजी बिइमुँ, ‘डए ल्हागिर तोक्दिबै त्हे तखइमुँ। छतसि डए
चेलामेंने बालु ड क्हिए धिर दुःखने फ्रेबै चाड म्हाँदिदा इहाँइमुँ,’
बिइ।” बिसि कुल्मिंइ।

19 छबिमा चेलामेंइ येशूजी बिब् धोले दुःखने फ्रेबै चाड म्हाँदिबै
तौदुमें लइ।

20 डेसा तबै लिउँइ खी च्युसे डिहं चेलामेंने बालु चब् चबर
क्हुँइ।

21 खेंमैं चब् चरिबै त्हेर येशूजी बिइ, “क्हुँसेंन ड कहेमैंने बिमुँ,
कहेमैए न्होंरि म्हि घिइ डलाइ कहाल् पिंम्मुँ।”

22 चु ताँ थेसि चमैं बेल्ले न्हूँ लसि घि-घिले “प्रभु, च म्हि ड
वा?” बिसि डचोएबर होंइ।

23 खीजी बिइ, “डने बालुन् फ़ेलार कहे तुइबै म्हिइन ड कहाल्
पिन्मूँ।☆

२४ परमेश्वर ए छवेर प्हिब् धोले म्हिए च्ह सिलन् त्हुम्, दिलेया
म्हिए च्ह कहाल् पिबै म्हिलाइ धिक्कार मुँ। च म्हि आफिस्याँ चए
ल्हागिरि छयाँब तमल।”

25 खीलाइ कहाल् पिबै यूहदाइ “ओ गुरु, च म्हि ड वा?” विसि ड्योएमा

खीजी चने बिइ, “क्हिइ ह्नोंसइन बिइमुँ।”

22222 222 - 2222 22222222 2222222222 222 22
(22222222 22: 22-22; 22222 22: 22-22; 2 2222222222
22: 22-22)

22222222 22222 22 2222 22222222 22222 22222
22222222 2222
(2222222 22:22-22; 22222 22:22-22; 22222222
22:22-22)

31 झाइले येशूजी चमैने बिइ, “तिंयाँबै म्हुँइसर डए फिर तखबै केमै म्रोसि कहेमै ताँनइ ड वार्थेसि ह्याब्मुँ । तलेबिस्याँ परमेश्वरए छवेर छले फ्हिइमुँ,
‘डइ क्युछैँ सैवाब्मुँ,

धै क्युए बगालमैँ खन्तोदोन् फ्हूयाब्मुँ ।”☆

32 दिलेया ड सिसि धवै सोगों तबै लिउँइँ कहेमैँ भन्दा ओंसों गालील ह्युलर ह्याब्मुँ ।”☆

33 पत्रुसइ खीने बिइ, “क्हिए फिर दुःख तमा ताँनइ क्हि पिवालेया डइ खोंयोँइ या क्हिलाइ पिरिब आरे ।”

34 येशूजी चने बिइ, “क्ह्लोंसेँन ड क्हिने बिमुँ, तिंयाँबै म्हुँइसर नग भाले ओरब भन्दा ओंसों सोंखे समा क्हिइ ड डो आसे बिब्मुँ ।”

35 पत्रुसइ खीने बिइ, “क्हिने बालुन् सिल् त्हुलेया डइ क्हि खोंयोँइ डो आसे बिरिब आरे ।”

अरू चेलामैँज्यै या छान् बिइ ।

22222222 22222 22222222 2222222 22222222 22
(2222222 22:22-22; 22222 22:22-22)

36 झाइले येशू चेलामैँने बालु गेतसमनि बिबै बगैंचार ह्यासि “ड दे क्याइ ह्यासि प्राथना लमुँ । कहेमैँ चुर्न टिरिद् ओ,” बिइ ।

37 खीजी पत्रुस नेरो जब्दियाए च्ह डिहं ह्त्रोंसने बालुन् बोसि ह्याइ, च्हमा खी शोकइ लमा खैता खैता तबर होंइ ।

38 छतमा खीजी चमैने बिइ, “डए सैँर थेबै शोक तसि सिब धोंन् तइमुँ । कहेमैँ न्हरु आच्छुल्ले डने बालुन् चुर्न टिद् ।”

39 झाइले येशू दे क्याइ ह्यासि सर पदखु तसि “ओ डए आबा, तल् खाँम् बिस्याँ चु दुःख ड डाँइले स्योमिन्। दिलेया डइ मैब् धोले आङि, क्हाए सैर मैब् धोले तरिगे,” बिसि प्राथना लइ।

40 झाइले खी चेलांमैं डाँर खमा चमैं न्हरु चुइरिब स्याइ। छतमा खीजी पत्रुसने बिइ, “क्हेमैं घण्टा त्रि या न्हरु आच्छुइल्ले डने बालु टिल् आखाँ वा?

41 दुष्टए डोर आफेरिगे बिसि न्हरु आच्छुइनाले प्राथना लइ। क्त्होसेन सैरम् खाँले इहाँमुँ, ज्यु बिस्याँ आखाँ।”

42 धवै डिहखेबै लारै या येशू ह्यासि छले प्राथना लइ, “ओ डए आबा, चु दुःख डइ आनोसि आत बिस्याँ क्हाए सैर मैब् धोन् तरिगे।”

43 खी धवै एखमा चेलांमैं न्हरु चुइरिबन् स्याइ, तलेबिस्याँ चमैंए मि न्हरुइ स्युलुलुन् तरिल।

44 छ तब् म्रोसि चमैं धवै चर्न वार्थेसि सोखेबै लारै या ह्यासि ओसों लब् धोलेन् प्राथना लइ।

45 झाइले खी चेलांमैं डाँर खसि चेलांमैंने बिइ, “क्हेमैं अझै रोसि भोन् न्हरिल् वा? इह्योद, म्हाए च्हा कहासि पापिमैंए योर पिंवाबै त्हे तयाल् खाँइमुँ।

46 रेद, ह्याले। इह्योद! उलाइ कहाल् पिंबै म्हा चेंदोन् मुँ।”

2222222 22222
(222222 22:22-22; 2222 22:22-22; 2222222
22:2-22)

47 येशूजी छ बिइन मुँमा खीए च्युसे डिहं चेलांमैं न्होंबैं यहूदा चर फेखइ। चने बालु सेलाँ (तरवार) नेरो प्हरे छेबै थेबै हुलै या खइ। चमैं खो पिंबै खेगि चिबैं नेरो यहूदीमैंए चिबनाँबैंइ कुल्मिंभैं मुँल।

68 “ओ ख्रीष्ट, लु, अगमबाणि पोंन्! किह्लाइ प्रिं ब खाब् जा?”
बिदै खीलाइ धोंइ।

२२२२२२२२ “२२२२ २२ २२२” २२२
(२२२२२२ २२:२२-२२; २२२२ २२:२२-२२; २२२२२२२
२२:२२-२२, २२-२२)

69 पत्रुस बैरु ह्युर्न टिरिमा केब्ब्यो घ्रि च डाँर खसि “किह या
गालीलथें येशूने बालु मुँल्दि आडि वा,” बिइ।

70 दिलेया पत्रुसइ चमैं ताँनए उँईर “डन् आडिं! किहइ बिबै ताँ
डइ तोइ आक्हो,” बिइ।

71 च लिउँई पत्रुस बैरु ह्युउँई ह्यारिमा चरै या अर्को केब्ब्योइ
चलाइ म्रोंसि “चु म्हि नासरतथें येशूने बालु मुँल बिसि चर मुँबै
म्हिमैने,” बिइ।

72 पत्रुसइ कसम चसि “आडिं! डइ च म्हि डो आसे,” बिइ।

73 तिस्याँदे लिउँई चर मुँबै म्हिमैं पत्रुस डाँर खसि बिइ,
“क्ह्रोंसेन्, किह या चमैं न्होंबै घ्रि ग, तलेबिस्याँ किहइ पोंबै
ताँउँईलेन् था सेम्।”

74 दिलेया पत्रुसइ “डइ च म्हि सेन् आसे बिसि ह्रोंसलाइन
सराप पिंदै कसम चबर होंइ।”

छ बिबै तोदोंन् नग भाले ओरइ।

75 च त्हेर्न येशूजी ओंसों बिबै ताँ चिसि पत्रुस बैरु ह्यासि बेल्ले
क्रोइ। तलेबिस्याँ येशूजी ओंसोंन् पत्रुसने “नग भाले ओरब् भन्दा
ओंसोंन् किहइ सोंखे समा ड डो आसे बिब्मुँ,” बिल।

27

२२२२२२२२ २२२२२२ २२२२ २२२
(२२२२२२२ २२:२; २२२२ २२:२-२; २२२२२२२२ २२:२२-२२)

1 न्हाँक्कन, खो पिंबै ताँन् खेगि चिब्मैं नेरो यहूदी चिबनाँब्मैंइ
येशूलाइ सैब् बिसि खीए बिरोधर मत लइ।

(27:27-27:27; 27:27-27:27; 27:27-27:27-27)

11 येशू क्रथेए उँडर रामा क्रथेइ येशूने “क्हि यहूदीमैए मुँ वा?” बिसि डचोएइ।

येशूजी “क्हिइन बिइमुँ दि,” बिइ।

12 खो पिंबै खेगि चिबमैं नेरो शास्त्रिमैंइ खीए फिर तब आतबै छयाब् ल्हैदिइ, दिलेया येशूजी तिजी या आपों।

13 छतमा पिलातसइ येशूने “चमैंइ च्हाँ ल्हें छयाब् क्हिए फिर ल्हैदिइमुँ, क्हिइ आथेइमुँ वा?” बिमा

14 येशूजी तिजी या ज्वाफ आपिं। छाब् भ्रोंसि क्रथे या प्लेटोयाइ।

(27:27-27:27; 27:27-27:27; 27:27-27:27-27)

15 दुःखने फ़ेबै चाडर म्हिए हुलइ बिब धोंले झेलर च्युथेंबै म्हि ग़ि क्रथेइ पिमिंबै छया मुँल।

16 च त्हेर आछयाँबै मिं चल्दिबै बारब्बा बिबै म्हि ग़ि झेलर मुँल।

17 म्हिमैं खागु तमा पिलातसइ चमैंने “क्हेमैंए सैंर खै इहाँइमुँ? क्हेमैंए ल्हागिर डइ खाब् पिमिंले? बारब्बा पिमिंले उ ख्रीष्ट बिबै येशू पिमिंले?” बिसि डचोएइ।

18 तलेबिस्याँ चमैंइ येशूए फिर हिस लसि खी डार पखब् ग बिब क्रथेइ था सेल।

19 पिलातस निसाफ लबै कल्ह्योर क्हुँरिबै त्हेर चए फ़्लेंस्योइ चलाइ छ, बिसि सउँसर पिमिंइ, “च छयाब् ओरेबै म्हिलाइ तोइ आलद, तलेबिस्याँ च म्हिए कारणइ लमा तल् म्हुँइँसर म्हाँडर डइ ल्हें दुःख योंइ।”

29 चमैइ पुजुए मुकुट या बनेसि खीए कर कुमिइ, क्योलो योरि रिए फ़हे छेल् पिइ, धे येशूए उँइर च्हि तुँसि फ्योब् धों लसि “ओ येहूदिमैए मुँ!” बिदै खीए बिल्लि लइ ।

30 चमैइ येशूलाइ थुइसि खीए योबै फ़हे फ़ेंसि खीए कर प्रिइ ।

31 छले चमैइ येशूए बिल्लि लल् खाँबै लिउँइ च ओल्न्या क्वें प्लिसि धवै खीए क्वेन् खिमिसि कूसर च्योवाबर बोइ ।

27:27-27 27:27-27 27:27-27
(27:27-27 27:27-27; 27:27 27:27-27; 27:27-27
27:27-27)

32 चमैइ येशूलाइ बोसि घ्यार ह्यारिमा सिमोन बिबै कुरेनीथेने त्होइ, चमैइ चने येशू च्योबै कूस कर ल्हैदिसि नोल् पिइ ।

33 झाइले चमै गलगथा बिबै क्ल्ह्योर फेखइ । च गलगथाने क खोप्लें बिम् ।

34 चर चमैइ येशूलाइ काँ कोबै अँगुरए फ़ा थुँल् पिइ, दिलेया खीजी म्ह्योसि च थुँल् आडिं ।✧

35 चमैइ येशूलाइ कूसर च्योवाबै लिउँइ खीए क्वें चिट्ठा झोंसि खेंमैए न्होर चुइ ।✧

36 झाइले चमै येशूलाइ रँबर चर टिइ ।

37 “येशू यहूदीमैए मुँ ग बिसि खीए बिरोधर छ्याब् ल्हैदिसि फ़्लिबै काउद खीए कए क्होउँइ चमैइ टौदिथेंइ ।”

38 झाइले चमैइ ह्योमैं डिहं या येशूने बालुन् घ्रि खीए क्योलोउँइ घ्रि त्हेब्रेउँइ कूसर च्योवाइ ।

39 च घ्यार प्रबै म्हिमैज्यै या क लासि येशूए बिल्लि लसि✧

40 “क्हि मन्दिर फुवासि धवै सोंगेंन बनेल् खाँम् बिबै म्हि, आडिं

वा? किह क्होंसेंन परमेश्वरए च्ह ग बिस्याँ लु, ह्नोंसलाइ जोगेबै ल्हागिर कूसउँडैले त यु!” बिइ।☆

41 छलेन खो पिंबै खेगि चिब्मैं, शास्त्रिमैं नेरो चिबनाँब्मैंज्यै या खीए बिल्लि लदै बिइ,

42 “चुइ अरूमैं जोगेमिंड, ह्नोंसलाइ बिस्याँ जोगेल् आखाँ। चु इस्राएलीमैंए मुँ ग बिस्याँ तोगो कूसउँडैले सर तयुल् खाँरिगे। छ लल् खाँस्याँ डिज्यै या क्वेब्मुँ।

43 चुइ परमेश्वरए फिर बिश्वास लम्, ‘ड परमेश्वरए च्ह ग,’ बिसि चुइ बिमल। छतसि परमेश्वरजी चुने म्हाँया लम् बिस्याँ खीजीन् तोगो चुलाइ जोगेमिरिगे।”☆

44 येश्नूने बालु कूसर च्योवाबै ह्योमैंज्यै या छलेन् खीए बिल्लि लइ।

22222 2222
(22222222 22:22-22: 22222 22:22-22: 222222222
22:22-22)

45 झाइले त्हिंयाँबैं च्युसे डिहं ह्नाबै त्हेसेरो सों ह्नाबै त्हे समा ह्युल तिगोंन् मिछु खैयाइ।

46 सों ह्नाबै त्हेजरे येश् छ बिदै थेबै कैले ओरइ, “इलोइ, इलोइ, लामा सबखथनि?” (चुए अर्थ “ओ डाए परमेश्वर, ओ डाए परमेश्वर, किहजी डलाइ तले पिवाल?”)☆

47 छ बिब् थेसि चर रारिबै को-कोइ म्हिमैंइ बिइ, “चु म्हिइमि स्योम्बै एलिया हरिइमुँ।”

48 चमैं न्होंबैं म्हि भ्रि न्हेह्यासि फ्हा क्युं हुइर प्हुँसि म्वोए फ्हेर फैसि खीलाइ थुँल् पिंड।☆

49 दिलेया अरू म्हिमैंइ बिइ, “तारे, खनिज्यै एलिया चलाइ जोगेबर युम् उ? इह्योले!”

50 झाइले येशूजी धबै थेबै कै तेसि सो पिवाइ ।

51 च त्हेर्न मन्दिरबै पर्दा क्वें डिहबाँ फैले ताइले माइ समा
ट्होह्याइ, धै सयो खइ, पारामें तियाइ ।☆

52 छगोंमें थोंयासि ओसोंन् प्रभुए फिर बिश्वास लसि
सियाब्मै‡ सोगों तसि रेइ ।

53 झाइले चमैं छगोंउँइले त्होंखइ, धै येशू सिबउँइले धबै सोगों
तबै लिउँइ चमैं यहूदीमैंए पबित्र सहर यरूशलेमर ह्याइ धै त्हें
म्हिमैं डार्र म्रोंखइ ।

54 सयो खब नेरो चर तबै ताँमें म्रोंसि चबैं कप्तान नेरो चने मुँबै
येशूलाइ रूबै सिपाइमैं बेल्ले डिहंसि “चु म्हि क्होंसेन परमेश्वरए
चहन् मुँन,” बिइ ।

55 चर हेंगोउँइले इहयोरिबै त्हें च्मिरिमैं या मुँल । चमैं येशूए
सेवा लदै खीए लिलि गालील ह्युलउँइले खल ।☆

56 चमैं न्होंरि मगदालाथेंस्यो मरियम, याकूब नेरो योसेफए
आमा मरियम, धै जब्दियाए च्ममैंए आमा मुँल ।

□□□□□□□□ □□□□
(□□□□□□□□ □□.□□-□□; □□□□ □□.□□-□□; □□□□□□□□
□□.□□-□□)

57 डेसा तबै लिउँइ अरिमाथियाथें योसेफ बिबै प्लबै म्हि घ्रि
चर फेखइ । चै या येशूए चेला मुँल ।

58 योसेफइ पिलातस डार्र ह्यासि येशूए सिनु ह्मिइ, छले
ह्मिमा पिलातसइ येशूए सिनु चलाइ पिन् बिसि सिपाइमैंने
त्हैदिइ ।

59 योसेफइ येशूए सिनु बोसि छारा सुतिए क्वेंइ म्होरसि,

60 चइ पारा कोप्दिसि लबै ह्मोंसए छारा उर येशूए सिनु थेंइ,
धै च उए सुँर थेबै युँमाइ हुथेंसि ह्याइ ।

☆ 27:51 27:51 □□□□ □□:३१-३३ ‡ 27:52 27:52 □□□□□□□□ □□□□ □□□□, रोबे म्हिमें

☆ 27:55 27:55 □□□ □:२-३

61 उए ओंसों मग्दालाथेंस्यो मरियम नेरो अकों मरियम या क्हरिल ।

□□□□□□□□□□ □□□□ □□□□

62 चाडए ल्हागिर चैदिबै सैमैं तयार लबै त्हिंइए फ्हांन्हाँग्धों खो पिबै खेगि चिबमैं नेरो फरिसीमैं पिलातस डाँर खागु तइ ।

63 चमैंइ पिलातसने बिइ, “ओ चिब, च स्योर्गुइ सोगों मुँमा ‘ड सियालेया सोंरोंर धबै सोगों तसि खब्मुँ’ बिल । चइ बिबै ताँ डिइ चिरिइमुँ ।”

64 छतसि सिपाइमैंने सोंरों समा ‘च छगों छेनाले रून्,’ बिसि बिद । छ आलस्याँ चाए चेलामैं खसि सिनु ह्योइ बोयालै धै ‘प्रभु सिबउँइले धबै सोगों तसि रेना’ बिसि म्हिमैंने बिब्मुँ । धै चु स्योर्गु ताँ ओसोबै भन्दा झन् आछ्याँब तब्मुँ ।”

65 पिलातसइ चमैंने “रूबै म्हिमैं बोसि खाँन् समा छगों छेनाले रून्,” बिइ ।

66 छबिमा चमैं ह्यासि छगों हुथेंबै युँमा ओल् आखाँल्ले भोंब् लसि छगों छेनाले रूबै ल्हागिरि पालेमैं थेंइ ।

28

□□□□□ □□□□□□□□□□□□ □□□□ □□□□□□ □□
(□□□□□□□□ □□:१-११; □□□□□ □□:१-११; □□□□□□□□ □□:१-११)
□□

1 प्रिबै त्हिंइए फ्हांन्हाँग्धों आइतवार न्हाँक्कन मि म्रोबै छझँ मग्दालाथेंस्यो मरियम नेरो अकों मरियम छगों इह्योबर ह्याइ ।

2 च त्हेर थेबै सयो खइ, तलेबिस्याँ स्वर्गउँइले प्रभुए दूत घ्रि युसि छगों हुथेंबै युँमा प्लिंवासि युँमाए फिर टिइ ।

☆ 27:63 27:63 □□□□ □□:२१; १७:२३; २०:१९; मर्क ८:३१; ९:३१; १०:३३-३४; लूक ९:२२; १८:३१-३३

Gurung Central Adapt It Study Bible
Gurung: Gurung Central Adapt It Study Bible (New
Testament+)

copyright © 2020 Wycliffe Bible Translators, Inc.

Language: Gurung (Gurung, Western)

Contributor: Wycliffe Bible Translators, Inc.

© Wycliffe Bible Translators, Inc.

All rights reserved.

2025-05-03

PDF generated using Haiola and XeLaTeX on 26 Jul 2025 from source files
dated 3 May 2025

54ead5f0-09ac-5893-ab7c-505713abe514